

Elinjil wa n Matta Təhəwt ən Ƴaysa d ətəwəsəmutəg-net y əššəyəl wa z'agu

Aljadan ən Ƴaysa əd təhəwt-net

Aljadan ən Ƴaysa Elməsix

¹ Entanay da esmawan n aljadan ən Ƴaysa Elməsix, ahaya n ənnəbi Dawəd, d ənnəbi Ibrahim:

² Ibrahim eraw Isəhaq.

Isəhaq eraw Yaqub.

Yaqub eraw Yahuda əd mədrayan-net.

³ Yahuda eraw Farəs əd Zarax,
anna-nasan esəm-net Tamar.

Farəs eraw Xasrun.

Xasrun eraw Ram.

⁴ Ram eraw Ƴaminadab.

Ƴaminadab eraw Naşon.

Naşon eraw Salmuna.

⁵ Salmuna eraw Boxaz was anna-net Rahab.
Boxaz eraw Ƴubayd was anna-net Rut.

Ƴubayd eraw Yasay.

⁶ Yasay eraw Dawəd wa n əmənokəl.

Dawəd eraw Suliman was anna-net tantut n
Urəyya.

⁷ Suliman eraw Roxoboham.

Roxoboham eraw Abəya.

Abəya eraw Aza.

⁸ Aza eraw Yahuşafat.

Yahušafat eraw Yuram.

Yuram eraw Ƴuzəyas.

⁹ Ƴuzəyas eraw Yutam.

Yutam eraw Axaz.

Axaz eraw Xizqəyyas.

¹⁰ Xizqəyyas eraw Manašša.

Manašša eraw Amun.

Amun eraw Yušəya.

¹¹ Yušəya eraw Yakunəya əd mədrayan-net.

Azzaman win den əntanay

a daɣ tawaɣan Kəl-Israyil

əmməwayan s akal ən Babəylon

əqqalan daɣ-as ikefəlan.

¹² Dəffər adi, eraw Yakunəya Šalatəyel.

Šalatəyel eraw Zərubabil.

¹³ Zərubabil eraw Abihud.

Abihud eraw Alyaqim.

Alyaqim eraw Yazur.

¹⁴ Yazur eraw Saduq.

Saduq eraw Xakim.

Xakim eraw Eləyud.

¹⁵ Eləyud eraw Elyazar.

Elyazar eraw Mattan.

Mattan eraw Yaqub.

¹⁶ Yaqub ənta a erawan Yusəf

wa izlafan Maryama ta terawat Ƴaysa

was itawannu Əlməsix.

¹⁷ Daɣ adi maraw meddan d əkkoz a əllanen gər

Dawəd d əmaraw-net Ibrahim. Əllân-tu maraw

d əkkoz gər Dawəd d azzaman win ətəwəkfal ən

Kəl-Israyil əs Babəylon, əllân-tu deɣ maraw d

əkkoz gər ətəwəkfal ən Kəl-Israyil əs Babəylon

əd təhəwt ən Ƴaysa.

Təhəwt ən Ƴaysa wa n Əlməsix

¹⁸ Ənta da əmmək was d-iggaz Ƴaysa Əlməsix əddənet: Maryama ta n anna ən Ƴaysa, imirakan dər-əs Yusəf azalaf. Mişan harwa da wər təzlay əs Yusəf, as təga tadist, əs tarnə n Infas wa Zəddigan.

¹⁹ Yusəf, imosan aləs oƷadan, wər ira əsəkkərəkəd ən Maryama daƷ aytedan. Awen daƷ a fəl isammarkas daƷ man-net as a dər-əs iƷrəd da wər t-illa i əhan salan-nasan.

²⁰ Isamadran daƷ awen da as t-in-ibaz etəs inafalal-as-du angalos n Əməli daƷ targət, inn-as: «Yusəf, ahaya ən Dawəd, a kay-wər-təggəz tasa n azalaf ən Maryama, fəlas barar wa ihan tadist-net, Infas wa Zəddigan a d-ifal.

²¹ Ad təgrəw barar amaran kay ag-as esəm Ƴaysa fəlas ənta a z'assafsin tamattay-net daƷ bakkadan.»

²² Arat wa kul iga fəl ad andu awal wa d-imal Məşşina əs tarrayt n ənnəbi Isayas as inna:

²³ «*Ad tagu təmawat tadist da wər təzday meddan, təgrəw barar. Barar wədi a das-itəwəggu esəm Emanəwel, almaƷna: Məşşina illâ Ʒur-na.*»

²⁴ As d-inkar Yusəf daƷ etəs, immozal s arat was t-omar angalos n Əməli, izlaf Maryama.

²⁵ Mişan wər kala a dər-əs inamansa har ihəw barar. As ihəw, ig-as Yusəf esəm Ƴaysa.

2

Tagadəzt ən musanan win dännəg Əlməsix

¹ Azzaman n Əmənokal Herod a daƷ ihəw Ƴaysa, daƷ əƷrəm ən Betalxam, daƷ amaɖal ən

Yahudəyya. Əqlan-du musanan ən manayan a d-əfalnen dənnəg har d-osan Yerusalam.

² Ənnan: «Ma iga əmənokəl ən Kəl-Əlyəhud wa ihəwan da səket? Atri-net a nənay dağ dənnəg, amaran nəkk-ay-du y a das-nəssəjəd.»

³ Arat wa as t-islə əmənokəl Herod, iga aššawaša zəwwəran, ənta harkid Kəl-Yerusalam kul.

⁴ İššədaw-du imuzaran ən limaman, əd musanan n Əttawret, issəstən-tan d adag wa dağ z'ihəw Əlməsix.

⁵ Ənnan-as: «Ağrəm ən Betalxam a dağ z'ihəw dağ amađal ən Yahudəyya, fəlas ənnəbi Mika iktâb âs:

⁶ *"Kam amaran Betalxam, ta n amađal ən Yahudəyya, təheç iğərman win açağ dağ akal ən Yahudəyya, fəlas kam a du-z-igməd əmuzar wa z'agin i tamattay-nin İsrəyil tizart ta itaggu amadan y aharay-net."*»

⁷ Təzzar isassağra-du əmənokəl Herod imusanan win manayan en, imos awen arat igân dağ əssir, issəstan-tan əd tamert tas igmad aššak as ənta dağ d-inafalal ətri wa əmalan den.

⁸ Dəffər awen issok-en Betalxam inn-asan: «Ağliwat, taknim asawad i dad illa barar wa ihəwan da, as tu-təğrawam, təmməram-i-du təməlam-i dad illa, fəl ad t-akka əssəjədəğ-as nak da.»

⁹ As dasan-iğrad əmənokəl awal, əqlan. Təzzar oggan atri wa dasan-inafalalan dağ jənnawan dat awen dağ dənnəg. Wər imməzzay ətri en ad illa dat-san, azzar-asan, as imal dənnəg adag wa iha barar, izzəkkat.

10 As ənayan atri as izzəkkat, əknan təfalawist,

11 əggazan-in ehan, ənayan barar d anna-net Maryama, əgaraffen əssəjadan i barar. Dəffər adi, oran ilalan-nasan, əkkasan-as-du daɣ-san šibəddar əganen daɣ urəɣ, d əššin səqqidan əzodnen, əmosnen əzzənəf ən taɣəlbast.

12 Dəffər awen isannafalal-asan-du Məššina daɣ targət as ad wər əqqəlan Herod. Awen da a fəl obazan tarrayt iyyat əqqalan akal-nasan.

Ədərrəg əs Masar əd tawaɣlay ən Nazaret

13 Dəffər as əglân, inafalal-du angalos n Əməli i Yusəf daɣ targət, inn-as: «Ənkər, tidawaɣ əd barar d anna-net, takka tarmad akal ən Masar taqqama daɣ-as har dak-əmələɣ assaxa wa du-za-təqqəla, fəlas barar di ad igməy Herod əd tanaxay-net.»

14 Inkar Yusəf, iddew əd barar d anna-net, eway ehad, obaz tarrayt ikka Masar.

15 Əqqiman daɣ Masar den da har aba Herod. Arat wa iga fəl ad andu awal wa d-iga Əməli əs tarrayt n ənnəbi Osay a daɣ inna: «*Əɣre-du barar-in əssərdaxaq-q-idu Masar.*»

16 As issan Herod as imusanan win mən-ayan əmmizrayan batu-net əɣlayan-tu, ixašašat, omar s ad təwənɣin bararan ən yayyan kul win əhəwnen daɣ aɣrəm ən Betalxam, əd ɣələyɣələyan-net, a d-obazan ɣur əššin elan har azzaman win den, imos as tamert ten da as dəs-ənnan musanan win ənta daɣ d-inafalal ətri.

17 Den daɣ ad inda awal wa d-iga Əməli əs tarrayt n ənnəbi İrməya a daɣ innâ:

¹⁸ «Təga-du təkuraýt daɣ əyrəm ən Rama, imos awen tala n aytedan fəl təga təfəyyawt. Awen Raxil ta n tamarawt ən Kəl-Israyil təhallit fəl bararan-net. Wər təra i das-igan əlməyiza, fəlas bararan əjwaran aba-tan.»

¹⁹ Dəffər təmattant ən Herod, inafalal angalos n Əməli i Yusəf daɣ targət, daɣ akal ən Masar.

²⁰ Inn-as angalos: «Ənkər, tidawəy əd barar di d anna-net, təqqələy akal n Israyil, fəlas aytedan win əranen tenaxay-net, aba-tan.»

²¹ Inkar Yusəf, iddew əd barar d anna-net, iqqal akal n Israyil.

²² Mišan igraw isalan as Arkalawəs, a imosan əmənokəl n akal ən Yahudəyya, daɣ adag n abba-net Herod. Təzzar təggaz tasa Yusəf, ab-as ihal iki ən Yahudəyya, ikka akal ən Galilaya id Məşşina a das-d-isannafalalan awen daɣ targət.

²³ Iгла ixsar daɣ əyrəm as itawannu Nazaret. Əmmək en daɣ as əgan aratan win, fəl ad andu awal wa d-iga Əməli əs tarrayt n ənnəbitan as ənnan: «Itawagg-as esəm aw Nazaret.»

3

Əsəmmutəg n əşşəxəl wa z'agu Əlməsix

Yaxya wa isalmayan daɣ aman

¹ Elan dəffər awen, issənta Yaxya wa isalmayan daɣ aman igi ən təlxtutbat daɣ taneray ən Yahudəyya.

² Igannu: «Utabat! Illikan as, Taymar ta n jənnawan tahôz!»

³ Yaxya en daɣ a fəl imməgrad ənnəbi Isayas assaxa wad inna: «*Aləs iyyan idkâl əməsli-net daɣ əsuf igannu: "Səmmutəgat abaraqqa y Əməli! Təsəssiɣədam tarrayen dat-əs!"*»

⁴ Yaxya ilsa tabdoq təgât daɣ anzadan n əmnəs, otâb s əsatəb n agašek. Iddâr s əjwalan əd turawat.

⁵ A t-in-tasin aytedan, əgmâdan-du Yerusalem, d akal ketnet wa n Yahudəyya, d amaɣal kul wa n xələyɣələyan n agarew wa n Yordan,

⁶ tutaban daɣ bakkadan-nasan dat tamattay, isalmaq-qan Yaxya daɣ aman daɣ agarew wen.

⁷ Osan-du Farisaytan aggotnen, əd Sadusaytan, y a tan-issəlməɣ Yaxya daɣ aman. As inay Yaxya arat wen inn-asan: «*Xa taššolen šin! Ma kawan-issosanan ədərrəg y attadib wa d-izayan ən Məššina?*

⁸ Daɣ adi taggiwat imazalan olaɣnen təsəttəddim sər-san tətubt-nawan!

⁹ Wər igda ad təgannim daɣ man-nawan: "Nakkanay əzzurrəyya n ənnəbi Ibrahim a nəmos," fəlas silakanax-awan as Məššina ifrâg ad isəmməttəy šihun šin təhannayam da, ixlək-du daɣ-asnat əzzurrəyya y Ibrahim!

¹⁰ Agat ənnəyat! Tazəft harwa əmərədda da təmmotag y a du-təsəddəngər y eškan. Daɣ adi ašek kul wa wər nətirəw aratan olaɣnen, ad itəwəxtəs, itəwəgər-in daɣ təmsay!

¹¹ Nak, aman a daq qawan-salmaɣa, fəl ad sənnəfiləlaɣ s awen tətubt-nawan. Mišan wa du-z-asin dəffər-i, awa di-iga daɣ šigrat, wər eweda wala arra ən suɣan ən xateman-net. Ənta Infas Wa Zəddigan əd təmsay a daq qawan-z-

issəlməx.

¹² Iha əlmital n awedan ittâfan tesayt y ad izzəzər alkama-net. Işadaw alkama daɣ tadangawt-net, şixal amaran ag-enat daɣ təmsay təbilaglagat faw.»

Alamay ən Ƴaysa

¹³ Adan en da daɣ d-osa Ƴaysa, igmâd-du akal ən Galilaya, ikka-du agarew wa n Yordan, y ad t-issəlməx Yaxya daɣ aman.

¹⁴ Mişan igmay Yaxya d a daɣ-as ikkəs awen. Inn-as Yaxya: «Nak a iddəraran s a di-təssəlməxa daɣ aman, amaran kay iman-nak a di-d-ikkan?»

¹⁵ Ijjəwwab-as Ƴaysa inn-as: «Əmərədda ardu s arat wədi da, fəlas ilzam-anax ad nassandu arat kul wa ira Məşşina.» Təzzar irda Yaxya s əsəlməx ən Ƴaysa.

¹⁶ Itawasalmaɣ Ƴaysa ɣas, igmad-du aman, ənnolaman jənnawan daɣ amazay wen da, ogga Infas ən Məşşina as d-igmad ijənnawan, iha şaşşelan ən tədabert, iwar-tu.

¹⁷ Igmad-du əməsli ijənnawan inna: «Ənta əddi Barar-in əkne tara, amaran ənta a d-issəndan agna-nin.»

4

Ətəwəjjərrab ən Ƴaysa

¹ Təzzar issoka Infas wa Zəddigan Ƴaysa taneray y a daɣ-as t-ajjərrab Iblis.

² As iga Ƴaysa əkkozat təmərwen n əzəl d əkkozat təmərwen n ahad izûm, iggaz-tu gələk.

³ Ihoz-t-idu Iblis a n ənəjjerrəb inn-as: «Kud kay Barar ən Məššina, taməra šihun a s ad əqqəlnat amensay.»

⁴ Mišan inn-as Ƴaysa: «Wərgex ənnan Əlkəttaban: *"Aggadəm wərgex imensewan Ƴas as itaddar, kalar isuddur-tu ad ilkâm y awal ketnet wa d-ifalan Məššina."*»

⁵ Ikka dər-əs Iblis aƳrəm wa zəddigan ən Yerusalām, issəbdad-tu fəl afalla n Ahan wa Zəwwəran n ƏlƳibada,

⁶ inn-as: «Kud kay Barar ən Məššina, tətərægge, fəlas ənnan Əlkəttaban: *"Ad amər Məššina angalosan daƳ talƳa-nak, əkbəlan-kay daƳ fassan-nasan, fəl a dak-wər-tənkəf təhunt."*»

⁷ Inn-as Ƴaysa: «Wərgex za Əlkəttaban di ənnân: *"Ad wər tətajjarraba Əməli-nak Məššina."*»

⁸ Dəffər awen ikka dər-əs Iblis afalla n ədƳaƳ iknan təzzəgrət, issəswad-tu daƳ taƳmaren kul n əddənet əd təhussay-nasnat,

⁹ inn-as: «Awa togge den kul əkfex-ak-ku as di-təssəjada təƳbadəƳ-i.»

¹⁰ Inn-as Ƴaysa: «Ugag-i, Aššaytan! Wərgex ənnan Əlkəttaban: *"Əməli-nak Məššina as za təssəjada, ənta Ƴas a za təƳbədə."*»

¹¹ Amaran oyy-ay Iblis. Əhinan-in angalosan əkkân-du Ƴaysa əssanan daƳ-as.

Ənətti n əššəƳəl daƳ Galilaya

Ƴaysa issənta əššəƳəl-net daƳ Galilaya

¹² As isla Ƴaysa ətərməs ən Yaxya, iqqal akal ən Galilaya.

¹³ Mišan wər iqqim daḡ əḡrəm ən Nazaret. Kalar igla ixsar daḡ təḡrəmt təgât Kafarnahum, təwârat təgadamayt n agaraw wa n Galilaya daḡ amaḡal ən Zəbulun əd wa n Naftali.

¹⁴ Emmək en daḡ as inda awal wa d-iga Emməli əs tarrayt n ənnəbi Isayas a daḡ innâ:

¹⁵ «*Akal ən Zəbulun əd wa n Naftali, əhanen əsəlim n agaraw wa n Galilaya, fəl təgadamayt ta n ataram ən Yordan, almaḡna Galilaya, ənta a daḡ əḡsaran aytedan win Kəl-Əlyəhud əd win tan-wər-nəmos!*

¹⁶ *Tamattay ta təhat šiyyay, tənay ənnur zəwwəran as imalawlaw, aytedan dey win əhanen akal wa təlsa telay ən təmattant, əntanay da ibalazlaz fall-asan ənnur.»*

¹⁷ Azzaman en da a daḡ iggaz Ƴaysa šin igi ən təlxutbat igannu: «Utabat, fəlas Taḡmar ta n jənnawan təhōz!»

Ətəwəḡra n əkkoz nalkiman win azzarnen

¹⁸ Əzəl iyyan ijiwankat Ƴaysa fəl təgadamayt n agaraw wa n Galilaya as inay əššin mədrayan, s iyyan esəm-net Simḡon was itawannu Butros, d amadray-net Andrawəs. Meddan win inabazan ən kifitan a əmosan. As tan-inay fattawan daḡ agaraw sangaytan-nasan win abbaz ən kifitan.

¹⁹ Inn-asan Ƴaysa: «Əlkəmat-i, a kawan-aga meddan sər-i du-za-tawaynen aytedan y a tan-assafsa daḡ bakkadan-nasan.»

²⁰ Oyyan sangaytan-nasan daḡ tamazayt ten da, əlkaman-as.

²¹ As iga Ƴaysa arat ən teklay dəffər awen, inay əššin mədrayan wiyyad, əmosnen Yaḡub d

amadray-net Yaxya win maddanəs ən Zabaday. As tan-inay nimahan aɣlal n aman d abba-nasan Zabaday, kannin sangaytan-nasan win as tabazan kifitan. Iɣr-en Ƴaysa.

²² Amazay wen daɣ ad oyyan aɣlal-nasan, əfalan abba-nasan, əlkaman i Ƴaysa.

Isalan tiwəziwizan

²³ Issəwal Ƴaysa akal ən Galilaya ketnet, isasaɣru daɣ nan n əlɣibada ən Kəl-Əlyəhud. Immāl Əlinjil, imosan isalan ən Taɣmar ta n jənnawan, izuzəy aytedan daɣ əkkulluk ən təwərna, d əkkulluk n əlɣib.

²⁴ Əmmək en daɣ as itawasla Ƴaysa daɣ amaɖal ən Surəya kul. A das-du-tamawayan aytedan kul win ərinnen, əd win t-əllanen d əlɣiban a əqqalan, əd win əssəranan kələsuf, əd win əlanen ikərəkkitan əd nəbdan, izuzəy-tan.

²⁵ Əlkâmnat-as təmattiwen aggotnen a d-əfalnen Galilaya, d akal was itawannu «Wan-Maraw-Ƴərman», əd Yerusalam, d akal ən Yahudəyya, d amaɖal wa ihan dənnəg ən Yordan.

Əššəɣəl wa iga Ƴaysa dat aytedan kul daɣ Galilaya əd ɣələyɣələyan-net

5

Əsəssəɣri wa azzaran: Təlɣutbat ta təgat fəl ədɣaɣ

Taɣmar ta n Məššina

¹ As inay Ƴaysa šimattiwen šin t-id-osanen den, iwar adɣaɣ. Iqqim den da, əhozan-tu nəttulab-net.

² Issənta əsəssəɣri n aytedan win əllanen den. Inn-asan:

³ «Əbbilalan aytedan win əlləqqawnen daɣ man-nasan,

əqɣbâlan as əddiraran əs Məššina
fəlas Taɣmar ta n jənnawan šin-nasan.

⁴ Əbbilalan win hallinen,
fəlas a tan-isəddəwət Məššina.

⁵ Əbbilalan win əssərasnen iman-nasan,
fəlas ad əgrəwan akal wa dasan-issənsa
Məššina.

⁶ Əbbilalan win əknanen deran n awa oɣadan,
fəlas ad t-əgrəwan.

⁷ Əbbilalan win hanattatnen i naragan-nasan,
fəlas əntanay da a dasan-ihənəttət Məššina.

⁸ Əbbilalan win as zaddogan wallan-nasan,
fəlas ad ənəyan Məššina.

⁹ Əbbilalan win tagginen alxer,
fəlas a dasan-agu Məššina esəm bararan-net.

¹⁰ Əbbilalan win tawadgaznen fəl igi n awa oɣadan,
fəlas Taɣmar ta n jənnawan šin-nasan.

¹¹ Təbbilalam kawanay a rabbadan aytedan, ədgâzan-kawan, wər t-illa əzzənəf n əzgən a kawan-wər-əssəwaran, fəl əddəlil-in.

¹² Awalla, dawatat, təfəliwəsam, fəlas təlâm arozan aggotnen daɣ jənnawan. Ənnəbitan win dat-wan, da əmmək wədi daɣ as tawadgazan.»

Tesəmt d ənnur

13 Inn-asan Ýaysa: «Kawanay tesämt a tamosam y äddänet. Amaran as imos as tesämt ta, ab-as tälä tembay, mäni ämmäk was tat-du-za-tätäwäsuxäl tembay-net? Tesämt ta, ab-as tänfa wala: wär tehör ar d a din-tätäwägär sädi, a tat-dayyazan aytedan.

14 Ännur n äddänet a tamosam. Äxräm ikrâsan fäl afalla n ädÿaÿ, wär t-illa awedan a tu-wär-za-nänäy.

15 Ämmäk en daÿ a tēga fätēla: As tēÿa, wär za tätäwäggu daw äÿäzu! Kalar ätäwägga a za tagu daÿ adag iknan ahaku fäl ad täsämmälöwlew aytedan kul win ähanen ehan.

16 Ämmäk di daÿ as imälöwlewet ännur-nawan, dat aytedan kul, fäl ad änöyan aratan olaxnen win tētaggim, awäy-du sär-san awen ad ämmâlan tanaya n Abba-nawan di ihan ijännawan.»

Ýaysa d Arkawal wa Irəwan

17 Inn-asan Ýaysa: «Ad wär tēÿilam assa a d-äge y a din-äkkäsäÿ awa iktaban daÿ Ättawret, madēÿ Elkättaban n Ännäbitan. Wärgēÿ adi a d-äkke, kalar assa a d-ägeÿ y a tan-assanda.

18 Äggiyyēÿ äsilakanäÿ-awan as: Iket ällan-tu jännawan d amađal, Ättawret wär t-in-za-tēgmäd wala tētäbäqqet, amaran wala ÿas äsakkal wär t-in-z-igmäd iket wär inda arat kul wa daÿ-as iktaban.

19 Awen daÿ a fēlas awedan wa immäzrayan wala ÿas alwajib wa ogaran tämmädräyt, omar aytedan s ad agin awen da, awedan wädi änta a z'agəran eres daÿ Taÿmar ta n jännawan. Mišan

as imos as ibbirdag awedan y alwajiban win, isasaɣr-en y aytedan, wædi ad igræw adkul daɣ Taɣmar ta n jënnawan.

²⁰ Awalla, əmâlaɣ-awan âs as wər təgem i Məššina əbərdəg ogaran wa das-əgan musanan n Əttawret, əd Farisaytan, wædi wər za təggəzam Taɣmar ta n jënnawan.

Əmazal n awa itawannan: Əlmital daɣ batu n alham

²¹ Təslâm as itiwanna y aljadan-nana daɣ Əttawret: "ad wər tagaɣ iman."

As iga awedan iman, ad t-ibəz əššəriɣa awwaddab.

²² Nak za ənnəɣ-awan, awedan kul wa iggaz alham n iyyan, wædi ad t-ibəz əššəriɣa awwaddab. Awedan deɣ kul wa innan y iyyan: "Anafnoz!" Wædi ad itəwəsəbdəd dat Asaggawar wa Zəwwəran as itawannu Sanhedrin fəl ad itəwəsrəɣ, amaran awedan wa innan y iyyan: "Kay amaros!" Wædi əššəriɣa-net Jahannama.

²³ Daɣ adi as du-təkteɣ as iššak-kay awedan daɣ amazay wa daɣ du-tewayaya təkutay-nak s adag wa n əsəqqəd ən təkutawen,

²⁴ tayya takutay-nak əddi da, tagla har tənəməsürəfa d awedan wædi, dəffər adi amaran təqqəla taga takutay-nak.

²⁵ As kay-issəwar awedan lahan, takna dər-əs tarmad iket di ad təhâm tarrayt. As wər iga adi, awedan wædi, ad išəššiwəd batu tædi əlqali. Təzzar inkər əlqali ag-ik daɣ fassan ən soji a kay-z-agin daɣ kasaw.

²⁶ As iga adi amaran əggəyyeɣ əsilakanay-ak as wər du-za-təgmədaɣ iket wər təɣreda arazam

n arat kul was kay-əwaran ərruzmatan-net. Wala tamma iyyadda wər din-za-taqqam.

Emazal n awa itawannan: Elmital day batu n əzzəna

²⁷ Təslâm as itiwanna: "ad wər tagay əzzəna."

²⁸ Nak za ənneḡ-awan awedan kul wa igan day təntut asawad day isidaran ənəmənəsa-net, wədi igâ dər-əs əzzəna day əwəl-net.

²⁹ Kud šat-nak ta n əḡil a təbukat a dak-təqqəl əssəbab n igi n abakkad, təkəkkərəq-qat-du təgəraq-qat-in, id of-ak təgmad-kay təslət-nak iyyadda, y ad tətəwəgər təḡəssa-nak kul day Jahannama.

³⁰ Amaran kud əfus-nak wa n əḡil a ibukan a dak-iqqəl əssəbab n igi n abakkad, təfrəsaq-qin təgəraq-q-in, id of-ak təgmad-kay təslət-nak iyyadda, y ad təggəz təḡəssa-nak ketnet Jahannama.»

Emazal n awa itawannan: Elmital day batu n əməzzəy

³¹ Iгла Үaysa iššewal, inn-asan: «Itiwanna deḡ: "I izammazzayan tantut-net, akfet-tat širawt n əməzzəy."

³² Nak za silakanay-awan as i izammazzayan tantut-net fəl a wər nəmos igi ən meddan, wədi əsəssugi a tat-iga əzzəna, amaran as izlaf aləs iyyan tantut ta təmməzzayat da, wədi əzzəna a iga ənta da.

Emazal n awa itawannan: Elmital day batu ən təhuday

³³ Təslâm deḡ as itawanna y aljadan-nana: "*Ad wər təhhadam fəl arət, taqqamim wər tu-təmmozalam. Kalar sabdadat arkawalan win fəl təhadam s esəm n Əməli.*"

³⁴ Nak za ənnəḡ-awan, ad wər təhhadam fəl arət waliyyan fadda: Gər za əs jənnawan, fəlas edaḡ n əlxəkum ən Məşşina a mosan,

³⁵ wala deḡ təhədam s amaḡal, fəlas ənta a illan daw daran-net, wala deḡ təhədam əs Yerusalam, fəlas ənta a təmosat aḡrəm n Əmənokəl wa Zəwwəran, a t-imosan Məşşina.

³⁶ Ad wər təhhaday ənta da s aḡaf-nak, fəlas wər təfregaḡ əsəmləl n anzaḡ-net waliyyan da, wala deḡ əsəkwəl-net.

³⁷ Ganniwat ḡas: "Ayew" y awa imosan tidət, madeḡ "kala" y awa imosan bahu. Batu a du-təşşotam fəl adi kul Aşşaytan as du-təha.

Əmazal n awa itawannan: Əlmital daḡ batu n əzəzəl

³⁸ Təslâm as itiwanna: "*I d-ikkasan šat n iyyan a du-tətəwəkkəs šat-net ənta da, i d-irzan ešen n iyyan a d-itəwərzü ašen-net.*"

³⁹ Nak za ənnəḡ-awan ad wər tətəgazam iman-nawan daḡ amaksan. Kalar as dak-iqqas fəl əmdəd-nak wa n əḡil, takfaḡ-qu amdəd-nak wa hadan.

⁴⁰ As ira awedan a kay-ibəz s əşşəriḡa fəl ad igrəw alḡaşşaba-nak, takfaḡ-qu əbərnuz-nak da.

⁴¹ As kay-işahhaşşal awedan agḡay ən lalan-net har əḡim ən takkolt, tawəyaḡ-as-tan har əşşin gim ən takkolt.

⁴² I kay-onsayan takfaḡ-qu, i daḡ-ak igmayan əmarwas, a das-tu-wər-təḡdəla.

Emazal n awa itawannan: Elmital day batu ən tara n əzənga-nana

⁴³ Təslâm as itiwanna: "Iru anammaray-nak, təgzəray azangaw-nak."

⁴⁴ Nak za ənneḡ-awan: Iriwat izənga-nawan, ad tətəggim šiwatriwen olaḡnen y aytedan win kawan-əsasnen,

⁴⁵ fəl ad təqqəlam əs tidət da bararan n Abba-nawan wa ihan ijənnawan. Ənta a d-isagmadan təfuk-net fəl aytedan win maksanan əd win olaḡnen, isawat akonak-net fəl win oḡadnen əd win nəmməzray.

⁴⁶ Kud wər tarem âr aytedan win kawan-əranen, awak ma imos aroz wa za təgrəwam day awen? Wərgəḡ aytedan win zarzamnen takəsen a əmosnen imaksanan da awen day a əgan?

⁴⁷ As imos as imədrayan-nak ḡas a tareḡ təsaslamaḡ-qan, awak ma imos arat immittayan wa təgeḡ? Wərgəḡ aytedan win wər nəssen Məššina da adi day a taggin?

⁴⁸ Day adi kawanay, əqqəlat aytedan əkmâlnen šilat n Abba-nawan wa ihan ijənnawan.»

6

Esəssəyri igân fəl təlmənufəqa day əddin

¹ Iгла ḡaysa iššewal, inn-asan: «Ənkədat d igi n əḡibada imosan sokni. As wər iga adi wər za təgrəwam arozan ḡur Abba-nawan wa ihan ijənnawan.»

² «As tətægga takutay y amaddarar, ad wər iqqəl adi arat tēsinafalala, zun awa taggin əlmunafıqan daɣ nan n əlxibada ən Kəl-Əlyəhud, əd tarrayen, fəl tara n ad əgrəwan adkul ɣur aytedan. Əggəyyeɣ əsilakanax-awan as əlmunafıqan win di arozan-nasan əgrâwan-tan.

³ Kay amaran, as tətægga takutay, ad wər issən əfus-nak wa n zalgat awa itaggu wa n əxil,

⁴ fəl ad təqqəl təkutay-nak əssir. Abba-nak s ənta a ihannayan əssiran, a dak-z-irzəman.»

⁵ «As tətattaram, ad wər tətəggim awa taggin əlmunafıqan ərânen ad tattaran əbdadan daɣ nan n əlxibada, əd sammanayan, əgmâyan s awen a tan-ənəyan aytedan. Əggəyyeɣ əsilakanax-awan as arozan-nasan əgrâwan-tan.

⁶ Kay amaran as tətægga šiwatriwen, təggəzax daɣ ahan-nak edag wa ogaran ənəməggag d aytedan, təxfəlaq-q-in fəl man-nak, tətərə daɣ əssir s Abba-nak id illa əddi. Abba-nak s ənta a ihannayan əssiran, a kay-z-akfin arozan.

⁷ As tətattaram, ad wər tətəggam awal aggen təgannam arat iyyanda zun awa taggin aytedan win wər nəssen Məşşina, əxilnen wər dasan-z-aslu Məşşina ar s ad taggin awal aggen.

⁸ A tan-wər-tattalalam, fəlas Abba-nawan, issân awas təddəraram da harwa wər daɣ-as tətəgməyam.

⁹ Təwatray da tas ihor a tat-tətəggim kawanay: "Abba-nana wa ihan ijənnawan,

Itəwəsəxməret esəm-nak di zəddigan,

¹⁰ taset-du Taymar-nak.

Tətəwəmişəlet tara-nak fəl amaɖal

s əmmək was tətâwamazal daɣ jənnawan.

¹¹ Akf-anax isudar-nana win azalada;

¹² təssurəfəx-ana tādłəmt ta nəga zund əmmək as nakkanay da nəssoraf i win danax-ədlamnen.

¹³ A dana-wər-taga daɣ aɣarar ən jarrabatan, kalar agəz-ana daɣ Iblis, [fəlas taɣmar, əd tarna, əd tanaya ši-nak har faw. Amin."»]

¹⁴ «As təsurufam y aytedan arak mazalan win dawan-əgan, kawanay da a dawan-issurəf Abbanawan wa ihan ijənnawan.

¹⁵ Mišan as wər təsurufam y aytedan, wədi Abbanawan wa ihan ijənnawan wər dawan-zissurəf arak mazalan win təgam.»

¹⁶ «As təzumam ad wər təsənnəfilələm təkənzert zun awa taggin əlmunafiqan, əntanay a samattaynen udmawan-nasan fəl ad əssusənan aytedan kul as əzuman. Əggəyyəx əsilakanax-awan as aytedan win di, arozan-nasan əgrâwan-tan harwa əmərədda.

¹⁷ Kay amaran, as təzumax, təşşirədaɣ udəmnak, taga alwardi,

¹⁸ fəl ad wər əssənan aytedan as təzumax. Abbanak ɣas a z'issənan daɣ adi, fəlas illa əddi daɣ əssir, ihannay awa itaggin, amaran ənta a dak-z-irzəman.»

Addararat ta nəga əs Məşşina

¹⁹ «Ad wər təşadawam təgərgist daɣ əddənet, a daq-qat za təhlək tamaday əd tənək, razzan dəx baydagan inan takaran.

²⁰ Kalar šidəwat i man-nawan təgərgist daɣ jənnawan, a daq-qat wər za təhlək tamaday za

wala tənik, wala deḡ assin-tat-in baydagan win razzinen inan takaran.

²¹ Fəlas edag wa təha təgərgist-nak, ənta a z'iggəz əwəl-nak.»

²² «Şittawen şilat ən fətəla a əmosnat i təḡəssa-nak. As imos as şittawen-nak əhannaynat s əlluḡ, wədi təḡəssa-nak ketnet təha ənnur.

²³ Mişan as imos as şittawen-nak wər əhənnəynat s əlluḡ, wədi təḡəssa-nak ketnet təha şiyay. Daḡ adi as imos as wala ənnur wa ihan təḡəssa-nak da imos şiyay, wədi ad təggəza şiyay wər nəmməkkan!

²⁴ Wər t-illa i ifrâgan əşşəḡəl y əşşin muzaran. Wa ḡas ikyad iyyan daḡ-san, iru wa hadan, madəḡ abbardag y iyyan, alku wa hadan. Wər təfregəḡ ad təḡbədə Məşşina, tagla deḡ tozâla dəffər əddənet.»

²⁵ «Daḡ adi ənnəḡ-awan a kawan wər təşşəwəş təməddurt, ḡər awa za tatşim, wala awa za taşwim, wala awa za talsim. Iman-nawan wərgəḡ ogaran imensewan, təḡəssa-nawan deḡ toḡar isəlsa?

²⁶ Əswədat daḡ ḡədad a taggadnen daḡ al-hawa, wərmad nabbalan za wər tiləyan, wər şidiwan wala daḡ tədangawen, mişan issodartan Abba-nawan wa ihan ijənnawan. Kawanay wərgəḡ toḡaram-tan almaqam sen ḡur Məşşina?

²⁷ Məni daḡ-wan wa ifragan s aşşawaşa-net əşitəy ən təḡrəst-net əs wala ellaf ən şat?

²⁸ Mafel as kawan-təşşəwəş talḡa ən səlsa? Ənzərat-in daḡ əmmək was du-daggalnat təjigawen daḡ əsuf. Wərmad şaqqalnat wala

zattinat isəlsa,

²⁹ mišan ənnex-awan, wala Əmənokal Suliman harkid tægərgist-net kul, wər kala ad ewad wala iyyadda daɣ-asnat daɣ təhussay ən talassay.

³⁰ Dad isalsu Məşşina yel əs təməwit tədi, s azalada ibdâd, tufat ad itəwəsərgu daɣ təjəngərert; manəmmək as kawan-wər-z-assalsu, kəl əzəgzan əndərran!»

³¹ «Daɣ adi ad wər təşşəwəşam təgannim: "Ma za natšu?" Madex: "Ma za naşəw?" Madex: "Ma za nalsu?"

³² Aratan win kul aytedan win wər nəssen Məşşina a ozalnen daɣ agamay-nasan, amaran kawanay Abba-nawan wa ihan ijənnawan, issân as təddiraram sər-san.

³³ Əgməyat təzzar Taɣmar ta n Məşşina d aqqad dat-əs, as iga adi aratan win di kul a kawan-tawəkfin əntanay da.

³⁴ Daɣ adi a kay-wər-işşəwəş arat wa d-izayan tufat, fəlas tufat ad təşşəwəş əd təməɣutar-net. Əzəl kul ilə şiməɣutar-net a das-əgdânen.»

7

Alxal wa iwaran ənalkim ən Ƴaysa, gar-es əd Məşşina d aytedan

¹ Iгла Ƴaysa işşewal-asan, inna: «Ad wər tannim ark arat s awedan fəl a sər-wan wər itəwənnu kawanay da.

² Fəlas əmmək was təkəmmam, ənta as za tətəwəxxəmmam kawanay da, amaran təsəkət tas təkəmmam y aytedan, ənta as dawan-z-ikət Məşşina.

³ Mafel tahannaya tezawt ta tēhat šat n amadrāy-nak, kay amaran wēr din-tēgrēx šilēlt ta tēhat šat ta-nak.

⁴ Manēm̄mæk as za tanna y amadrāy-nak, "ayy-i a dak-ēkkēsa tezawt ta daḡ šat-nak", kay amaran šilēlt a tēhat šat ta-nak?

⁵ Īmunafiḡ, ēkkēs tēzzar šilēlt ta tēhat šat-nak, ēddi ad za tannaflaya daḡ tazawt ta tēhat šat n amadrāy-nak tēkkēsāḡ-as-tat!

⁶ A din-wēr-tēggarāḡ arat zēddigan madēḡ arat ilān almaḡam i maksanan fēlas wēr ēzlayan ēd dan a kawan-du-milallaynen y a kawan-ēdēdan, madēḡ iladayan hallaknen aratan win əlanen almaḡam.

⁷ Ansēyat Mēššina, a kawan-akfu; əgməyat, ad tēgrəwam; aḡriwat-tu a dawan-akkawan;

⁸ fēlas i onsayan, ad itəwəkfū, i igmayan ad igrəw, i iḡran deḡ Mēššina a das-akkawan.

⁹ Məni daḡ-wan wa daḡ z'igməy barar-net tagēlla akf-ay tēhunt?

¹⁰ Wala igməy daḡ-as isan akf-ay taššolt?

¹¹ Dad zammās wala kawanay an nēllubās da tēssānam tehakkay n awa olāḡan i bararan-nawan, manēm̄mæk as kawan-wēr-z-akfu Abbanawan wa ihan ijənnawan awa tu-tonsayam?

¹² Taggiwat y aytedan arat kul was tēram a dawan-t-agin. Ēnta da da arat wa ihan əššəriḡa wa n Ēttawret, d Īlkəttaban n Ēnnəbitan.

Igi daw aḡaf

¹³ Ēggəzat s əmi wa kəruzan s ənta a itawayan əs taḡmar ta n Mēššina! Iket ilwi ig-ay əmi wa itawayan s əhluk, iket əsənnəfləy tēḡ-ay tarrayt

ta tətawayat s əhluk, amaran əggətan aytedan win as ənta as taggazan.

14 Mišan iket takrazt ig-et əmi wa itawayan əs təməddurt, iket deyə əsəməyitər təg-ay tarrayt ta tətawayat əs təməddurt, amaran wər əggətan aytedan win tan-garrawnen.

15 Ənkədat y ənnəbitan win bahu. As kawan-du-tasin əmosan zun ayfəd, mišan əs tidət iridalan a əmosan əknanen aššar.

16 Arat wa du-saxsalan as tan-za-təzdəyam. Awak alxanab itəwankad-du dəyə tazzayt? Wala itəwankad-du fig dəyə təgaroft?

17 Əmmək en dəyə as ašək isxân a d-itarawan âratän olaynen, amaran ašək wər nəsxə itaraw-du win wər noley.

18 Ašək isxân wər ifreg ara n âratän wər noley wala deyə ifrag ašək wər nəsxə ara n âratän olaynen.

19 Ašək kul wa wər nətirəw âratän olaynen, wədi ətəwəxtas a itawaggu, itəwəgər dəyə təmsay.

20 Dəyə adi illikan as ənnəbitan win bahu awa du-saxsalan as tan-za-təzdəyam.»

21 «Wər igda i di-igannin: "Əməli, Əməli!" Wər izzogaz awen awedan Taymar ta n jənnawan, kalar kundaba i itamazal əs tara n Abba-nin ihân ijənnawan.

22 Əzəl wa ilkaman aytedan aggotnen a di-annin: "Əməli, Əməli! Awak wərgəy esəmnak as nəmal y aytedan isalan win fall-ana du-təzazzabbe? Awak wərgəy ənta əs nəstəy kələsuf? Nəga sər-əs təlməxjüjaten aggotnen?"

²³ Ǝddi a dasan-anna: "Wər kala a kawan-əzdayax. Ugagat-i inəmməzray ən Məşşina!"»

²⁴ «Daḡ adi awedan kul wa issəsaman y awal-in wa, immozal-tu, wədi iha əlmital n aləs n əməli ən tayttay ikrasan ehan-net fəl təsəlit.

²⁵ Iwat akonak, əgan əngəytan əssohatnen, əgarnat-du təkəwen, əstaban y ahan en, mišan wər uda fəlas təsəlit a fəl ibna.

²⁶ Amaran awedan kul wa issəsaman y awal wa əge da, iqqim wər t-immozal, wədi iha əlmital n aləs wər nəla tayttay, ikrasan ehan-net fəl əzazəl.

²⁷ Iwat akonak, əgan əngəytan əssohatnen, əgarnat-du təkəwen, istab awen y ahan wa nad, ibarajjat, ilyam-in ketnet.»

Tanaya ən Ƴaysa

²⁸ As iḡrad Ƴaysa alfaydaten šin, təqqim tamattay isimaklal sər-əs əmmək was itaggu əsəssəḡri-net.

²⁹ Fəlas ig-asan əsəssəḡri n awedan ilân tanaya wər əlen musanan-nasan win Ǝttawret.

8

Təlməxjujaten əd tanaya ən Ƴaysa

Ǝzuzəy n awedan iḡrâw kətru

¹ As d-izzəbbat Ƴaysa adḡax wen, təkâm-as tamattay tagget.

² Ihin-in Ihoz-t-idu awedan təḡrâw təwərna ən kətru, issəjad dat-əs, inna: «Ǝməli, as tareḡ adi təfrâḡax a di-təzzuzəyaḡ, izdaga.»

³ Izzal-in Ҷaysa əfus-net, idas-tu inna: «Arey adi əzzəy tizdaga!» Amazay wen da daɣ izzay aləs wen daɣ kətru, zəddig.

⁴ Inn-as Ҷaysa: «Ҳнəy za, ad wər təməla y awedan waliyyan arat wa igan da, amaran aglu tassaknaɣ iman-nak y əlimam, taga takutay ta kay-issəwar əššəriɣa n ənnəbi Musa, ad iqqəl adi y aytedan təgəyya ən təməzzəyt-nak.»

Ezuzəy n amaššaxal ən kabtan ən Kəl-Ərrum

⁵ Amazay wa da daɣ in-itaggaz Ҷaysa taɣrəmt ən Kafarnahum, ənta daɣ t-in-ikka kabtan iyyan ən sojitan n Ərrum, onsay-tu,

⁶ inn-as: «Ҳməli, amaššaxal-in a din-oyye isrād daɣ aɣaywan, ibdān, idgāz wəllen.»

⁷ Inn-as Ҷaysa: «Nak iman-in a tu-z-akkin əzzuzəyaq-qu.»

⁸ Inn-as kabtan en: «Ҳməli, nak wər əwedəɣ ad təggəzəɣ ehan-in. Annu arat ɣas ad izzəy amaššaxal-in.

⁹ Ҳssāna daɣ adi fəlas awedan a əmosəɣ a daɣ əttafan wiyyad tanat, əttāfaq-qat nak iman-in daɣ sojitan win daw-i əllanen. As ənnəy y iyyan: "Aglu", ad aglu, as ənnəy y iyyan: "Iyyaw", a di-d-asu. As ənnəy y əkli-nin: "agu awa", ad t-agu.»

¹⁰ As isla Ҷaysa y awa inna kabtan en, isammaklal sər-əs, inna y aytedan win das-əlkammen: «Eggəyyey əsilakanəɣ-awan as: wər ənayəɣ awedan waliyyan daɣ Kəl-Israyil igān əzəgzan ewādan wa iga aləs a.»

¹¹ «Ҳsilakanəɣ-awan as aytedan aggotnen a d-əfəlan dənnəg d ataram, nəximin d Ibrahim, d

Isəhaq, əd Yaqub, ədrəwan dər-san iməgura daɣ Taymar ta n jənnawan.

¹² Mišan Kəl-Əlyəhud aggotnen s əntanay as tətawasamatag Taymar ta, win di a din-təwəbdəɣan sədi daɣ šiyyay, ad hallin əddadan idədwan-nasan fəl təmagraz.»

¹³ Amaran inna Ƴaysa i kabtan wa nad: «Əqqəl aɣaywan-nak, aget-ak Məššina arat wa daɣ-as təgmaya fəl əzəgzan-nak.» Təzzar izzay amašşaxal ən kabtan wen daɣ amazay wen da.

Tədaggalt ən Butros

¹⁴ Dəffər adi ikka Ƴaysa ehan ən Butros. Inay tədaggalt ən Butros tərşad, tənnid,

¹⁵ idas əfus-net, təwat fall-as tanaday, tənkar-du a tu-təsiməgurit.

Əzuzəy ən Ƴaysa aytedan aggotnen

¹⁶ As tuda təfuk, əmməwayan-as-du aytedan aggotnen əssiranan kələsuf. Ixrad Ƴaysa asataɣ ən kələsuf winad əs təfert iyyadda. Izzozay deɣ imiranan kul win əllanen den.

¹⁷ Əmmək wen daɣ as inda awal wa d-iga Əməli əs tarrayt n ənnəbi Isayas a daɣ innâ: «Ənta a idkalan əlyiban-nana, idkal fəl iri-net šiwərnawen-nana.»

Ləkkum i Ƴaysa

¹⁸ As inay Ƴaysa tamattay təxilayɣalay-tu, omar inəttulab-net s a dər-əs idawan əxrəsan əs tagadamayt ta hadat n agaraw.

¹⁹ İkk-ay-du əmusan n Əttawret iyyan inn-as: «Əšşex, a dak-əlkəmaɣ s adag kul wa təkkeɣ.»

²⁰ Inn-as Ƴaysa: «Izagazan əlân enwan, igədad dəx əlân şisəllula, mişan nak Ag Ag-gadəm wər ələx wala edag a dəx əssənsəx ɣaf-in.»

²¹ Inn-as ənalkim-net iyyan: «Əməli, akf-i turagat n ad agla har din-ənbələx abba-nin təzzar.»

²² Mişan inn-as Ƴaysa: «Əlkəm-i tayyax inəmməttan ad ənbəlan inəmməttan-nasan.»

Əzərəz ən Ƴaysa tazafa

²³ Dəffər adi iggaz Ƴaysa aɣlal n aman, ənta əd nəttulab-net, əqlan.

²⁴ Wala a ihogan təgar-du tazafa labasat fəl agaraw, ad əggatnat tənazzamaren aɣlal. As itaggu awen Ƴaysa ənta insâ.

²⁵ Əhozan-t-in nəttulab-net, a tu-sankaran dəx etəs gannin-as: «Əməli, agəz-ana! Nakkanay nəjwâr nəhlâk!»

²⁶ Inn-asan: «Mafel təh-iwan tasa togdat d awa, kəl əzəgzan irkaman?» Inkar-du Ƴaysa, isannaryam y aɣu d agaraw, əxradan adrur d əsəssəmmi.

²⁷ Arat wa iqqan iɣafawan-nasan, ad gannin: «Ma imos wa dəx awedan, as wala aɣu d agaraw da ittâf dəx-san tanat.»

Əzuzəy ən Ƴaysa əşšin aytedan əgrâwan kələsuf

²⁸ As iwar Ƴaysa aganna wa hadan n agaraw, dəx akal ən Gadaratan, əssəlkadan-as-du əşšin aytedan əssiranan kələsuf, əgmadan-du sər-əs izəkwan. Aytedan win awa əgan dəx tallabəst, wər t-illa i ihalan a d-akəy dəx adag wen.

²⁹ Saḡaren-as-du gannin: «Ma daḡ-na tare, Barar ən Məššina? Awak assa du-təge y a dana-təsəkkərure da wər du-tewed təmastant?»

³⁰ Ēnta illât-tu əsəgən aggen ən ladayan ədânnen daḡ igəg-nasan dên,

³¹ onsayan kələsuf win Ƴaysa ənnan-as: «As dana-təstaḡa, təssukaḡ-anax əsəgən en ən ladayan en.»

³² Inn-asan: «Aglat!» Təzzar əgmadan kələsuf meddan win əššin en, əkkan iladayan əggazantan. Amazay wen da daḡ d-əwafan ladayan win den kul fəl azadaga ən təkəšwart, ḡartattawan ad tifataqqen daḡ agaraw, əlammazan-tan aman.

³³ Təzzar ozalan madanan ən ladayan winad s əḡrəm, əssoḡalan arat kul wa igan den y aytedan, d awa igan fəl meddan win əssəranan kələsuf en.

³⁴ Den daḡ a d-əḡradan kəl əḡrəm wen agamad, əssəlkan-du i Ƴaysa, onsayan-tu ad igməd akal-nasan.

9

Ƴuzəy ən Ƴaysa anabdon

¹ Təzzar iggaz Ƴaysa aḡlal n aman, iḡras agaraw, ikka taḡrəmt-net Kafarnahum.

² Ewayan-as-du aytedan anabdon ihân təssut-net. As inay Ƴaysa əzəgzan-nasan, inna y anabdon: «A kay wər iššəwəš wala barar-in! Ibakkadan-nak tiwasarafan-ak!»

³ Təzzar ənnan arat daḡ musanan n Ēttawret wiyyad daḡ man-nasan: «Aləs wa əmadraw a itaggu!»

⁴ Inn-asan Ƴaysa issânan daɣ awa samad-ranan: «Mafel tətaggim arak medranan win daɣ wallan-nawan?»

⁵ Awak ma ogaran tərɣəsay gər i innan: "Ibakkadan-nak tiwasarafan-ak", meɣ ak i innan: "Ǝbdəd jəwənkət?"

⁶ Amaran areɣ ad təssənam as nak Ag Aggadəm, ələɣ daɣ əddənet tanaya a di-təššawadat ad əssurəfa y awedan ibakkadan-net.» Təzzar inna Ƴaysa y anabdon: «Ǝbdəd, tədkəla təssut-nak takkaɣ aɣaywan-nak.»

⁷ Ibdad aləs wen ikka aɣaywan-net.

⁸ As ənayat tamattiwen arat wen, təɣrad-tanat tasa iguz, ad tagginat təmmalen i Məššina a ikfan tarna togdat d awen y aggadəm.

Ƴaysa əd Matta əd nasbakkadan

⁹ Ifal Ƴaysa edag wen, illam-du dagma n aləs iyyan igân esəm Matta, iqqiman daɣ adag wa n əzərzəm n əzrəf wa n takəs, inn-as: «Ǝlkəm-i!» Təzzar ibdad Matta ilkam-as.

¹⁰ Ǝzəl iyyan, iha Ƴaysa aɣaywan ən Matta, ənta d aytedan aggotnen ən nəzzərzam ən takəsen əd nasbakkadan, idrâw dər-san imensewan ənta əd nəttulab-net.

¹¹ Ǝnayan Farisaytan arat wa, ənnan i nəttulab-net: «Mafel idrâw əššex-nawan əd nəzzərzam ən takəsen əd nasbakkadan?»

¹² Isl-asan Ƴaysa, inna: «Aytedan win wər nəla əɣəli, wər əddəraran s anasmagal, imiranan a sər-əs əddərarnen.

¹³ Agliwat təssənam almaɣna ən batu ta iga Məššina as inna: "Təhanint a are, wərgəɣ šikutawen." Wər d-oseɣ fəl a d-aɣraɣ aytedan

win ħur iga as oġâdan, kalar inasbakkadan as d-əmmozala y a tan-d-aġra əqqəlan inalkiman-in.»

Amagrad wa iga Ƴaysa daɣ batu n əzum

¹⁴ Təzzar əkkan-in nəttulab ən Yaxya Ƴaysa ənnan-as: «Mafel nakkanay əd Farisaytan nətuzam faw, amaran kay inəttulab-nak wər tuzaman?»

¹⁵ Ijjəwwab-asan Ƴaysa inn-asan: «Ak ilagatan a ħur illa amazlay zakanzaran? Mišan əlkâman adan a ħur-san z'ammadkal əmazlay: əddi amaran ad z'uzaman.

¹⁶ Wər t-illa i z'iwətan šikəst taynayət daɣ tabdoq waššarat, fəlas əddi šikəst ta dintəttəwatat, a du-təzəkkəwənzəz tabdoq ta waššarat, təzzar təššit-as azarru wəllen.

¹⁷ Wər t-illa deɣ i z'agin esmad n alɣanab aynayan daɣ gədad, fəlas as iga adi, ad abbaqqen gədad win, təzzar affatu daɣ esmad əd gədad. Kalar arat wa ihoran, ad itəwəggu esmad wa aynayan daɣ bəyaɣ aynaynen, əmmək wədi daɣ as z'ixləs esmad harkid bəyaɣ.»

Əssənkər ən Ƴaysa təbarart daɣ təmattant d əzzuzəy-net tantut

¹⁸ Iššewal-asan Ƴaysa den daɣ as d-osa iyyan daɣ muzaran ən Kəl-Əlyəhud, issəjad dat-əs, inn-as: «Təbarart-in a aba əmərədda, mišan ya, əssanay âs as du-tose təssəwəraq-qat əfus-nak, a du-tənkər.»

¹⁹ Təzzar inkar-du Ƴaysa, ilkam-as, əddewan dər-əs nəttulab-net.

²⁰ Təllat-tu təntut təgat maraw elan d əşšin igammad-tat əzni, təhoz-du Ƴaysa sa sər təxərden, tədas təbənək ən təkadkat-net,

²¹ fəlas tənna a təga daƳ man-net: «İgda Ƴas ad ədəsa təkadkat-net, ad əzzəya.»

²² İmalallay-in Ƴaysa inay-tat, inn-as: «Ad wər təxşəda təbarart-in! Əzəgzan-nam sər-i a kam-izzozayan.» Amazay wen da daƳ təzzay təntut ten.

²³ Dəffər awen ikka Ƴaysa ehan n əmuzar ən Kəl-Əlyəhud wanad. As din-ewad Ƴaysa, inay imawatan ən təsənsəƳ šin təfəyyawt, d aytedan nijarwaynen, əgân tərmuq.

²⁴ İna: «Awedan kul irdəxet! Təbarart di wər tat-aba, etəs Ƴas a təga!» Təzzar əgan-tu ajjab.

²⁵ As tətawasardaƳ tamattay ten, iggaz Ƴaysa ehan wa təha təbarart ta aba, obaz əfus-net, issənkər-tat-du.

²⁶ Wazawazan salan n awa igan den, daƳ akal ketnet.

Əzuzəy ən Ƴaysa əşšin məddəryal

²⁷ As ifal Ƴaysa edag wen, əlkâman-as əşšin məddəryal, saƳaren gannin: «Ya Ag ənnəbi Dawəd! Hənəttət-ana!»

²⁸ As din-ewad aƳaywan, iggaz ehan, əhozan-t-in məddəryal win den, inn-asan: «Təzzigzanam as əfragəƳ igi n arat wa təräm əddi?» İnnan-as: «Awalla, Əməli.»

²⁹ Təzzar idas šittawen-nasan, igannu: «Itəwəggiwet-awan arat wa inamannakan d əzəgzan-nawan.»

³⁰ Den daƳ ad əgrawan asawad-nasan. Ig-asan Ƴaysa tarƳəmt təssohet, inn-asan: «Ənkədət y

ad issən a imosan awedan daḡ awa dawan-əge da.»

³¹ Mišan as əglañ, əzəwwazawazan isalan-net daḡ akal ketnet.

Əzuzəy ən Ƴaysa awedan əgrâwan kələsuf, immidad əmi-net

³² Əfalan Ƴaysa ƣas immeway-du sər-əs awedan as immidad əmi-net, id əggəsuf a t-izdaḡan.

³³ İkkas Ƴaysa əggəsuf wen ƣas, iggaz awedan was immədad əmi-net den šin awal. Isimaklal awen əs tamattay, ad təgannu: «Arat wa wər kala tətawanay tulat-net daḡ İsrayil!»

³⁴ Fərisaytan amaran əntanay gannin: «Əmənokal ən kələsuf a t-ikfan fərregat n ikus ən kələsuf daḡ aytedan.»

Təwatray ta n əzəmmizəl ən maššaxalan

³⁵ İllil Ƴaysa iḡərman əd təḡarmaten kul, isasaḡru daḡ nan n əlḡibada ən Kəl-Əlḡəhud, itaggu isalan n Əlinjil imosan isalan ən Taḡmar ta n Məššina, izuzəy deḡ aytedan daḡ əzzənəfan kul ən təwərnawen d əlḡiban.

³⁶ As inay tamattay, təggaz-tu təhanint-net, fəlas arkanay a ənnayan, tiwayyan əd man-nasan, əmosan zun ayfəd wər nəla amadan.

³⁷ Təzzar inna i nəttulab-net: «Ƴarat təggət, mišan wər əggətən maššaxalan win tat-z-aləynen.

³⁸ Daḡ adi əttərat s esəm ən məššis ən ƣarat ta, a d-assaglu imaššaxalan a tat-olaynen.»

10

Æzæmmizæl æn nættulab win maraw d æššin

¹ Iyra-du Ƴaysa æs man-net inættulab-net win maraw d æššin, ikf-en tarnæ n ikus æn kælæsuf daƳ aytedan, d æzuzøy n a tæqqal tæwærna, d a iqqal ælƳib.

² Æntanay da esmawan æn næmmuzal win maraw d æššin: Wa azzaran esæm-net SimƳon, itawann-as Butros, d Andrawæs wa n amadræy-net, æd Ƴaqub wa n ag Zabaday, æd Ƴaxya wa n amadræy-net,

³ æd Filibus, æd Bartulamawæs, æd Tuma, æd Matta wa izarzaman takæsen, æd Ƴaqub wa n ag Alfay, æd Tadday,

⁴ æd SimƳon was itawannu wa Isaggatakken, æd Ƴahuza was itawannu Isxaræyuti s ænta a z'agin Ƴaysa daƳ fassan.

Æsæssæyri wa n æššin: ÆššæƳæl æn nalkiman d alyazab-nasan

Ammaran win iga Ƴaysa inalkiman-net

⁵ Æntanay da da maraw nættulab d æššin win izæmmazal Ƴaysa dæffær as tan-omâr inn-asan: «Ad wær tætaƳƳim aytedan win wær næmos Kæl-Ælyæhud, wala deƳ tæggözam aƳræm waliyyan æn Kæl-Samaræya.

⁶ Kalar akkiwat Kæl-Israyil, win æmosnen zun aƳfæd æssiggalnen.

⁷ Agliwat a dasan-tætaggim isalan n âs TaƳmar ta n jænawan tæhöz-du.

⁸ Zuzøyat imiranan, a du-tæsankaram inæmmættan, tæzzuzøyam aytedan win igraw kætru, tæzzæzdægam-tan, ad tætaƳƳasam kælæsuf

dağ aytedan. Bannan as tətawakfam, dağ adi kawayan da hakkiwat bannan.

⁹ Ad wər tətawayam urəx, wala azrəf, wala deş a təqqəl tafelt dağ nəfdan-nawan,

¹⁰ wala deş ayrəg dağ əşikəl-nawan, wala təkadkat ta n sanatat, wala təsəsəlt ta n sanatat, wala tallaq. Əssənət as edaq tosam ad tətəwəsəməgurem fəlas imaşşaxalan-in a təmosam, amaran amaşşaxal kul ila alxaq n ad igrəw a itša.

¹¹ As du-təggazam ayrəm, madeş tayrəmt, təgməyam awedan wa inahaggan d a şur-əs təssəgənam, taqqamim şur awedan wədi da har assaxa a dağ təgmadam ayrəm wədi.

¹² As du-təggazam ehan tannim: "Alxer fall-awan!"

¹³ Kud aytedan n ahan wədi nihaggan d a şur-san təssəgənam, wədi təwatray n alxer ta dasan-təgam a fall-asan təqbəl, mişan as wər nahaggan d a şur-san təssəgənam, wədi təwatray ten wər za təqbel fall-asan.

¹⁴ As wər tətawaqbalam, wər itawasasam deş i batu-nawan dağ əyrəm wədi, made dağ aşaywan wədi, təgmadam-tu, tabbakbakam-in əgodrar-net wa iwaran idaran-nawan.

¹⁵ Əggəyyeş əsilakanax-awan as, əzəl wa n tabadday, aytedan n əyrəm wədi, ad agin alxazab ogaran wa z'agin win amaḍal ən Sədom əd Gamora.»

Amagrad ən şaysa s awa z'igrəwan inalkiman-net

¹⁶ «Əssənət as zimazalaq-qawan təmosam zun ayfəd əhânen ammas ən ridalan, dağ adi iliwat

tayttay tagim ənnəyat zun awa tagginat taššolen, talim əd tədəbren a wər iwer a imosan lahan.

¹⁷ Ənkədat y aytedan, fəlas a kawan-əssəbdədan dat saggawaran n əššərixa, a kawan-əggatan əs ləkkad dəy nan n əlyibada ən Kəl-Əlyəhud.

¹⁸ Ad tətəwəsəbdədam dat naxkiman əd mənokalan fəlas kawan-iwar esəm-in, təqqəlam šiggəyyawen-in y-asan əntanay d aytedan win wər nəmos Kəl-Əlyəhud.

¹⁹ Mišan assaxa wad za tətəwəggim dəy fassan, a kawan-wər-iššəwəš əmmək was za təššiwəlam, wala dəy awa za tannim, fəlas arat wa za tannim a fall-awan d-azzabbat dəy amazay wa da dəy təram tənna-net,

²⁰ id wərgə kawanay a z'iššəwələn, kalar Infas wa Zəddigan n Abba-nawan, a dəy-wan išawalan.

²¹ Ad səttərməsan aytedan imədrayan-nasan səssugin iman-nasan, səttərməsan abbatan bararan-nasan səssugin iman-nasan, affallagan bararan fəl marwan-nasan səssugin iman-nasan.

²² Awedan kul a kawan-igzər fəlas kawan-iwar esəm-in, mišan wa dəy-wan izmaran har təzərəst, wədi ad ixləs.

²³ As tətawasasam dəy əxrəm taddarragam s iyyan. Əggəyyeḡ əsilakanax-awan as wər du-za-təxrədam iḡərman n Israyil harwa da as du-z-əqqəla nak Ag Aggadəm.»

²⁴ «Attalami wər oger əššex-net, wala dəy ogar əkli məššis.

²⁵ Igda y attalami ad agdu d əššex-net, akli dəy

igd-as ad agdu əd məššis. Dad zamas əmuzar n aḡaywan əgan-as esəm Aššaytan ən Baḡalzabul, manəmmək as wər z'agin arak batuten i kəl aḡaywan-net?»

A kawan-wər-təggəz tasa

²⁶ «Daḡ adi a tan-wər-tiksadam. Arat kul wa iḡbaran ad itəwəsənəfiləl, amaran əssir kul ad affaggu.

²⁷ Arat wa dawan-ənnə daḡ šiyay, anniwat-tu ezal a mallan. Amaran arat kul wa dawan-itawasataktakan anniwat-tu s afalla.

²⁸ Ad wər tiksadam win naqqinen təḡəssa n awedan ḡas, amaran wər əfregan aḡsud ən wala i man-net. Kalar iksadat Məššina a ifragan ahluk ən təḡəssa harkid man, aggadl-en daḡ Jahannama.

²⁹ Awak wərgəḡ əššin gəḡad tefelt iyyadda a nazzan? Dər iga awen da za, wər tan-ihə i z'əgmədan man ar əs turagat n Abba-nawan Məššina.

³⁰ Kawanay amaran wala anzadan ən ḡafawan-nawan da kul əḡḡunan.

³¹ Daḡ adi ad wər tiksadam wala, fəlas ḡur Məššina togaram igəḡad əlqimat!»

ḡaysa ilas awal daḡ batu n awa z'agin fəl nalkiman-net

³² «Awedan kul wa iggəyyen dat aytedan as nak a t-ilan, wədi nak da a fall-as aggayyēḡ dat Abba-nin ihan ijənnawan.

³³ Mišan wa di-inkuran dat aytedan, wədi nak da ad t-unkarəḡ dat Abba-nin ihan ijənnawan.»

³⁴ «Ad wər təxilam assa a d-əgeɣ ewâya-du alxer s əddənet: kala kala wər d-ewayax alxer, əməgər a d-ewayax.

³⁵ Ose-du y ad zənnəməzrəyax aləs d abba-net, zənnəməzrəya təbarart d anna-net, zənnəməzrəya deɣ tədagğalt əd təntut ən barar-net,

³⁶ əqqələn kəl aɣaywan n awedan izəngə-net.

³⁷ I igan y abba-net madex anna-net tara togarat ta di-iga, wədi wər ihor əd tišit n ənalkim-in. I igan i barar-net madex təbarart-net tara togarat ta di-iga, wədi wər ihor əd tišit n ənalkim-in.

³⁸ I wər nədkel təgəttawt-net, agu imateran-net, ilkəm-i, wədi wər ihor əd tišit n ənalkim-in.

³⁹ Awedan wa wər nəkəttəw ar iman-net dəɣ əddənet ta, wədi ad affatu dəɣ alaxirat. Amaran wa iqbəlan ad isəffatu iman-net dəɣ əddənet ta fəl əddəlil-in, wədi a tan-igrəw.»

⁴⁰ «I dawan-igan isəxlak, wədi nak as tan-iga, amaran i di-tan-igan, wədi wa di-d-izammazalan as tan-iga.

⁴¹ I igan isəxlak y ənnəbi ən Məššina fəl tišit-net ənnəbi, wədi ad igrəw arozan win igarraw ənnəbi. Amaran i igan isəxlak y alɣadil ən Məššina, fəl əddəlil ən təlxudəla-net, wədi ad igrəw arozan win igarraw alɣadil.

⁴² Əggəyyeɣ əsilakanax-awan as, i iššəšwan wala ablu n aman sammədnən y iyyan dəɣ nalkiman-in win ogarnən təmmədrəyt, fəlas imos ənalkim-in, wədi illikan as ad igrəw arozan-net.»

11

Awa d-izdaran

¹ As iyrad Ƴaysa ammar ən nəttulab-net win maraw d əššin, ifal edag wen, ad isasaɣru itaggu təlɣutbat daɣ ɣərman win əhanen akal wen.

Idufan aggotnen win tawagganen daɣ əsəssəɣri ən Ƴaysa

Ƴaysa əd Yaxya wa isalmaɣan aytedan daɣ aman

² Yaxya wa isalmaɣan aytedan daɣ aman, iha kasaw as isla awa itaggu Əlməsix, izammazal-du sər-əs arat daɣ attalamitan-net,

³ y ad t-əssəstənan annin-as: «Ak kay a imosan was nəqqəl y a d-asu, meɣ ak ad nəqqəl y iyyan?»

⁴ Ijjəwwab-asan Ƴaysa inn-asan: «Əqqələt Yaxya təssuɣəlam-as awas təsallim, d awa təhannayam, tannim-as:

⁵ Iməddərxal əhannayan, inəbdan jawanken, aytedan win igraw kətru əzzayan zaddo-gan, imzagan əgrawan tesalay, inəmməttan nakkaran-du daɣ təmattant, šiləqqawen deɣ sallanat y Əlinjil.

⁶ Ibbilal awedan wa wər igmed əzəgzan-net fəlas wər iga aššak daɣ awa əmosa.»

⁷ As əqlan attalamitan ən Yaxya, issənta Ƴaysa amagrad i tamattay daɣ batu ən Yaxya, inn-asan: «Ma imos arat was təkkaɣ əsuf y a tu-tənəyam? Awak telant isiwəliwil aɗu? Kala!

⁸ Daɣ adi ma imos wa təkkaɣ y a t-id-tənəyam? Awak aləs ilsân tabdoq təknaɣ šihussay? Kala! Ənəyat za, aytedan win

əqqannen šibədday šin hossaynen, win di inan ən mənokalan a əhan.

⁹ Adi za ma təkkan y a t-id-tənəyam? Awak ənnəbi? Wəllen z'ās ənnəbi. Amaran Yaxya ogar tišit n ənnəbi fadda.

¹⁰ Fəlas Yaxya ənta a fəl ənnan Əlkəttaban: *"Ənəy za nak a dat-ək assaglay anammazul-in a z'aknin tarrayt-nak."*

¹¹ Əggəyyeş əsilakanax-awan as wər kala a d-ihəw awedan ogaran Yaxya wa isalmaşan daş aman. Dər iga awen da wala şas wa ogaran təmmədrəyt daş Taymar ta n jənnawan, da ogar Yaxya.

¹² A d-obazan şur adan win daş itaggu Yaxya wa isalmaşan daş aman təlxitbat, har harwa da, Taymar ta n jənnawan təmiqqas əd tallabəst təsohet, gammayan kəl əşşur d abbaz-net.

¹³ Amaran Əlkəttaban n Ənnəbitan kul d Əttawret, əməlan Taymar ta n Məşşina, har azzaman ən Yaxya.

¹⁴ Kud təqbəlam awa dawan-ənnəş əddi, wədi əssənət as Yaxya, ənta a imosan Ilyas was ittəmal assa-net.

¹⁵ Wa isallin, issəsəmet!»

¹⁶ «Mas z'ammattalax aytedan n azzaman win nəha da? Olân əd bararan əqqimnen daş əssuk, saşaren i midawan-nasan,

¹⁷ gannin-asan: Nəwat-awan tendə, mişan wər təwəşam! Nəg-awan isakkan ən təfəyyawt, mişan wər təlem!

¹⁸ Ənnəş-awan adi fəlas Yaxya osa-du, wərməd itattu za wər isəssu, təzzar ənnan aytedan: Aljayn a t-izdaşan.

19 Amaran, nak Ag Aggadəm, ose-du ətatta əsassa, mišan ənnan aytedan: "Ənawat aləs wen n amawwalay en, isassin esmad s igət, imos əmidi ən nabazan ən takəsen d ark aytedan!" Masnat ta du-təfalat Məššina amaran, imazalan n aytedan win əhanen tarrayt ta n Məššina a sataddinen aqqad-net.»

Erruymatan win iga Ƴaysa i xərman win ənkurnen ammaran-net

20 Təzzar issoxal Ƴaysa təgna labasat i xərman win dağ əganat taššam ən təlməxjujaten, id tətubt a wər əgen.

21 Inna: «Iket alyazab iqqâl-awan kəl-əxrəm ən Koradzin! Iket alyazab iqqâl-awan kəl-əxrəm ən Betsayda! Fəlas təlməxjujaten šin xur-wan əganen ənnar əgânat dağ əxrəm ən Tir əd wa n Sidon, wədi irəw as əqqanan isəlsa ən bəhu əqqiman dağ ezəd, imos awen əsənnəfiləl n as əhdän.

22 Awen dağ a fəlas ənnəx-awan: Alyazab wa za tagim əzəl wa n tabadday ad agər wa z'agin aytedan n əxrəm ən Tir əd wa n Sidon.

23 Kawanay aytedan n əxrəm wa n Kafarnahum, adis ad tammadkalam s aljannat? Kalar Jahannama a dağ za tətəwəgaram, fəlas təlməxjujaten šin xur-wan əganen əs ənnar əgânat dağ əxrəm ən Sədom, wədi har azalada ill-ay.

24 Awen dağ a fəlas ənnəx-awan: Alyazab wa za tagim əzəl wa n tabadday ad agər wa z'agin aytedan n akal ən Sədom.»

Əmmək was za nakkawan i Ƴaysa

²⁵ Iгла Ҷайса ишшêwal inna: «Ӕгеҕ-ак тэммален җа Абба, Ӕмәли ән җәннawan д амадал фәл аҗабар wa тәгеҕ аратан win i musanan, әд malan ән тәйттай, тәсанафалалаҗ-қан y аytedan win wәр нәзлай әд бараран;

²⁶ id adi da a imosan agna-nak ya Abba!»

²⁷ «Arat kul ig-ay Abba-nin daҗ әfus-in, wәр t-illa i issanan awa әmosa ar Abba, wәр t-illa deҗ i issanan awa imos Abba ar nak an Barar-net d awedan was areҗ a das-tu-sәnnәfilәla.

²⁸ Akkiwat-i-du ketnawan win әddaznen, ewayan әzuk, a kawan-akfa тәсанfawt.

²⁹ Bardagat-i тәлкamam i tara-nin, tabәzam fall-i masnat, id nak mәššis ән talmat a mosa, әwәl-in deҗ wәр t-iha zazwar ән man. Ӕddi ad za тәгрәwam тәсанfawt i man-nawan,

³⁰ фәлас ләккum i tara-nin isinaflay, әгәггi-nin deҗ i фәsusan.»

12

Tamazaq daҗ batu n әzәl wa n тәсанfawt ән Kәl-Ӕlyәhud

¹ Azzaman en da, әzәl iyyan ән тәсанfawt ән Kәl-Ӕlyәhud, issiwal Ҷайса шiwәgas n alkama әнта әд нәттulab-net. Iggaz гәләк inәттulab-net, a du-rassaban шixәҗanen, tattin-tanat.

² As әnayan Farisaytan awen, әnnan i Ҷайса: «Ӕnәy! Inәттulab-nak taggin arat xarâman daҗ әzәl wa n тәсанfawt.»

³ Inn-asan Ҷайса: «Ak teҗaray a wәр тәgem awa iga әnnәbi Dawәd assayә wad t-iggaz гәләк, әнта әд midawan-net?»

⁴ Awak wərgəy iguz a əgan ehan ən Məššina, ətšan šigəlwen šin əmosnen takutay təkātāt i Məššina, imos awen arat fall-asan xaraman? Šigəlwen šin den ilimaman ɣas as təxalal tattay-nasnat. Awak təɣaray a wər təgem adi?

⁵ Məy ak təɣaray a wər təgem daɣ Əttawret as əzəl wa n təsanfawt, ilimaman wər əssəfraran əššərədan n əzəl wa n təsanfawt id əzəl wədi šaqqalan daɣ Ahan wa Zəwwəran n Əlyibada, mišan wər fall-asan imos awen lahan?

⁶ Əggəyeyə-awan as wa illan da, ogar Ehan wa Zəwwəran n Əlyibada.

⁷ Ənnar təgrâm almaɣna ən batu ta tənnat: "Nak təhanint a areɣ, wərgə takutay." Wədi wər za təbəzam s əššəriɣa aytedan wər iwer lahan.

⁸ Ənnəy-awan adi fəlas nak Ag Aggadəm a ixkaman fəl əzəl wa n təsanfawt.»

⁹ Ifal ɣaysa edag wen, ikka ehan n əlyibada ən Kəl-Əlyəhud n əɣrəm wen da.

¹⁰ Ehan wen ih-ay aləs as immût əfus-net. Ənnan Farisaytan i ɣaysa: «Ak xalal əzuzəy n awedan daɣ əzəl wa n təsanfawt?» Arat wen imos tənagmayt a das-əgân fəl ad t-əbəzan s əššəriɣa.

¹¹ Inn-asan ɣaysa: «Məni daɣ-wan wa z'ilân tilay iyyadda, amaran təqqəl anu daɣ əzəl wa n təsanfawt, aqqam wər daɣ-as tat-d-ikkəs?

¹² Awedan za, ogar tilay almaqam wəllən! Daɣ adi xalal igi ən tənfa y awedan daɣ əzəl wa n təsanfawt.»

¹³ Təzzar inna ɣaysa y aləs wa: «Əzzəl əfus-nak.» İzzal-tu, izzay, ola əd wa hadan.

14 Ǝgłan Farisaytan, ad timəşəwwiran fəl təməwit tas z'agin iman ən Ƴaysa.

Ƴaysa, ənta a imosan Ǝnaybid wa imal ənnəbi

15 As isla Ƴaysa awen, igmad edag wen. Təlkam-as tamattay təgget. Izzozay imiranan kul.

16 Mišan irxam-asan fəl amel y awedan waliyyan awa imos.

17 Arat wen iga fəl ad andu awal wa iga ənnəbi Isayas as inna:

18 *Ǝnta da ənaybid-in wa sannafrana, s ənta a əkney tara, isifalawas iman-in. A fall-as du-zəzzəbbe Infas-in di Zəddigan, ad immal i təmattiwen n əddənet kul əşşəriya wa-nin.*

19 *Wər z'ammastan d awedan waliyyan, za wər fall-as z'isəxərət, wala aslin-as aytedan išawal day tarrayen.*

20 *Wər z'arzu alawag ən telant illigwen, za wər z'anxu fətəla təbukət i təmattant; almayna as wər z'agu təkma waliyyat i nərkam. Awen day a z'itaggu iket wər issəbdad əşşəriya;*

21 *aginət day-as tamattiwen n əddənet kul attama-nasnət.*

Ǝməqqəs ən Ƴaysa əd Farisaytan

22 Təzzar immeway-du aləs iyyan əs Ƴaysa, as immidad əmi-net, imos dəx əmədderxəl, fəlas aggəsuf a t-izdəyan. Izzozay Ƴaysa aləs wen, išşewal iswad dəx.

23 Isimaklāl awen wəllen əs tamattay ketnet, ad təgannu: «Ma iqqal ak Ag ənnəbi Dawəd wa əttəmalan awa?»

²⁴ Mišan as əslan Farisaytan y awen, ənnan: «Aləs en Aşşaytan Baçalzabul wa n əmənokal ən kələsuf a t-ikfan fərregat n ikus ən kələsuf dağ aytedan.»

²⁵ Mišan ya issan Ƴaysa dağ awa samad-ranan, inn-asan: «Tağmar kul tas əmməgaran məssawəs gar-essan, tədi əbərəjji a za tagu. Wər t-illa əxrəm, wala değ ağaywan, as z'ammazrayan məssawəs, aqqam wər ibarajjat.

²⁶ As imos as Aşşaytan isattağ iman-net, wədi iman-net a dər imməgar. Dağ adi manəmmək as za tihag tağmar-net?

²⁷ Amaran kud nak tarna ən Baçalzabul as takkasay kələsuf dağ aytedan, inalkiman-nawan za, ma ilan tarna tas tan-takkasan? Adi da fəlas əntanay iman-nasan as kawan-z-əbəzan s əşşəriya.

²⁸ Mišan as imos as Infas ən Məşşina as takkasay kələsuf dağ aytedan, wədi Tağmar ta n Məşşina tos-iwan-du.

²⁹ Wər t-illa i ifrâgan iguz n ahan n aləs n əməqqerəd, iyrəd aqqa ən təla-net, ar s ad t-ikrâd təzzar. Dəffər as t-ikrâd amaran ad z'ifrəg aqqa ən təla-net.

³⁰ Wa dər-i wər nəddew, wədi azangaw-nin a imos, wa di-wər-nəllil değ s əşidəw, wədi əzəwwəziwəz a itaggu.»

³¹ «Awen da fəl dawan-ənnex: A iqqal abakkad, wala alfawaxiş, kul ad təwəsürəfan y awedan, mišan ikus ən tarna y Infas wa Zəddigan, ənta wər z'itəwəsürəf y awedan.

³² As di-ibyak awedan nak Ag Aggadəm, ifrâg ad igrəw təsureft, mišan as ibəyak awedan

Infas wa Zëddigan, wërmad z'igrëw tësüeft daɣ äddënet, za wër tat-z-igrëw daɣ alaxirat.»

³³ «As tëlâm ašëk isxân, a daɣ-as tëgrëwam âratân olaɣnen, as tëlâm ašëk wër nësxa, a daɣ-as tëgrëwam âratân ëbrarnen; fëlas âratân win itaraw ašëk, ëntanay as itawazday.

³⁴ Xa taššolen šin da! Manëmmëk as za tan-nim a olaɣan, ënta kawanay tëknâm tallabast? Wërgëɣ awa idkaran ëwël n awedan, ënta a d-igammadan imi-net?

³⁵ Awedan wa olaɣan, ëlluɣ wa ihan ëwël-net a daɣ d-itakkas awa olaɣan, mišân anallabus ënta, talbast ta tëhat ëwël-net a daɣ d-itakkas awa labasan.

³⁶ Amaran nak ënnëɣ-awan ëzël wa n tabad-day awedan kul kundaba ibdad fël batuten ën bannan šin iga.

³⁷ Fëlas awalân-nak a kay-tagaznen daɣ äššëriɣa, amaran ëntanatay harwa da a kay-tabaznen s äššëriɣa.»

³⁸ Ënnan arat daɣ musanan n Ëttawret ëd Farisaytan: «Ëššëx, nëra daɣ-ak a dana-tassakna tëlmëɣjujat tëmosat aɣalamat.»

³⁹ Inn-asan ɣaysa: «Aytedan n azzaman win, inëllubas, wër nëksud Mëššina, amaran gammayan tëlmëɣjujat! Kala! Tëlmëɣjujat ta dasan-tëtawaggat iyyadda ɣas, a tat-imosan ta n ënnëbi Yunës.

⁴⁰ Ënta ëmmëk wa daɣ as iga Yunës karad jilan, ëd karad hadan daɣ tëdist ën kifi wa zëwwëran, ëmmëk wen daɣ as nak da Ag Aggadëm ad aga karad adan gër mawetan n amadal.

⁴¹ Æzəl wa n tabadday, ad d-ənkəran aytedan n əxrəm ən Ninif, əzzəbəzan aytedan n azzaman win y əşşərixa fəlas əntanay əhəddi a əgan əzəl wa dasan-iga Yunəs təlxtutbat, imal-asan awal ən Məşşina. Æssənat za as, wa illan da əməməddə, ogar Yunəs mišan tugayam əs tətubt.

⁴² Æzəl wa n tabadday, a du-tənkər təmənokalt tas kala təxkam fall akal n agala igân esəm Şəba, taggayyat fəl aytedan n azzaman win, təzzəbəz-tan y əşşərixa fəlas d ad iraz amaḍal a du-təgmad fəl ad təssəsəm y awal ən tələ n əgərri wa itaggu əmənokəl Suliman. Æssənat za as, wa illan da əməməddə, ogar ənnəbi Suliman mišan tugayam s a das-təssəsəmam.»

⁴³ «As igmad aggəsuf awedan, iras aggəsuf wen idaggan əqqurnen igammay id imal, iqqim wər t-igrew,

⁴⁴ ad annu daɣ man-net: "Nak a za, ad əqqələɣ ehan-in wa d-əgmada." As t-id-iqqal a t-id-asu wər itawaggaz, ifrâd, iɣrad amaknaw.

⁴⁵ Təzzar aglu idaw-đu d əssa kələsuf wiyyad a t-ogarnen tallabəst, əggəzan awedan wanâd, əzdəɣan-tu. Tagu taɣara n awedan wen aɣşud ogaran was kala tu-təga. Awen da a z'igrəwan inəllubas n azzaman win.»

Anna əd mədrayan ən Ƴaysa win tidət

⁴⁶ A išşewal Ƴaysa i tamattay den da, təlla anna-net den əd mədrayan-net. Əbdâdan sədi dat ahan, ərân a das-annin arat.

⁴⁷ Inna awedan iyyan i Ƴaysa: «Ənəy, anna-nak əd mədrayan-nak, əbdâdan-ak dat ahan ərân a dak-annin arat.»

⁴⁸ Inn-as Ƴaysa: «Ma imosan anna-nin? Ma imosan imədrayan-in?»

⁴⁹ Təzzar izzal Ƴaysa ifassan dənnəg nəttulabnet, inna: «Ənəyat, anna-nin əd mədrayan-in əntanay da,

⁵⁰ id awedan kul wa itamazalan tara n Abbanin ihan ijənnawan, ənta a imosan amadrayanin, madex təmadrayt-in, madex anna-nin.»

13

Əsəssəyri wa n karad: Əlmitalan daɣ batu ən Taymar ta n Məşşina

Əlmital wa n ənanbal n amasa

¹ Əzəl wen, igmad Ƴaysa ehan, igla, iqqim daɣ təgadamayt n agaraw.

² Təddew-du fall-as tamattay tagget, har as iggaz aɣlal n aman iqqim daɣ-as, təbdad tamattay ketnet daɣ təgadamayt n agaraw.

³ Imməgrad-asan daɣ aratan aggotnen s əlmitalan. Inn-asan: «Kala ad ikka əmagyak iyyan tawagost-net, y a tat-inbəl.

⁴ Daɣ anabal wa itaggu den imosan anabas n amasa, ərtaknat təblələn şiyad fəl tama ən tarrayt, osan-du gəqad, ətşan-tanat.

⁵ Şiyad ərtaknat daɣ adag əhanat təhun, amaran wər t-ihə amaɣal igdân. Idwal-du amasa wen tarmad, fəlas wər daw-əs illa amaɣal aggen.

⁶ As təggəzzay təfuk, təssəqqad awa d-idwalan daɣ amasa wen. Iqqur fəlas ikewan-net a wər nəggug daɣ amaɣal.

7 Šiblalen šiyad ertaknat daɣ tefəssaɣ. Eɗwalnat tefəssaɣ šin, əlmaznat amasa wa d-idwalaŋ den.

8 Mišan ya arat daɣ təblalen en irtak daɣ amaɗal olaɣan. Igmad-du, idwal, iga šiɣaɣanen. Šiblalen šin den akkiyyat teraw temeday ən tablalt, šiyad sədisat təmərwən, šiyad karadat təmərwən.

9 Wa isallin, isəsəmet!»

Eddəlil wa fəl itaggu Ƴaysa əlmitalan

10 Dəffər awen əhozan-t-in nəttulab-net ənnan-as: «Mafəl tətamagrada y aytedan win s əlmitalan?»

11 Ijjawwab-asan Ƴaysa inn-asan: «Taggaɣ-asan əlmitalan win, id kawanay təgrâwam masnat daɣ əssiran ən Taɣmar ta n jənnawan, əntanay amaran wər tat-əgrewan.

12 Fəlas wa ilan, a das-itəwəšitu awa ila, annaflay. Wa wər nəla amaran, arat n awa ila da a daɣ-as attarmas.

13 Awen da a fəl dasan-tamagrada s əlmitalan, id əswâdan mišan wər hənnəyan, əssisaman mišan wər sallin, za wər gərrin.

14 Əntanay a fəl tənda batu ta iga ənnəbi Isayas assaya wad inna: "*Ad taknim əsəsəm, mišan wər za tagrim wala. Taknim asawad mišan wər za tənəyam wala.*

15 *Fəlas iwallan ən tamattay ta ab'as əlan tafraɣt, əngəm agrin. Egan iman-nasan imza-gan, šittawen-nasan deɣ əɣmasan-tanat, fəl ad ib'as hannayan əs šittawen-nasan, ib-as sallin əs təməzzugen-nasan, ib'as garrin əs wallan-nasan. Ugayan əs tətubt, əngəm əzzuzəyaq-qan."*»

16 «Kawanay amaran tæbbilalam id šittawen-nawan əhannaynat, tæbbilalam id šiməzzugen-nawan sallinat.

17 Əggəyyeḡ əsilakanax-awan as sidaranan ənnəbitan aggotnen d aytedan win oḡadnen aggotnen anay n awa təhannayam, mišan wər t-ənanay, sidaranan deḡ tesalay y awas təsallim, mišan wər das-əslən.»

Əsəssəgri ən Ƴaysa əlmital wa n ənanbal n amasa

18 «Daḡ adi kawanay səsəmat y almaḡna n əlmital wa n ənabal n amasa.

19 Amasa wa irtakan fəl tama ən tarrayt, əlmital a imos n awedan wa islan i salan ən Taḡmar ta n Məššina wər tan-igra, asa-du Iblis ikkəs awa itawanbalan daḡ əwəl-net.

20 Amasa wa irtakan daḡ amaḡal əhānat təhun, əlmital a imos n awedan wa islan y awal ən Məššina, iḡbal-tu əddi da əs man filawasnen,

21 mišan wər ila awen ekay. Awedan wa wər imos ar məššis ən təmazayen. Igda Ƴas a tu-təməl təssust, madeḡ təddəguzt təḡât fəl əddəlil n Awal ən Məššina, ad ayyu əzəḡzan əddi da.

22 Amasa wa irtakan daḡ təfəssaḡ, əlmital a imos n awedan wa islan y Awal ən Məššina, mišan aššawašatan n əddənet, d adakal wa təḡa təḡərgist n əddənet tayttay-net, əssəfalan-du dənnəḡ Awal wen, igdal-as awen a d-awəy tənfa.

23 Amasa amaran wa irtakan daḡ amaḡal olayan, əlmital a imos n awedan wa islan y Awal ən Məššina, igr-ay. Awedan wədi a d-awəy tənfa təmosat temeday n ənətfus, iyyat təqqəl

sədisat təmərwen, iyyat amaran təqqəl karadat təmərwen.»

Elmital wa n alkama d arak yel wa day-as d-idwalan

²⁴ Iga Үaysa i tamattay əlmital iyyan. Inna: «Таҕмар та n jənnawan təha əlmital n aləs inbalan amasa olaҕan day tawagost-net.

²⁵ As ənsan aytedan osa-du azangaw-net, inbas ark amasa day təwagost ten, ijawankat.

²⁶ As tədwal tawagost, təga šiҕaҕanen, inafalal-du ənta da ark amasa wanad.

²⁷ Osan-du eklan n aləs wa ilan tawagost ten, ənnan-as: "Məššikkana, wərgəҕ amasa wa olaҕan a tənbala day tawagost-nak? Ənnəs za taҕara n arak yel wa day-as d-idwalan den?"

²⁸ Inn-asan aləs wen: "Adi azangaw-nin iyyan a t-igan." Ənnan-as eklan: "Meqqal tareҕ ad naglu nəҕrəd-du alabay ən yel wa wər noleҕ en?"

²⁹ Inn-asan: "Kala! Fəlas təksəda a əgeҕ a tu-tənakkadam har ammarsal alkama iman-net.

³⁰ Ayyiwat-tan ad ədwəlan kul har du-tawəd ҕarat. As inta əmiləy ən təwəgas, ad annay i maššaҕalan win talaynen, ad izaran s arak yel wa, har t-əҕrədan tewaynay iqqəl šibolasen, itəwəsəqqəd, alkama amaran agin-tu day tədangawt-in."»

Elmital wa n təblalt n amasa ən mutard

³¹ Ig-asan Үaysa əlmital iyyan, inn-asan: «Таҕмар та n jənnawan tola d amasa n annabat igân esəm mutard inbal awedan day tawagost-net.

³² Amasa wa n mutard ənta a ogaran imasan kul təmmədrəyt. Mišan as idwal, ad agər

annabatan kul win fərgan, iqqəl ašək, har as a d-asin gəḍad ad taggin šisəllula daɣ zəlan-net.»

Əlmital wa n xamira

³³ Ig-asan əlmital iyyan, inn-asan: «Taɣmar ta n jənnawan tola əd xamira tərway təntut daɣ karadat annafaxaten n agel n alkama har ikuf agel ketnet.»

Əddəlil wa fəl itaggu Ƴaysa əlmitalan

³⁴ Aratan win den kul igann-en Ƴaysa i tamattay s əlmitalan. Wər dasan-inna arat waliyyan wər nəmos əlmital,

³⁵ fəl ad andu awal ən Məššina wa iməl ənnəbi assaxa wad inna: «*Ad arax imi-nin, əššiwəla s əlmitalan, əmələx aratan win əɣbarnen harwa ɣur ənətti n əddənet.*»

Əsəssəgri n əlmital wa n alkama d arak yel wa daɣ-as d-idwalan

³⁶ Dəffər awen ifal Ƴaysa tamattay, igla ikka ehan. Əhozan-t-in nəttulab-net ənnan-as: «Səssagr-anax əlmital wa n arak yel wa d-idwalan daɣ tawagost.»

³⁷ Inn-asan: «Wa inbalan amasa wa olaɣan, adi Ag Aggadəm.

³⁸ Tawagost, adi əddənet, amasa wa olaɣan amaran immittal aytedan win əbbərdagnen i Taɣmar ta n Məššina, arak yel immittal aytedan win əlkammen i tarrayt ta n Iblis.

³⁹ Azangaw wa inbalan ark amasa, adi Iblis, ɣarat amaran adi əzəl wa n tabadday. Aytedan win talaynen, adi angalosan.

⁴⁰ Ænta æmmæk wa day as d-itawankad arak yel day tawagost, itewəsəqqəd, æmmæk wədi day a z'itewəggin əzəl wa tabadday y aytedan.

⁴¹ A d-assagla nak Ag Aggadəm angalosan-in a z'əkkəsnen day Taymar-in aratan kul win takkasnen əzəgzan day aytedan, d aytedan win nəmməzray ən Məššina.

⁴² Təzzar əgəran-tan day amahander ən təmsay, ad hallin əddadan idədwan-nasan fəl təmagraz.

⁴³ İddi day ad z'agin aytedan win oğadnen əmələwləw wa n təfuk, day Taymar ta n Məššina di n Abba-nasan. I isallin aslet!»

Elmital wa n ərrəzəx ixbâran

⁴⁴ «Taymar ta n jənnawan tola harwa da d ərrəzəx ixbâran day tawagost, isaffagg-ay d awedan iyyan, ilas-tu aḡabar. Awa iga day təfalawist, igla izzənz-in awa ila kul, izzənza tawagost ten.»

Elmital wa n əljuhər wa n ələsəl

⁴⁵ «Taymar ta n jənnawan tola harwa da d amassatag igammayan əljuhər wa ihossayan.

⁴⁶ As igraw əljuhər iyyan ihossayan, wa n ələsəl, igla izzənz-in awa ila kul izzənz-ay.»

Elmital wa n sangay wa n abbaz ən kifitan d almaḡna-net

⁴⁷ «Taymar ta n jənnawan tola harwa da əd sangay zəwwəran n abbaz ən kifitan itiwagaran day agaraw, obaz-du kifitan əmosnen əzzənəfan.

⁴⁸ As idnay, ərkaban-t-idu nabazan ən kifitan əs təgadamayt, əqqiman, ədkalan-du izmaman

a daɣ-san taggin kifitan win olaxnen, əggaran-in win wər nənfa wala.

⁴⁹ Awen daɣ a z'agin əzəl wa n tabadday. A d-asin angalosan, əskətan-in inəmməzray ən Məššina, zəmməzəyan-tan d aytedan win oɣadnen,

⁵⁰ əgəran-tan daɣ amahander ən təmsay, ad hallin əddadan idədwan-nasan fəl təmagraz.»

Elmital wa n məššis n aɣaywan

⁵¹ Iгла Ҷaysa iššəwal inn-asan: «Ak təgrâm awa ənne da kul?» Ənnan-as: «Awalla.»

⁵² Təzzar inn-asan: «Daɣ adi, əmusan n Əttawret kul wa itawasasaɣran y ad iqqəl ənalkim ən Taɣmar ta n jənnawan, ola əd məššis n aɣaywan, a d-itakkasan daɣ təlanet aratan win aynaynen əd win waššarnen isataɣmal-tan.»

Awa d-izdaran

⁵³ As iɣrad Ҷaysa əsəssəɣri wa igan s əlmitalan en, igmad akal wa ihozan agaraw, igla.

Əsəssəɣri ən Ҷaysa, itittəy atəwəššak-net

Iba n əzəgzan daɣ Nazaret

⁵⁴ As d-osa aɣrəm wa daɣ idwal ad isasaɣru aytedan daɣ ahan-nasan wa n əlɣibada. Awa sər-san iga awen daɣ əsəmməkləl, har əqqiman gannin: «Mənis t-idu-təggaz masnat togdat d awa, əd təlməxjujaten šin itaggu da?»

⁵⁵ «Ak awa wərgəɣ ag aləs wa ikarrasan inan? Wərgəɣ anna-net esəm-net Maryama, imədrayan-net iyyan Yaqub, iyyan Yusəf, iyyan Simɣon, iyyan Yahuza?

⁵⁶ Wərgex šimədrayen-net kul əllanat ħur-na? Dağ adi məni iguz wa das-d-əgan aratan win da kul?»

⁵⁷ Awen dağ a dasan-igdalan əzəgzan sər-əs. Mišan inn-asan Ƴaysa: «Ənnəbi wər itəwəlku ar dağ aƧrəm wa dağ idwal d aƧaywan-nasan.»

⁵⁸ Amaran iqqim da wər iga təlməxjujaten aggotnen dağ adag wen, fəlas əzəgzan a sər-əs wər əgen aytedan win den.

14

Ətəwənxay ən Yaxya wa isalmaƧan aytedan dağ aman

¹ Azzaman en da a dağ isla Herod Antifas wa n əmuzar n akal ən Galilaya, isalan ən Ƴaysa.

² Təzzar inna Herod y aytedan-net: «A igan da Yaxya wa isalmaƧan aytedan dağ aman, a d-inkaran den dağ təmattant! Awen da fəl ila tarna n igi ən təlməxjujaten.»

³ Arat wen inn-ay Herod fəlas azzaman dat awen omâr s ətərməs ən Yaxya, itawakrad itawagga dağ kasaw, fəl əddəlil ən Herodəyas təmosat taƧur Filibus imosan amadray ən Herod a da,

⁴ fəlas Yaxya a igannin i Herod: «Xaram fall-ak azalaf ən təntut di.»

⁵ Eway-du awen əs Herod as ira ikus ən man ən Yaxya, mišan iksud tamattay təgât i Yaxya iduf n as ənnəbi a imos.

⁶ As d-iƧlay əzəl wa n təhəwt ən Herod, isassaga saksas, təga elles ən Herodəyas eweƧ iknan šihussay dat naftaƧan. Təzzar oggäm-tat Herod

7 har as ihad-as âs, a das-agu arat kul wa daḡ-as təgmay.

8 As təššəwwar anna-net tənn-as ad tannu i Herod eḡaf ən Yaxya a təra. Tənkar təbarart tənn-i Herod: «Akf-i attabla da da iha aḡaf ən Yaxya wa isalmaḡan aytedan daḡ aman.»

9 Arat wa təgmay təbarart ten eway-du s əmənokal Herod as əḡsadan man-net. Mišan omar s a das-itəwəggu arat wa təgmay den, fəl əddəlil ən təhuday ta das-iga d əddəlil ən naftaḡan-net.

10 Issəgla awedan y a d-ifrəs eḡaf ən Yaxya daḡ kasaw.

11 Immeway-du aḡaf n ənnəbi en daḡ attabla, itawakfa i təbarart, təzzar təkf-ay y anna-net.

12 Osan-du nalkiman ən Yaxya ədkalan taḡessa-net, ənbalan-tat-in. Əgla əmalan i Ḡaysa.

Əšətši wa iga Ḡaysa səmmos gim n aləs

13 As isla Ḡaysa isalan win, igmad edag wen, iha aḡlal n aman. Iгла ḡas-net ikka edag issufan a din-ikitayyen. Təsla tamattay ta təhat šixarmaten šin ḡələyḡələyan awen, təlkam-as idaran-net.

14 As d-izzəbbat aḡlal inay tamattay tagget, təggaz-tu təhanint-net, ad izuzəy imirananasan.

15 As təga takəst, əhozan-t-idu nəttulab-net ənnan-as: «Edag issufan awa, amaran əzəl igla, daḡ adi suḡəl tamattay a, ad təgməy id təzzənza a tətša daḡ təḡarmaten.»

16 Inn-asan Ḡaysa: «Wər təga addararat s ad aḡlin, šatšat-tan kawanay iman-nawan da!»

17 Ænnan-as: «Nakkanay ya wər nəla da ar səmmosat tægəlwen d əššin kifitan.»

18 Inn-asan Ƴaysa: «Awəyat-i-tan-du.»

19 Omar tamattay s ad taqqam daɣ yel illan den, təzzar idkal səmmosat tægəlwen šin den d əššin kifitan win, iggəzzay ijənnawan, iga igodan i Məššina. Ikaramkaram šigəlwen šin den, ikf-enat i nəttulab, a tanat-tuzanan i tamattay.

20 Ətšan aytedan en ketnasan har əyyəwanan. Əššədawan-du nəttulab ikarammutan win dutawaglaznen, ədnayan maraw əzmaman d əššin.

21 Aytedan win ətšanən den əmosan edag ən səmmos gim n aləs, əllanat deɣ tədoden den əd bararan.

Əjəwəŋki ən Ƴaysa fəl aman

22 Wala a ihogan omar Ƴaysa inəttulab-net s ad əggəzan aɣlal n aman izaran-as-in əs təgadamayt ta hadat n agaraw iket di ad itasal-lam tamattay.

23 As əɣradan aytedan teklay, iggəzzay Ƴaysa adɣaɣ y ad agu šiwatriwen daɣ adag ikitayyan. Illa den da ɣas-net har iga ahad.

24 As itaggu awen da aɣlal iggug-in daɣ agaraw, əbbatnat-tu tənazzamaren sa əd sa fəlas aɣu issohen a dər imməqqas.

25 As təga tilkamat n ahad, ikka-du Ƴaysa inəttulab-net ijiwankat fəl aman.

26 As t-oggan ijiwankat-du fəl aman, ərməyan. Ænnan: «Awen aggəsuf!» Sakkarayan fəl awa əgan daɣ tərəmməq.

²⁷ Mišan tamazayt ten da a dasan-iššewal Ƴaysa inn-asan: «Ad wər təxšədam, nak awa! Təgmədet-kawan tasa!»

²⁸ Den daɣ a das-inna Butros: «Kud kay adi Əməli, taməraɣ-i s a din-jəwənkey fəl aman əssəlkadaɣ-ak-in.»

²⁹ «Iyyaw!» Inn-as Ƴaysa. Izzəbbat Butros aɣlal, ijawankat fəl aman innəmad Ƴaysa.

³⁰ Mišan as din-igra assahat n aɗu wa igaran den, təggaz-tu tasa, əggazan-tu aman šin alama. Isaxɣarat inna: «Əməli agəz-i!»

³¹ Tarmad as das-in-izzal Ƴaysa əfus-net, ibazt-idu. Inn-as Ƴaysa: «Əzəgzan-nak irkam wəllen, ma daɣ-ak igan aššak?»

³² Əggazan aɣlal ɣas, idrar aɗu.

³³ Əssəjadan-as aytedan win əhanen aɣlal en, gannin: «Illikan as kay a imosan Barar ən Məššina.»

Əzuzəy ən miranan

³⁴ As əɣrasan agaraw, ewadan akal ən Ganazaret.

³⁵ As əssanan kəl akal en as Ƴaysa awen, əmalan y aytedan ən kallan win xələyɣələyan n edag wen, a sər-əs du-tamawayan miranan kul.

³⁶ Ad itawansay ad ayyu aytedan ədəsan kuddey təbənək ən təkadkat-net, amaran i tatidasan ad izzəy.

15

Əssuɣəl ən Ƴaysa təgna i Farisaytan

1 Døffær awen əfalan-du Farisaytan əd musanan n Əttawret Yerusalam, əkkan Ҳaysa, ənnan-as:

2 «Mafəl wər əlkeman nəttulab-nak y alɣadaten šin dana-d-oyyan marawan-nana, wər əširidan ifassan-nasan dat tattay?»

3 Inn-asan Ҳaysa: «Kawanay za, mafəl tətamazrayam alwajiban ən Məššina, fəl ləkkum y alɣadaten-nawan?»

4 Wərgə Məššina a inna: "Səxmər abba-nak d anna-nak"? Inna deɣ: "Awedan wa išaffaraššen abba-net, madeɣ anna-net, wədi a daɣ-as təwəkkəsan man"?

5 Mišan kawanay təgannim y aytedan, as inna awedan y abba-net madeɣ anna-net: "Arat wa kay-z-akfay imos tadhəlt-nak, əssinsaɣ-qu y ad t-aga takutay,"

6 əddi ab-as ihhəššal y awedan wədi saɣmar n abba-net wala anna-net. Emmək di da as təgam alɣadat-nawan daɣ adag n Awal ən Məššina.

7 Əlmunafıqan! Tidət a imos awal wa iga Məššina daɣ batu-nawan əs tarrayt n ənnəbi Isayas as inna:

8 "Tamattay ta, iləs ɣas as di-təssəɣmar, mišan iwallan-nasan əggugan-i wəllen.

9 Əlɣibada wa di-taggin, ibbinnan, fəlas wər səsəyrin ar alwajiban a d-ənzaman aytedan daɣ ɣafawan-nasan."»

10 Iyra Ҳaysa tamattay inn-as: «Səsəmat-i, tagrim awa dawan-z-anna da:

11 Wərgəɣ awa itaggazan s əmi n aggadəm a t-isamadasan, kalar awa d-igammadan imi-net.»

Ʒsəssəgri ən Ʒaysa awal wa iga fəl Farisaytan

¹² Dəffər awen əhozan-t-in nəttulab-net, ənnan-as: «Ak təgreχ-in as batuten-nak, əşşakan-tanat Farisaytan wəllen.»

¹³ Inn-asan Ʒaysa: «Annabat kul wa wər inbel Abba-nin ihân ijənnawan, wədi a d-itəwəlbəy.

¹⁴ Ayyat-tan χas! Awen iməddərxəl əlwaynen wiyyad. Əməddərxəl ilwâyan iyyan amaran, agadal a taggin ketnasan dəχ anu.»

¹⁵ Işşewal Butros inn-as: «Sassagr-anəχ əlmital wədi.»

¹⁶ Inna Ʒaysa: «Awak kawanay da harwa da wər təlem əgərri?

¹⁷ Awak wər təgrem as arat kul wa iggazan s əmi n aggadəm, akkay a z'agu əs tədüst, dəffər adi inχəl-in dəχ əsuf?

¹⁸ Mişan wa d-igammadan imi, wədi əwəl a d-ifal, amaran ənta a isamadasan aggadəm.

¹⁹ Əssənət as əwəl ənta a du-gammadnat arak ənnəyaten, d igi ən man, d igi n əzzəna, d igi ən tədoden madəχ igi ən meddan, əd şikra, əd təgəyya ən bahu, əd şizmit.

²⁰ Aratan win di əntanay a samadasnen aggadəm. Mişan tettay əs fassan wər nərrud, wər təsammas aggadəm.»

Ʒzəgzan ən təntut ta n wələt Kanan

²¹ As ifal Ʒaysa edag wen, ikka amađal ən Tir əd Sidon.

²² Təhin-in təntut n iyyat dəχ Kananitatan təzdəχat akal en da, təkkâ-du Ʒaysa təsikaray təgann-as: «Ya Əməli, Ag əmənokəl Dawəd, hənəttət-i! Təbarart-in a izdəχ aggəsuf a tat-izəχazzaban wəllen.»

²³ Mišan wər inna Ƴaysa i tēntut en wala. Idgaz awen inēttulab əhozan-t-in onsayan-tu ənnan-as: «Suxəl tantut ta dana-təlkamat da təsikaray.»

²⁴ Inna Ƴaysa: «Nak wər du-tawazammazalay ar əs Kəl-Israyil, əmosnen zun ayfəd əssiggalnen.»

²⁵ Dər iga awen da ya tək-k-ay-du tēntut en, təssəjad-as tēnn-as: «Əməli, əssən day-i!»

²⁶ Inna Ƴaysa: «Wər oley i idkalan amensay ən bararan, igər-t-in i dan!»

²⁷ Tēnn-as tēntut en: «Tidət-nak Əməli, dər iga awen da ya idan əkəmmi a taggin awa d-irattakan day adag wa day tattin məssawsan, tattin-tu.»

²⁸ Inn-as Ƴaysa: «Ya tantut! Əzəgzan-nam i zəwwəran! Itəwəgget-am awa tarex!» Amazay en da a day təzzay elles ən tēntut en.

Əzuzəy ən Ƴaysa aytedan day təwərnawen aggotnen

²⁹ Dəffər awen igmad Ƴaysa edag wen, ikka təgadamayt n agaraw wa n Galilaya, təzzar iwar adxax, iqqim.

³⁰ Tək-k-ay-du tamattay tagget, a sər-əs du-tewayat iməggudal, əd məddəryal, əd nəbdan, d aytedan as əmmidadan mawan-nasan, əd miranan wiyyad aggotnen. Aytedan win, tawasansin dat Ƴaysa, izuzəy-tan.

³¹ Isammaklal əs tamattay anay wa təga aytedan as əmmidadan mawan-nasan əşşewalan, tənay inəbdan əgrâwan şixurad-nasan, tənay iməggudal jiwanken s əllux,

tənay iməddərxal hannayan. Ad taggin aytedan təmmalən y Əməli n Israyil.

Əsətsi ən Ƴaysa əkkoz gim n aləs

³² Ixra-du Ƴaysa inəttulab-net inn-asan: «Təh-i təhanint ən tamattay a. Karad adan a xur-i əgan, amaran ab'as t-illa a ətšan. Wər arex a tan-ayya aglin wər əreman arət, fəlas əddi mijas a tan-aggadlu gələk dəx tarrayt.»

³³ Ənnan-as nəttulab-net: «Məni du-za-nəgrəw za dəx əsuf a şigəlwen siyyawannen tamattay togdāt d awa?»

³⁴ Inn-asan Ƴaysa: «Mənəket təgəlwen təlam?» Ənnan-as: «Əssayat təgəlwen a nəla d arət ən kifitan win madrornen.»

³⁵ Omar tamattay s ad təxrəd təximit.

³⁶ Idkal-du əssayat təgəlwen en əd kifitan win den, iga igodan i Məşşina, amaran ikaramkaram-tan ikf-en i nəttulab, əzunan-tan i tamattay.

³⁷ Aytedan en ketnasan əyyəwanan əglazandu, har as əssa əzmaman win zawwarnen a dutawatkarnen dəx karammutan win d-əglazan.

³⁸ Aytedan win ətšanen den, əmosan əkkoz gim n aləs as wər əhenat tədoden əd bararan.

³⁹ Dəffər awen issəllam Ƴaysa tamattay, iggaz aylal n aman, ikka akal ən Magadan.

16

Agamay ən Farisaytan əd Sadusaytan dəx Ƴaysa a dasan-agu təlməxjujat

¹ Ækkan-du Farisaytan, æd Sadusaytan Ýaysa ærân ad t-ajjarraban, gammayan daḡ-as a dasan-
agu tælmæxjujat tæmosat alɣalamat a du-tæfâlat
Mæššina.

² Inn-asan: «As iga ælmæz, tənayam ijənnawan
zaggayan ad tannim: "Tufat za ad agu æzæl
ihossayan."

³ As affaw amaran, tənayam ijənnawan
zaggayan æhânat-tan šiyyay ad tannim: "Aza-
lada ad agu æzæl ibrâran." As tæswadam daḡ
jənnawan, ad tæssənam awa dær z'alu alhawa
dæffær awen, mišan awa itaggin daḡ azzaman
win wær tæssenam almaɣna-net!

⁴ Aytedan n azzaman win, inəllubas,
wær næksud Mæššina, amaran gammayan
tælmæxjujat! Kala! Tælmæxjujat ta dasan-
tətawaggat iyyadda ɣas, a tat-imosan ta n
ənnəbi Yunəs.» Den da a tan-ifal Ýaysa, igla.

Æsəmmutəg ən Ýaysa inalkiman-net

*Emel ən Ýaysa i nalkiman-net əddəlil n assa-
net əddənet*

Xamira wa n Farisaytan æd Sadusaytan

⁵ Ækkan nəttulab tagadamayt ta hadat n
agaraw. As ewadan, ægran-in âs əttəwan-in igi
n allaw ən tægəlla.

⁶ Inn-asan Ýaysa: «Ænkədat wəllen i xamira
ən Farisaytan, æd wa n Sadusaytan.»

⁷ Təzzar ad gannin nəttulab gar-essan: «Awa
wær t-inna ar fəlas wær neway tagəlla.»

⁸ Issan Ƴaysa daɣ awen inn-asan: «Mafəl təššewalam gar-ewwan fəlas wər təlem tagəlla, kəl əzəgzan əndarran?»

⁹ Awak əgərri a wər təgem harwa da? Wər təkəttəwam səmmosat təgəlwen šin ətšan səmmos gim n aləs, d əket n əzmaman win du-tədnayam daɣ gəlzan-nasan?»

¹⁰ Məx ak tətəwam-in əssayat təgəlwen šin əššətšanen əkkoz gim n aləs! Mənəket əzmaman win zawwarnen a du-tədnayam əzəl wen?»

¹¹ Nak a dawan-ənnəy: "Ənkədat i xamira ən Farisaytan, əd wa n Sadusaytan". Manəmmək as wər təgrem as wərgəx tagəlla as dawan-əhəx batu-net?»

¹² Den daɣ ad əgran as wərgəx xamira ən Farisaytan, əd wa n Sadusaytan a fəl dasan-imməgrad den, kalar əsəssəxri-nasan as dasan-inna a das-ənkədan.

Emel ən Butros awa imos Ƴaysa

¹³ Ikkâ Ƴaysa amaɗal ən Qaysarəya wa n əmuzar Filibus as issəstan Ƴaysa i nəttulab-net, inn-asan: «Ak daɣ iduf n aytedan, ma əmosa nak Ag Aggadəm?»

¹⁴ Ənnan-as: «Wiyyad za gannin kay Yaxya wa isalmaɣan aytedan daɣ aman. Wiyyad gannin kay ənnəbi Ilyas. Wiyyad amaran a gannin kay ənnəbi Irməya a təmosa, madəx iyyan daɣ ənnəbitan win hadatnen.»

¹⁵ Inn-asan Ƴaysa: «Kawanay za, ma tənnam ma mosə?»

¹⁶ Inn-as Simxon Butros: «Əlməsix a təmosa, barar ən Məššina di n Amaɣlol.»

¹⁷ Inna Ƴaysa i SimƳon Butros: «Təbbilala ya SimƳon, ag Yunəs, fəlas arat wədi wərgex kay a daƳ-as issosanan iman-nak, kalar Abba-nin di ihan ijənnawan a dak-isannafalalan.

¹⁸ Nak amaran ənneƳ-ak: Kay Butros təhunt a təmosa, amaran təhunt ta, ənta a fəl z'əkrəsax Əlkənisat-in. Əlkənisat ta, tarna ən təmattant da wər təfreg a das-təƳşəd wala.

¹⁹ A kay-akfa təsassarut ən TaƳmar ta n jənnawan. Arat kul wa təssəxrama daƳ əddənet dada, ijənnawan da a daƳ-san ixram, arat deƳ wa təssəxlala daƳ əddənet dada, ijənnawan da a daƳ-san ixlal.»

²⁰ Təzzar iga i nəttulab-net ammar a daƳ idgâz, s ad wər əmelan y awedan waliyyan as ənta a imosan Əlməsix.

Emel wa azzaran iga Ƴaysa y alƳazab-net əd təmattant-net

²¹ A obazan Ƴur əzəl wen, ənta ad iggaz Ƴaysa šin əsəssəgri ən nəttulab-net as iwâr-tu iki ən Yerusalām, y ad agu alƳazab aggen, a das-z-agin muzaran ən Kəl-Əlyəhud, əd muzaran ən limaman, əd musanan n Əttawret, təwəggin man-net, inkər-du deƳ daƳ təmattant əzəl wa n karad.

²² Təzzar iwat-tu Butros s ahal, išşewal fall-as, inn-as: «Əməli, ihənəttətət-ak Məşşina daƳ arat wa təmalax əddi! Kala wər kay-z-igrəw adi!»

²³ Mišan imalallay-in Ƴaysa Butros, inn-as: «Əfəl dəffər-i Aşşaytan! Təqqalax-i təsənkəft daƳ əşşəxəl wa di-d-ewayan s əddənet, fəlas imedranan-nak, wərgex Məşşina a d-əfalan, kalar imedranan n aggadəm Ƴas a əmosan.»

Tarrayt ən wa ilkaman i Ƴaysa

²⁴ Dæffər awen inna Ƴaysa i nættulab-net: «Wa iran a di-ilkəm, wædi igmædet tara ən man-net, agu imateran-net, idkəl tægəttawt-net, ilkəm-i.

²⁵ Ǝssənət as awedan wa wər nægəmməy ar aggaz ən man-net, wædi ad t-əgmædan, mišan wa iqbalan ad t-əgmædan fəl əddəlil-in, wædi a tan-igrəw.

²⁶ Ma z'aknu y awedan ad igrəw əddənet ketnet, ənta amaran temsay a ikka? Awak mas ifrag awedan tehakkay-net y a sər-əs agəz iman-net day təmsay?

²⁷ Ǝssənət as nak Ag Aggadəm a d-asa ələx tanaya n Abba-nin, əddewa d angalosan-net, əddi amaran, awedan kul ad t-akfu maruzat n awa ewadan mazalan-net.

²⁸ Ǝggəyyey əsilakanax-awan as wiyyad day aytedan win əbdadnen da wər tan-z-iba iket wər ənayan assa-nin nak Ag Aggadəm əmosax əmənokal.»

17

Ǝtəwənay ən tanaya ən Ƴaysa

¹ As əgan sədis adan dæffər awen, iddew Ƴaysa əd Butros, əd Ƴaqub, əd Ƴaxya imosan amadray ən Ƴaqub en da, ikka dər-san adxax zagren xas-nasan.

² Den da ad imməttay azzahir-net dat-san, imalawlaw udəm-net s ənnur olan əd wa n təfuk, əgan səlsa-net təməllay təsiraqçet wəllen, təkna əsəməxməx.

³ Ǝhinan-in oggân ənnəbi Musa, d ənnəbi Ilyas as du-nafalalan, mişawalan əd Ƴaysa.

⁴ Iggad-du Butros inna i Ƴaysa: «Ɛməli, olaɣ as nəlla da! Kud tareɣ adi, ad əkrəsa karad həktan daɣ adag wa. Iyyan i-nak, iyyan in Musa, iyyan in Ilyas.»

⁵ Harwada išşewal Butros as tan-təlsa təgarak təmilawlawat, təqqal-asan zun telay. Igmad əməsli tagarak ten, inna: «Awa Barar-in wa əkney tara; ənta a d-issəndan agna-nin. Səsəmat-as!»

⁶ As əslan nəttulab i batu ten, ərməyan wəllen, fataqqen əssəjadan.

⁷ Ihoz-tan-in Ƴaysa, idas-tan, inn-asan: «Ənkərat, təgmədet-kawan tasa!»

⁸ Ədkalan-du nəttulab isawadan-nasan wər hənnəyan ar Ƴaysa.

⁹ Tazabben-du adɣaɣ en da, as tan-omar Ƴaysa, inn-asan: «Ad wər təməlam y awedan waliyyan awa tənayam da, iket wər d-ənkera nak Ag Aggadəm daɣ təmattant.»

¹⁰ Əssəstanan nəttulab Ƴaysa, ənnan-as: «Mafel za gannin musanan n Əttawret: "Kundaba osa-du Ilyas təzzar as du-z-asu Əlməsix?"»

¹¹ Ijjəwwab-asan Ƴaysa inn-asan: «Awalla za ar a d-asu Ilyas, annazzam aratan kul.

¹² Amaran əssosanaq-qawan as Ilyas, osâ-du, mişan wər t-əqbelan aytedan, kalar əgan-as awas əran. Əmmək en daɣ as illikan as a di-zəɣxəzzəban nak Ag Aggadəm.»

¹³ Əgran nəttulab as Yaxya wa isalməyan aytedan daɣ aman, as iha Ƴaysa batu-net den.

Barar wa təgraw tazakarkarat əd tarnə ta ila əzəgzan

14 As d-izzabbat Ƴaysa əd nəttulab-net win karad en adɣaɣ, əhozan-du tamattay, ikk-ay-du aləs iyyan igaraffat dat-əs,

15 inn-as: «Əməli, hənəttət i barar-in, taza-karkarat a tu-təgrawat, amaran iyyizzab wəllen fəlas faw da itudu daɣ təmsay, madəɣ aman.

16 Ewayaq-qu əs nəttulab-nak y ad t-əzzuzəyan, mišan indar-asan.»

17 Inna Ƴaysa: «Xa! Iket iba n əzəgzan, iket əşşur daɣ aytedan n azzaman a! Awak har əmmay əddewa dər-wan, əzizaydara dər-wan? Awəyat-i-du barar sa da!»

18 Iharaşşat Ƴaysa aggəsuf wa ihan barar en, təzzar igmad-tu. Izzay barar daɣ amazay wen da.

19 Əhozan-in nəttulab Ƴaysa ənnan-as: «Mafel nakkanay indâr-anax ikus n aggəsuf wen?»

20 Inn-asan: «Adi za aşşaddat ən rəkkəm n əzəgzan-nawan! Əggəyyey əsilakanax-awan as ənnar təlâm daɣ əzəgzan a oğdân əd wala imi ən təzuyay n əşənnan, har tənnam y ədɣaɣ en: "Əgməd edag di takka wen", ad ammazal s adi. Əddi wər t-illa arat as dawan-z-indər igi-net.

21 [Amaran əzzənəf n aggəsuf wen, wər igəmməd awedan ar əs təwatriwen, d əzum.»]

Emel wa n əşşin iga Ƴaysa y alyazab-net əd tamattant-net

22 Əzəl iyyan əddewan nəttulab ən Ƴaysa daɣ akal ən Galilaya as dasan-inna: «Nak Ag Aggadəm əjwâra ad əggâzaɣ ifassan n aytedan,

²³ agin iman-nin, təzzar ənkəra-du daɣ təmattant əzəl wa n karad.» Təɣşad batu ten iman-nasan wəllen.

Amana wa itawarzaman y Ahan wa Zəwwəran n Əlyibada

²⁴ Iгла Ҷайса əd nəttulab-net har ewadan Kafarnahum. Ənkaran aytedan win zarzamnen amana y Ahan wa Zəwwəran n Əlyibada, əhozan-in Butros, əssəstanan-tu ənnan-as: «Awak əşşex-nawan arazam a wər itəggu amana y Ahan wa Zəwwəran n Əlyibada?»

²⁵ Inn-asan Butros: «Awalla za ar irazzam-tu». Iggaz Butros ehan, azzar-as Ҷайса awal issəstan-tu inn-as: «Ma tənne kay Simyon, ma irazzaman takəsen d amana i mənokalan n əddənet? Awak maddanəsan a dasan-tan-razzamnen, meɣ aytedan sa hadan?»

²⁶ Inn-as Simyon: «Aytedan sa hadan a dasan-tan-razzamnen.» Inn-as Ҷайса amaran: «Daɣ adi maddanəs ən mənokalan wər tan-iwer arazam ən wala.

²⁷ Mişan ya fəl ad wər nəqqəl təsənkəft y əzəgzan n aytedan win zarzamnen, aglu akku agaraw, təgəra daɣ-as azabzab wa n abbaz ən kifitan. Kifi wa tobazaɣ əstizarat, aru imi-net, a daɣ-as in-tagəza tefelt n əzrəf wa mallan. Tefelt ten əkkəs-tat-du, tagla takfaɣ-asan-tat, ad təqqal ərruzmatan n amana wa-nin, əd wa-nak.»

18

Əsəssəɣri wa n əkkoz: Təməddurt ta tənəmannakat əd Taymar ta n Məşşina

Eres d ædkul

¹ Amazay wen day a day din-əhozan nəttulab
 Ƴaysa, ənnan-as: «Ma imos za wa ogaran day
 Taɣmar ta n jənnawan?»

² Təzzar iɣra-du Ƴaysa arat ən barar, issəbdad-
 tu gar-essan,

³ inna: «Əggəyyeɣ əsilakanax-awan əs as wər
 təsammattayam alxal, təqqələm zun bararan,
 wədi wər ilkem a təggâzam Taɣmar ta n
 jənnawan.

⁴ Awen day a fəlas awedan kul wa issərasan
 iman-net, zun arat ən barar wa, wədi illikan as
 ənta ogaran day Taɣmar ta n jənnawan.»

Əsənkəd y igi ən bakkadan

⁵ «Amaran i iqbala barar şilan wa fəl əddəlil-
 in, wədi nak iman-nin as di-iqbal.

⁶ Mişan i iqqalan əssəbab n abakkad y
 iyyan day aytedan win sər-i əzzəgzannen,
 əmosnen zun bararan madrornen, wədi of-as ad
 itəwəqqən əzəzəd zəwwəran ən təhunt day iri-
 net, itəwəgər day ammas n agaraw əmazal wa
 iga əddi.

⁷ Iket alɣazab ill-ay y aytedan n əddənet!
 Əddəlilan aggotnen a t-əllanen tan-sisuginen
 ibakkadan! Illikan as ad t-əməlan əddəlilan win
 den har faw, mişan iket alɣazab ill-ay y awedan
 wa dasan-d-iqqalan əssəbab!

⁸ Kud əfus-nak madəɣ adar-nak a kay-
 sisuginen ibakkadan, wədi əfrəs-tan-in, təgəraq-
 qan-in sədi. Id of-ak təggaza aljannat təgeɣ
 əfus, madəɣ təgeɣ adar y ad tələɣ əşşin fassan,
 d əşşin daran, tətəwəgəra dər-san day Jahan-
 nama.

⁹ Amaran kud šat-nak a tɔbukat a dak-tɔqqɔl ɔssɔbab n igi n abakkad, wɔdi kɔkkɔrɔt-tat-du, tɔgɔraq-qat-in sɔdi, id of-ak ad tɔgɔɣ šat daɣ aljannat, y ad tɔlɔɣ sanatat šittawen tɔtɔwɔgɔra dɔr-ɔsnat daɣ tɔmsay an Jahannama.»

Elmital wa n tilay ta tɔssaggalat

¹⁰ «Ǝnkɔdat! Ad wɔr talkim iyyan daɣ aytedan win madrornen di, fɔlas silakanay-awan as angalosan-nasan ɔhɔn ijɔnnawan, faw ɔllan ɣur Abba-nin.

¹¹ [Nak Ag Aggadɔm ɔsɔɣ-du gammayay aytedan win ɔxraknen y a tan-ɔɣlɔsa.»]

¹² «Ma tɔnnam kawanay y awen? Awak amadan ilɔn temeday ɔn tilay, har daɣ-asnat tɔssaggal iyyadda, wɔrgɔɣ ad ayyu tazayat tɔmɔrwen ɔd tazayat šin hadatnen ɔdɔnnat, tɔzzar azɔl iswɔd i ta tɔssaggalat?

¹³ Ǝggɔyyɔɣ ɔsilakanay-awan ɔs as d-igraw tilay ta n iyyadda en, ɔgar tɔdɔwit ta z'agu fɔl ɔddɔlil-net, i ta z'agu fɔl ɔddɔlil ɔn tazayat tɔmɔrwen ɔd tazayat šin wɔr nɔssɔgɔl.

¹⁴ Ǝmmɔk en daɣ as abba-nawan ihɔn ijɔnnawan, wɔr ira ad ihlɔk waliyyan daɣ aytedan win madrornen di.»

Awaz danay-iwar igi-net y amadray-nanay igɔn abakkad

¹⁵ Iglɔ Ƴaysa iššewal inna: «As kay-idlam amadray-nak, takkaq-qu daɣ adag a daɣ tɔmosam ɣas-nawan, tɔsassagraq-qin lahan-net. Kud za issɔsam-ak itub, wɔdi zun as amadray-nak a du-tɔgrawaɣ a kay-igmɔdan.

16 Mišan as ugay s a dak-issəsam, tiddawa d awedan iyyanda, madey əşšin, təqqəlaq-qu. Emmək en day as "batu kul ad taknu əqqimnat-as sanatat təgəyyawen madey karadat."

17 Amaran as ugay s ad ilkəm y awal wa dasəgan aytedan win di, təmələy almasalat tədi y Əlkənisat. As ugay s ad ilkəm y awa das-təna Əlkənisat, wədi ag-as iduf wa təgəy y aytedan win wər nəssen Məşşina, madey tagay-as iduf wa təgəy y aytedan win zarzammen takəsen.

18 Əggəyyey əsilakanay-awan as arat kul wa təssəxramam day əddənət ta, wədi ijənnawan da a day-san ixram. Amaran wa təssəxlalam day əddənət ta, wədi ijənnawan da a day-san ixlal.

19 Əsilakanay-awan dey əs as namardan əşšin day-wan day əddənət da da əttaran s esəm n Abba-nin ihân ijənnawan, wədi arat kul wa day-as əgmayan, a dasan-t-akfu.

20 Fəlas edag wa day əmmənyayan əşšin, madey karad day-wan s esəm-in, wədi əssənət as əlle gar-essan əddi da.»

Day batu ən təsureft: Əlmital wa n əkli wa wər təha təhanint

21 Təzzar ihoz-in Butros Yaysa issəstan-tu inn-as: «Əməli, har mənəkət təklaten as di-iwar ad əssurəfa y amadray-nin a di-idlaman? Awak har əssayat təklaten?»

22 Inn-as Yaysa: «Wər dak-ənnə har əssayat təklaten, kalar a dak-ənnə surəf-as əssayat təmərwen ən təklət har əssa.

23 Emmək en day as Taymar ta n jənnawan, təha əlmital n əmənokəl ad iyrân eklan-net, irâ ad issəxrəd ərrəzəxan-net.

²⁴ As issənta, itawaɣra-du iyyan daɣ eklan en, a ɣur ila igiman ən giman ən tafelt.

²⁵ Mišan akli wen wər ifreg ərruzmatan n əzrəf en. Awen daɣ a fəl omar məššis s a din-itəwəzənzū ənta əd taɣurəs əd maddanəs d awa ila kul, əqqəlan ərruzmatan n ərrəzəɣan win ɣur-əs ila.

²⁶ Təzzar ifataqqad əkli en issəjad dat məššis, inn-as: "Ag-i təzaydart, məšši, a dak-ərzəmaɣ awa ɣur-i tələɣ kul."

²⁷ Arat wen eway-du əs məššis as tu-təggaz təhanint-net. Təzzar issoraf-as awa ɣur-əs ila, oyy-ay.

²⁸ Azzama a din-igmâd əkli wen, ifâl-in məššis, immənay d iyyan daɣ midawan-net daɣ əššəɣəl wər irwes ar temeday ən tafelt n əzrəf. Təzzar obaz-as tarzam, inn-as: "Ərzəm-i azrəf wa daɣ-ak ələɣ!"

²⁹ Təzzar ifataqqad əmidi-net wen, onsay-tu inn-as: "Ag-i təzaydart, a dak-ərzəma."

³⁰ Mišan ugay əkli wen, isassaga fadda əmidi-net en daɣ kasaw y ad t-izzərzəm əmarwas wa t-iga.

³¹ As ənayan midawan-net daɣ əššəɣəl awa igan den, əɣšadan man-nasan wəllen, əglaŋ əgan isalan win kul i məššis.

³² Təzzar isassaɣr-ay-du məššis inn-as: "Illikan as kay amaksan! Nak əssorafax-ak awa ɣur-ək ələ kul fəlas di-tonsayaɣ awen.

³³ Kay da, iwâr-kay a kay-təggəz təhanint n əmidi-nak, tagaɣ-as əhənətta zun wa dak-əgeɣ nak."

³⁴ Təzzar iggaz alham məššis, isassaga akli en

daḡ kasaw. Itawattaf har iḡrad arazam n awa ḡur-əs ila ketnet.»

³⁵ Inn-asan Ḡaysa: «Ἐμμək en daḡ as Abbanin ihân ijənnawan wər dawan-z-issurəf as imos âs akkiyyan daḡ-wan wər isurif s əwəl iyyanda i mədrayan-net daḡ əzəgzan.»

Awa iga Ḡaysa daḡ Yahudəyya

19

Ḡaysa iha tarrayt ən Yerusalām

Ἐsənti

¹ Dəffər as iḡrād Ḡaysa alfaydaten šin, ifal akal ən Galilaya, ikka akal ən Yahudəyya ihân aganna wa hadan n agarew wa n Yordan.

² Ἐlkamnat-as tamattiwen aggotnen, a tanatizuzəy den da.

Azalaf d əməzzəy

³ Ἐhozan-t-in Farisaytan əgan-as əsəstan imosan tənagmayt, ənnan-as: «Awak xalal y aləs əzəməzzəy ən təntut-net fəl a iqqal əddəlil?»

⁴ Inn-asan Ḡaysa: «Wərgəḡ təḡrām as əstizarat as d-ixlak Ἐmaxlak əddənət, "ixlak-du aytedan, ixlak-kan-du əmosan yay əd təntay.»

⁵ «Inna: "Adi daḡ a fəl iffal aləs abba-net, d anna-net, irtəy əd təntut-net, əqqələn arat iyyanda.»

⁶ «Ἐμμək en daḡ as ad ib-as əmosan əššin, kalar ad əqqələn taḡəssa iyyadda. Daḡ adi,

awa issertay Məşşina a tu-wər-izəmməzzəy awedan.»

⁷ Ənnan-as: «Dağ adi, mafel as omar ənnəbi Musa ad tətəwəkfə şirawt n əməzzəy i təntut, tətəwəzəməzzəy?»

⁸ Inn-asan: «Aşşaddat ən təggərməmt a fəl kawan-ikfa Musa turagat n ad təzaməzzayam şidoden-nawan. Mişan arat wədi wərgəy ənta a igan əstizarat.

⁹ Amaran nak əsilakanax-awan as i izamməzza-yan tantut-net, a das-wər-nətəggə meddan, izlaf iyyat, wədi əzzəna a iga əddi.»

¹⁰ Ənnan-as nəttulab-net: «Adi za, kud awen dağ a illan gər aləs əd təntut, wədi ofa i wər nəzlef fadda.»

¹¹ Inn-asan: «Awal wa, wərgəy aytedan kul əqbəlan-tu, kalar wər t-iqbel ar win ikfa Məşşina fərregat n əlqəbulat-net.

¹² Fəlas əllan-tu əddəlilan gaddalnen azalaf əmosnen as: meddan wiyyad as d-əhəwan da wər əfregan azalaf, wiyyad dəffər a igan ad tawazaman, əllan-tu dəx win as iman-nasan as sannafranan iba n azalaf fəl ad wər əlen dağ əşşəxəl ar wa n Taḡmar ta n jənnawan. Wa ifragan əlqəbulat n adi, əqbəlet-tu.»

Igi ən Ƴaysa şiwatriwen i bararan

¹³ Təzzar a du-tawayan aytedan bararan, fəl a tan-issəwər Ƴaysa ifassan-net, ittər-asan. Əşşewalan nəttulab fəl aytedan win den.

¹⁴ Mişan inn-asan Ƴaysa: «Ayyiwat bararan a di-d-akkin, a tan-in-wər-təwəxam fall-i; fəlas Taḡmar ta n jənnawan şin aytedan win şilaten-nasan.»

15 Issəwar-tan ifassan-net, ittar-asan, dəffər awen obaz tarrayt-net, igla.

Əməşiwal ən Ƴaysa d aləs iyyan aynayan n əməgğergəs

16 Təzzar ihoz-in aləs iyyan aynayan Ƴaysa, inn-as: «Əşşex, ma imos arat olâxan was as t-əgeç ad əgrəwax təməddurt ta təxlalat?»

17 Inn-as Ƴaysa: «Mafel as di-təsastana daç batu n awa olaçan? Məşşina ças a olaçan. Amaran as tareç ad təgrəwa təməddurt ta təxlalat, təlkəma y alwajiban-net.»

18 Inn-as aləs wen: «Ma mosan za alwajiban win den?» Inn-as Ƴaysa: «Adi za, ad wər tagaç iman; ad wər tagaç əzzəna; ad wər takəra; ad wər taga təgəyya ən bahu fəl awedan waliyyan;

19 səxmər abba-nak d anna-nak; agu y əşəqqaç-nak tara ta təgeç i man-nak.»

20 Inn-as aləs wen: «Aratan win di kul əssibdadaq-qan. Ma di-in-iqqiman harwa?»

21 Inn-as Ƴaysa: «As tareç ad təqqələç awedan ikmâlan, tagla tazzanzaç-in təla-nak, takfaç inazzan-net i tələqqawen, əddi ad təgrəwax ərrəzəç a dak-z-ansin daç alaxirat. Dəffər adi amaran tagla-du təlkəmaç-i.»

22 As isla aləs wen i batu ten, inkar, igla əçşâdan man-net, fəlas ərrəzəç aggen a ila.

Efsan d arozan

23 Den daç ad inna Ƴaysa i nəttulab-net: «Əggəyyeç silakanaç-awan as izzəwat fəl əməgğergəs iguz ən Taçmar ta n jənnawan.

24 Awalla, silakanaç-awan as ogar tərçəsəy ta iga fəl aləm aradaç daç təbuday n ənazmay,

i ta iga fəl əməggərgəs iguz ən Taymar ta n Məššina.»

²⁵ As əslan nəttulab y awen, isammaklāl sər-san wəllen, ənnan: «Dağ adi, ma ifragan ad ixləs dağ təmsay?»

²⁶ Iswad dağ-san Ƴaysa, inn-asan: «Arat wədi muxal a imos ƣur aytedan, mišan ƣur Məššina arat kul ifrâg igi.»

²⁷ Den dağ ad iššewal Butros inna: «Nakkanay za? Awak wərgəƣ noyya arat kul, nəlkam-ak? Dağ adi ma dağ-na z'agin?»

²⁸ Inn-asan Ƴaysa: «Əggəyyeƣ əsilakanax-awan as: As tawašašanayan aratan kul, əqqima nak Ag Aggadəm dağ adag-in, a t-imosan təxawit ən taymar-in di təlāt tanaya, əddi kawanay a di-əlkannen ad taqqamim fəl marawat təxiwa ən taymar əd sanatāt, təšrəƣam i tawšetən ən Kəl-Israyil an marawat əd sanatāt.

²⁹ Awedan kul wa ifalan aƣaywan-nasan, əd mədrayan-net, əd təmədrayen-net, d abba-net, d anna-net əd bararan-net, madəƣ amaḍal-net fəl əddəlil-in, wədi ad igrəw temeday n ənətfus n aratan win den, igrəw dəƣ təməddurt ta təxlalat.

³⁰ A aggen dağ win əhanen eƣaf əmərədda, ilkâm ad əggəzan ələqqam; amaran a aggen dağ win əhanen ələqqam əmərədda, ilkâm ad əggəzan eƣaf.»

20

Elmital wa n maššaxalan win afarag n alxanab

¹ Iгла Ҷайса ишсeвал инна: «Энта да а ва дeр тола Тaғмар та н jәннawan: А d-inkәр awedan илән афарaг н алғанab әзәл иyyан ахъора, ира ad idкәл имаššaғalan y афарaг-net.

² Inamarda әd maššaғalan win аs, әзәл kul a tan-akfu tefelt н әзrәf, тәzzar issok-en афарaг.

³ As тәга әdәгәлшәt иlas-du ағamad, inay имаššaғalan wiyyad wәр нәgrәw әššәғәл harwa әqqiman дағ асамmanay н әғrәм.

⁴ Inn-asan: "Kawanay da аглиwat тәšғәlam дағ афарaг-in, a dawan-агағ әrruzmatan olâғnen."

⁵ Эғлан маššaғalan, әккан афарaг-net. Dәffәр awen иlas igmad-du ғur ammasnazal, igmad-du deғ әs tazzar. Amaran i d-igmad ad агу zun awen da.

⁶ As тәга takәst zagret иlas-du ағamad, inay имаššaғalan wiyyad әqqimnen, inn-asan: "Mafel тәklâm ad тәqqimam әddi, wәр tahem wala?"

⁷ Эннан-as: "Агарaw a wәр нәга i данағ-iššәšғalan." Inn-asan: "Аглиwat kawanay da тәšғәlam дағ афарaг-in н алғанab."»

⁸ «As tuda тәfuk, инна мәššis н афарaг wen y әmuzar ән маššaғalan-net: "Ағра-du имаššaғalan kul тәрzәma y акkiyyan алxaq-net. Izar әs win әdkala дағ тилkamat, тәссәlkәmaғ әs win әdkalaғ әstizarat."

⁹ Osan-du win әssәntanen әššәғәл takәst zagret, акkiyyan дағ-san игraw tefelt н әзrәf.

¹⁰ Dәffәр awen тәссәғlay-du әs win әšғalnen әstizarat, әғân iduf н as ad әgrәwan a огарan awa әgrәwan meddan win. Mišan әntanay da акkiyyan дағ-san игraw tefelt.

¹¹ As əgrawan ərruzmatan-nasan, əssoyalan təgna məşşis n afarag wen.

¹² Ənnan: "Aytedan win tətkaɫəx əs tilka-mat, alwaq iyyanda xas a əşxalan, amaran təšaşşagdaq-qan dər-na nakkanay a əklanen nəşxâl, təkaggay-ana təfuk."

¹³ Təzzar işşewal məşşis n afarag y iyyan da-x-san, inn-as: "Əmidi-nin, nak wər dak-əgex arat waliyyan wər noxəd. Wərge kay iman-nak a dər namarda fəl tafelt iyyadda n əzrəf da-x əzəl?"

¹⁴ Da-x adi abəz azrəf wa imosan alxaq-nak, tagla. Kud nak a iran ad şaşşagda-x alxaq-nak əd wa n meddan win ətkala-x da-x tilkamat, tədi nak a təqqal.

¹⁵ Awak nak wər z'agax awa arex s ərrəzəxan-in? Məx ak manjax a təge-x as əmosax aləs olaxan?"

¹⁶ Inna Xaysa: «Əmmək en da-x as win əhanen e-xaf əmə-rədda, ilkâm ad əggəzan ələqqam; amaran win əhanen ələqqam əmə-rədda, ilkâm ad əggəzan e-xaf.»

Emel wa n karad iga Xaysa y alyazab-net əd təməttant-net

¹⁷ Iggəzzay Xaysa, ikka Yerusalam ənta əd nəttulab win maraw d əşşin. Iwar dər-san tama, da jiwanken fəl tarrayt, inn-asan:

¹⁸ «Səsəmat: Nakkanay da əggəzzaynen əs Yerusalam da. Den da-x ad z'ətəwəgga nak Ag Aggadəm da-x fassan ən muzaran ən limaman, əd musanan n Əttawret. Aytedan win a di-əxkəman təməttant.

19 A di-agin daḡ fassan n aytedan wər nəmos Kəl-Əlyəhud, a daḡ-i tajaban, ayyawanani šiwwit. Dəffər awen attaytayan-i fəl təgəttawt, ib-i, ənkəra-du daḡ təmattant əzəl wa n karad.»

Alyazab d əššəḡəl

20 Təhoz-in taḡur Zabaday Ƴaysa, təddew əd maddanəs. Təgaraffat y a tu-tansəy.

21 Inn-as: «Arat iyyan a tareḡ?» Tənn-as: «Bararan-in a n əššin a as daḡ-ak are a di-tagəḡ arkawal n as ad əggəzan idaggan ətkâlnen: iyyan daḡ əḡil-nak, wa hadan daḡ zalgat-nak, daḡ Taḡmar-nak.»

22 Inna Ƴaysa: «Wər təssenam almaḡna n arat wa təḡmayam əddi. Awak təfrâḡam a dər-i tədrəwam alyazab wa z'aga daḡ alwaḡ wər nəggug?» Ənnan-as: «Awalla, nəfrâḡ a dər-ək tu-nədrəw.»

23 Inn-asan Ƴaysa: «Awalla, illikan as təfrâḡam a dər-i tədrəwam alyazab wa. Mišan daḡ batu ən wa z'aqqamin daḡ əḡil-in wala zalgat-in, wərgəḡ nak a t-ihakkin, kalar idaggan win di in win as tan-isammatag Abba-nin.»

24 Əslan maraw nəttulab win hadatnen y awen, əššakan əššin mədrayan win den.

25 Təzzar iḡr-en-du Ƴaysa, əhozan-t-in, inn-asan: «Təssânam as imuzaran ən təmattiwen saknin tarna y aytedan win as azzaran, amaran aytedan win daḡ-san attafnen əlxəkum saknin aytedan win as azzaran taḡmar.

26 Mišan kawanay ad wər tagim adi gar-ewwan. Kalar as ira iyyan daḡ-wan ad ilu almaḡam, iqqəlet zun amaššəḡal-nawan.

²⁷ Amaran wa daɣ-wan iran tizart, iqqølet akli-nawan.

²⁸ Emmæk en daɣ as nak Ag Aggadəm wər d-oseɣ əddənet y a di-əşxəlan aytedan. Kalar assa a d-əge y ad əşxəla y aytedan, akfa iman-nin fəl ad səddərfəx əs təmattant-in aytedan aggotnen daɣ bakkadan-nasan.»

Əzuzəy ən Ƴaysa əşšin məddərxal

²⁹ Igmad Ƴaysa əd nəttulab-net aɣrəm wa n Yerikaw, təlkâm-asan tamattay tagget.

³⁰ Əllân məddərxal den əşšin, əqqıman fəl afay ən tarrayt. Əslan âs Ƴaysa a itakayan den, ədkalan əməsli-nasan ad gannin: «Hənəttət-anax, Əməli, Ag ənnəbi Dawəd!»

³¹ Təsannarxaman-asan tamattay fəl ad afastin, mişan əşşotan adakal ən maslan-nasan gannin: «Hənəttət-anax, Əməli, Ag Dawəd!»

³² İzzəkkat Ƴaysa, iyr-en, inn-asan: «Mas taram a dawan-t-aga?»

³³ Ənnan-as: «Əməli, asawad-nanax as nara agaraw-net.»

³⁴ Təggaz təhanint-nasan Ƴaysa, idas şittawen-nasan. Amazay wen daɣ a tan-d-iqqal asawad-nasan, təzzar əlkaman-as.

21

Adan win əlkamnen ən Ƴaysa daɣ Yerusalam

Iguz ən Ƴaysa Yerusalam imos əmənokəl

¹ As din-ihoz Ƴaysa əd nəttulab-net Yerusalam, daɣ ənəmi haz ən taɣrəmt ta n Betfajay, dagma n ədɣax was itawannu wa

n "Eškan ən Zaytun", izammazal Ƴaysa əššin nəttulab,

² inn-asan: «Akkiwat taƣrəmt ten dat-wan den. Tosâm-tat-in ƣas, tənâyam tajat təqqanat təlât əhulel. Ariwat-tan-du təlwəyam-i-tan-du.

³ As dawan-inna awedan arat, tannim-as: "Əməli a sər-san iddəraran." Əddi a kawan-ayyu taglim dər-san amazay wen da.»

⁴ Arat wa iga fəl ad andu awal wa d-imal Məššina əs tarrayt n ənnəbi as inna:

⁵ *«Anniwat y əƣrəm wa n Səyon: Ənəy! Əmənokal-nak izây-kay-du. Ikna əsərəs ən man-net. Iwân tâjat, əhulel fadda, imosan ara n əmudar a fəl itamaway əzuk.»*

⁶ Əgla nəttulab əmmožalan awa as tan-omar Ƴaysa.

⁷ Əlwayan tajat d əhulel-net i Ƴaysa. Ədfaran fall-asan isəlsa-nasan, iwan Ƴaysa əhulel.

⁸ Təgla-du tamattay təgget wəllen ad tətissəw i Ƴaysa isəlsa-net fəl tarrayt, wiyyad farrasan-du ilədlad tissəwan-as-tan fəl tarrayt.

⁹ Tamattay ta təlkatat i Ƴaysa, əd ta das-tazzarat, tət-kâl əməsli-net təgannu:

«Ozana!

Təmmal y ahaya n əmənokal Dawəd!

Iga Məššina albaraka dəƣ

wa d-osan s esəm n Əməli!

Ozana! Təmmal i Məššina

dəƣ jənnawan win ədkalnen!»

¹⁰ As d-iggaz Ƴaysa Yerusalam, aytedan n əƣrəm ketnasan nijarwayan gannin: «Ma imos aləs en?»

11 Ad tögannu tamattay: «Adi za ənnəbi Ƴaysa imosan ag əxrəm ən Nazaret ta n akal ən Galilaya.»

Assa ən Ƴaysa Ehan wa Zəwwəran n Əlyibada

12 Iggaz Ƴaysa ayalla wa iɣlayan Ehan wa Zəwwəran n Əlyibada. Iɣrad daɣ-as asatay n aytedan kul win massatagan, harkid win mazanzan. Isabbanbay tebəren šin fəl sansin kəl sanji izərfan-nasan, isabbanbay deɣ šisəqqima ən massatagan ən tədəbren.

13 Təzzar inn-asan: «Iktâb as: "Ehan-in a das-itəwəggu esəm ehan n əlyibada." Kawanay amaran tagâm-tu "əsəlyəs ən baydagan".»

14 Əhozan-in məddəryal, əd məggudal Ƴaysa daɣ Ahan wa Zəwwəran n Əlyibada en da, izzozay-tan.

15 Mišan ənkarən mızaran ən limaman əd musanan n Əttawret əššakan wəllen aratan simak-lalnen win iga Ƴaysa den. Əššakan deɣ šiɣaraten šin taggin bararan daɣ Ehan wa Zəwwəran n Əlyibada gannin: «Ozana! Təmmal y ahaya n əmənokal Dawəd!»

16 Awen a fəl ənnan i Ƴaysa: «Təsâlla y awa gannin da?» Amaran inn-asan Ƴaysa: «Awalla. Awak teɣaray a wər təgem daɣ Əlkəttaban batu ta tənnat: "Kay a d-ewayan əs bararan, əd janyayan a dak-agin təmmalen!"»

17 Dəffər awen ifal-tan Ƴaysa, igmad Yerusalam, edwa taɣrəmt ta n Betanəy insa daɣ-as.

Alaxan ən Ƴaysa ašək wa n fig

18 As affaw iqqal-du Yerusalam harwa aḡôra, ifray i gələk daḡ tarrayt.

19 Inay ašək ən fig immar-t-in mišan wər daḡ-as in-ogez ar ifərkak ḡas. Təzzar inna y ašək wen: "Tammazzayət d igi n aratan har faw daḡ əddənət!" Amazay wen daḡ ad iqqur ašək en.

20 As ənayan nəttulab-net awen, isammaklal sər-san, ad gannin: «Manəmmək as iqqur ašək ən fig wen imi iyyanda?»

21 Inn-asan Ḡaysa: «Eggəyyeḡ əsilakanay-awan âs as təzzəgzanam, wər təgəm a imosan aššak, wərgəḡ awa əgeḡ y ašək a ḡas as za təfrəgam igi-net. Kalar ad təfrəgam ad tannim y adḡay wa: "Egməd adag di təfətəqqe daḡ agarew", agu deḡ awen da.

22 Arat kul wa tonsayam Məššina s əzəgzan, a tu-təgrəwam.»

Əsəstan igân daḡ batu ən tarnə ən Ḡaysa

23 Ikka Ḡaysa Ehan wa Zəwwəran n Əlyibada, a daḡ-as isasaḡru. Əhozan-t-in muzaran ən limaman, əd muzaran ən Kəl-Əlyəhud ənnan-as: «Awak ma təmos tarnə tas tətəggaḡ aratan win? Ma kay-ikfan tarnə ta?»

24 Inn-asan Ḡaysa: «Nak da a dawan-agay əsəstan iyyanda. As təjjəwwabam y əsəstan-in, a dawan-əməla da d-əgraway tarnə n igi n aratan win tagga da.

25 Ənta da əsəstan-in: "Awak əsəlməḡ wa iga Yaxya aytedan daḡ aman Məššina a ḡur d-ifal awen meḡ aggadəm?"» Təzzar ad tinəmənnin gar-essan: «As nənna: "Məššina a ḡur d-igraw

turagat n awen", a danax-annu: "Mafel za wər sər-əs təzzəgzanam?"

²⁶ As das-nənna amaran: "Aggadəm a xur d-igraw Yaxya tarna ten", wədi a dana-təššək tamattay, fəlas ketnet təkkâs aššak as Yaxya ənnəbi a imos.»

²⁷ Təzzar ənnan i Ƴaysa: «Wər nəssen.» Inn-asan Ƴaysa: «Nak da za wər dawan-z-əməla wa di-ikfan tarna n igi n aratan win.»

Elmital wa n bararan win əššin

²⁸ Iгла Ƴaysa iššewal inn-asan: «Ma tənnam s əlqissat ta? Aləs iyyan a ilan əššin bararan. Ihoz-in barar-net wa azzaran, inn-as: "Aglu barar-in təšxəla dəx afarag-nana wa n alxanab azala."»

²⁹ Inn-as barar-net wen: "Wər di-ihə adi." Mišan ya dəffər awen, imməgraz barar en tugəyt ta iga y abba-net, təzzar igla ikka afarag-nasan.

³⁰ Ihoz-in aləs wen barar-net wa n əššin igmay dəx-as arət wa igmay dəx wa azzaran. Ig-as barar-net wen aljawab igân əs saxmar, inn-as: "Awalla Abba-nin, ad akkax afarag-nana!" Mišan iqqim da wər t-ikka.

³¹ Awak ma imos dəx bararan en wa immozalan tara n abba-nasan?» Ənnan-as: «Adi za barar wa azzaran!» Əddi a dasan-inna Ƴaysa: «Əggəyyey əsilakanax-awan za as, inabazan ən takəsen əd təkarwaten, da a dawan-izaran ətəwəqbal dəx Taxmar ta n Məššina.

³² Ənney-awan adi fəlas Yaxya, os-iwan-du, issəkn-iwan awa kawan-iwaran əmərədda gar-ewwan əd Məššina, mišan wər sər-əs təzzəgzanam. Amaran inabazan ən takəsen, əd

təkarwaten, əzzîgzanan sər-əs. Kawanay iman-nawan tənâyam awen, mişan wər sər-wan d-eway təmagrist waliyyat n arak mazalan-nawan əngəm za təzzəgzənam sər-əs.»

Əlmital wa n magyakan n alxanab

³³ Səsəmat y əlqissat iyyat təmosat əlmital: «Məşşis n aɣaywan iyyan a inbalan alxanab daɣ amaɗal-net, issəɣlay-tu afarag, izzəɣaz daɣ-as tagdayt ta daɣ itawazmu alxanab. Issəkras ogga ihhoken as z'iggâr awedan wa ogazan afarag en. Təzzar issəɣfar afarag-net en i magyakan wiyyad, işşokal.

³⁴ As du-tahoz tamert ta n əmiləy n alxanab, izammazal eklan-net əs magyakan win əɣfarnen afarag-net, y a das-d-awəyan adagar-net daɣ alxanab.

³⁵ Mişan obazan magyakan win eklan win, əgan y iyyan daɣ-san šiwwit, əgan iman ən wa hadan, ad əggaran wa n karad əs təhun har t-aba.

³⁶ Ilas məşşis n afarag izammazal sər-san eklan wiyyad ogarnen win den igət, mişan əgan-asan meddan win əɣfarnen afarag en awa daɣ əgan i win din-izammazal dat awen.

³⁷ Təzərəst n awen, as sər-san izammazal barar-net, fəlas inna daɣ man-net: "Dad zamas barar-in awa immikkan as ad t-əssəɣməran!"

³⁸ Mişan as ənayan magyakan win barar-net namannan gar-essan: "Ənta əddi amakkasu n afarag. Əndawat a tu-nanɣu kərəz, ad nəkkusət afarag."

³⁹ Təzzar obazan-tu, əkkasan-tu dəy afarag, ənğan-tu kərəz.»

⁴⁰ Inn-asan Ƴaysa: «Awak as d-osa məşşis n afarag n alğanab wen, ma z'agu i magyakan n alğanab win den?»

⁴¹ Jajjajen aytedan ənnan-as: «As d-osa za, ad ixrəd tenaxay ən maksanan win di, issəxfar afarag-net i magyakan wiyyad a das-du-zatawaynen tənfa dəy tamert-net.»

⁴² Inn-asan Ƴaysa: «Awak teyaray a wər təgem dəy Əlkəttaban as: "*Təhunt ta din-əgaran makrasan, ənta a təqqalat təhunt ta təkbalat ehan, arat wen Əməli a d-ifal, amaran isimaklal sər-na*"?»

⁴³ «Awən dəy a fəlas əmâlağ-awan as Tağmar ta n Məşşina a dəy-wan tattarmas, tətəwəkfu i tamattay ta dəy-as du-za-tawəyat tənfa.

⁴⁴ Awedan wa udan fəl təhunt ten, ad addagdag, wa fəl tuda dəy a tu-təlkəş.»

⁴⁵ As əslan muzaran ən limaman əd Farisaytan y əlmitalan win iga Ƴaysa den, əgran as əntanay a fəl imməgrad.

⁴⁶ Ad gammayan əmmək was tu-za-səttərməsən, mişan əksudan tamattay, fəlas təga i Ƴaysa iduf n as ənnəbi a imos.

22

Əlmital wa n təkrəst

¹ İlas Ƴaysa ig-asan əlqissat iyyat təmosat əlmital, inn-asan:

² «Tağmar ta n jənnawan, təha əlmital n əmənokəl iyyan isassagan saksas dəy təkrəst ən barar-net.

³ Izammazal eklan-net y ad əməlan y aytedan win as ira a d-əggəzan saksas wen, mišan ugayan s a d-asin.

⁴ Ilas əzəmmizəl n eklan-net wiyyad y ad annin y aytedan win den: "Nak sammatagay iməgura-nin, əgzamağ izəgran-in, əd haran-in win əddəratnen, arat kul immotag əmərədda, agliwat-du amaran ad nassantu saksas."

⁵ Mišan əgmadan batu-net, wiyyad əkkan šiwəgas-nasan, wiyyad əkkan idaggan win dağ satagan,

⁶ təzzar obazan win hədətnen inammazalan win den, əgan-asan tarşəxşad, ənğan-tan kərəz.

⁷ Iggaz alham labasan əmənokəl, issəgla sojitan-net, əğradan tenağay ən maggan ən man win den, əğradan əsəqqəd n əğrəm-nasan ket-net.»

⁸ «Təzzar inna y eklan-net: "Imutag za win saksas əgân, mišan meddan win den, wər əhoran əd məgura win.

⁹ Dağ adi, agliwat takkim idaggan win dağ əmmənəynat tarrayen, təğrim-du aytedan kul win tənəyam, a d-akkin saksas."

¹⁰ Təzzar əgla eklan win den, əğran-du aytedan kul win ənəyan, gər za win oləğnen, wala win əmosnen imaksanan, har iğrad adag wa n saksas en adanay n aytedan.

¹¹ Iğla-du əmənokəl y ad inəy əljəməğat ta du-təddewat den i təkərest. Inay dağ meddan win əllanən den iyyan wər nəlsa tabdoq tas ihor a du-tətəwəqqən əs təkərest.

¹² Inn-as əmənokəl: "Obaz, kay ak mas du-təggazağ edag a wər təqqəna tabdoq tas ihor

a du-tətəwəqqən əs təkrəst?" Wər du-təgmed tefert waliyyat imi n aləs wen.

¹³ Den daɣ ad inna əmənokal i maşşaxalan-net: "Abəzat-tu, təxrədam kerrad ən daran-net əd fassan-net, təgəram-t-in sədi daɣ şıyyay, daɣ adag wa daɣ hallin aytedan, əddâdan idədwannasan fəl təmagraz."»

¹⁴ Inna Ƴaysa: «Aytedan aggotnen a du-tawaxranen, mişan wər daɣ-san əggətan win tawasanafrannen.»

Arazam n amana i Qaysara

¹⁵ Dəffər awen maşawwaran Farisaytan, ad gammayan əmmək as əgan i Ƴaysa taftaw, ərân a tu-səssugin batu a tu-za-tagit daɣ ɣunan.

¹⁶ Zammazalan-du arat daɣ nalkiman-nasan, d aytedan wiyyad əwarnen aganna n əmənokal Herod y ad annin i Ƴaysa: «Əşşex, nəssân as əməggi ən tidət a təmosa, amaran təsasaxra əs tidət awas dana-iwar igi-net daɣ tarrayt ta n Məşşina. Wər t-illa i təksuda daɣ awa təganna, fəlas wər təzləy daɣ almaqam n aytedan.

¹⁷ Daɣ adi, nəra daɣ-ak a dana-təməla: Awak xalal arazam n amana y əmənokal wa zəwwəran Qaysara, me wər xalal?»

¹⁸ Mişân igra Ƴaysa əşşur-nasan, inn-asan: «Mafel tətajjarrabam-i, əlmunafiqan win?

¹⁹ Sakniwat-i tefelt n əzrəf tas itawarzam amana.» Təzzar təmməway-as-du tafelt.

²⁰ Inn-asan Ƴaysa: «Ma ilan eɣaf d esəm win əwarnen tefelt ta?»

²¹ Ennan-as: «In Qaysara.» Təzzar inn-asan Ƴaysa: «Ənəyat za, agiwat i Qaysara awa kawan-issəwar, tagim i Məşşina awa kawan-issəwar.»

22 Isammaklal sər-san aljawab wen, oyyan Үaysa əgлан.

Үəsətan daɣ batu n azalaf daɣ alaxirat

23 Үəzəl wen daɣ a d-osan Sadusaytan, əmosnen aytedan əganen iduf n as wər tu-təlla tanakra dəffər təmattant. Үhəzan-in Үaysa, əssəstanan-tu,

24 ənnan-as: «Үəššex, ənnəbi Musa inna: "As aba awedan wər igrew barar, wədi amadrəy-net a iwar ad izləf tantut ta d-oyya den, fəl ad agu əzzurrəyya y əmidi-net wa aba den."»

25 «Үnta nakkanay, əhân-anəɣ əssa mədrəyan. Izlaf wa dasan-waššaran ketnasan, aba-tu da wər ila barar, oyya-du tantut-net y amadrəy-net.

26 Iga awen da fəl amadrəy-net wen, igraw wa n karad, xasil a tat-zallafan itiba-tan da wər dər-əs əlen bararan, har əɣradan fəl əssa-essan.

27 Dəffər as tan-aba ketnasan, aba tantut ten.

28 Daɣ adi əzəl wa n tabadday, ma imos daɣ əssa mədrəyan win den was za təqqəl təntut ten tayurəs, dad zamas ketnasan əzlâfan-tat.»

29 Inn-asan Үaysa: «Iket n alxata tətâtəfam-tu, fəlas wərmad təssanam awa ənnan Үlkəttaban, wala deɣ təssanam awa dər togda tarna ən Məššina.

30 Үəssənat âs əzəl wa n tabadday, wər t-illa azalaf i meddan wala šidoden. Kalar təməddurt a z'əgin šilat ən ta əgan angalosan daɣ jənnawan.

31 Daɣ batu amaran ta təqqalat tanakra ən nəmməttan, awak edes a kawan-wər-iga

as təxrâm awa a dawan-inna Məşşina dağ
 Əlkəttaban? Wərgex a inna:

³² *"Nak a imosan Əməli n İbrahim, Əməli n
 İsəhaq, Əməli ən Yaqub?"* Məşşina wər imos
 Əməli ən təməxxa, kalar Əməli ən win əddarnen
 a imos.»

³³ Tamattay ta təslat y aljawaban win den,
 isimaklal sər-əs wəllen əsəssəxri wa iga Ƴaysa
 den.

Alwajiban win ogarnen

³⁴ As əslan Farisaytan as Ƴaysa iga aljawab
 isifastan Sadusaytan, əmmənəyan.

³⁵ Inkar iyyan dağ-san imosan əmusan n
 əşşərixa, ira ad agu tənəgməyt i Ƴaysa. Issəstan
 Ƴaysa inn-as:

³⁶ «Əşşex, ma imos alwajib wa ogaran dağ
 Əttawret?»

³⁷ Inn-as Ƴaysa: «Ənta da alwajib wa ogaran:
*"Iru Əməli-nak Məşşina s əwəl iyyanda, əd man
 ərdânen, tireq-qu deɣ əs tayttay-nak kul."*

³⁸ Ənta da da alwajib wa ogaran alwajiban kul,
 imos deɣ wa azzaran.

³⁹ Amaran alwajib da wa ilkaman i wen, a dər-
 əs olân: *"Agu y əşəqqaq-nak tara ta təgeɣ i man-
 nak."*

⁴⁰ Alwajiban win əşşin a, əntanay a dağ iqqan
 arat kul wa ihan Əlkəttaban.»

Əlməsix əd Dawəd

⁴¹ Əqlan Farisaytan win den əllân den da,
 əmminəyan. Issəstan-tan Ƴaysa amaran,

⁴² inn-asan: «Ma imos iduf-nawan dağ
 Əlməsix? Ma tənnam ma imos abba-net?»
 Ənnan-as: «Adi za Ag əmənokəl ənnəbi Dawəd!»

⁴³ Inn-asan Ƴaysa: «Daɣ adi, manəmmək as t-ixra ənnəbi Dawəd əs tilalt n Infas wa n Məššina s esəm wa n: "Əməli"? Fəlas a inna:

⁴⁴ "Inna Əməli y Əməli-nin: 'iyyaw qamu daɣ əxil-in, har əxrədəɣ əsərəs ən zənga-nak, agaq-qan daw daran-nak.'"

⁴⁵ Dad zamas iɣr-ay Dawəd s esəm wa n Əməli, daɣ adi manəmmək as z'iqqəl barar-net?»

⁴⁶ Wər t-illa awedan waliyyan ilfâdan i Ƴaysa wala təfert iyyadda n aljawab y əsəstan wa iga den. Amaran a obazan ɣur əzəl wen, ab'as t-illa awedan ihalan a das-agu əsəstan waliyyan.

23

Ƴaysa iggâz šin məssəsəɣra n Əttawret əd Farisaytan

¹ Den daɣ ad išşewal Ƴaysa i tamattay, əd nəttulab-net, inn-asan:

² «Imusanan n Əttawret, əd Farisaytan, əntanay a sasaxrinen aytedan əšşəriɣa wa d-oyya ənnəbi Musa.

³ Daɣ adi mazalat aratan kul win kawan-sasaxrin, tabbardagam y awa dawan-gannin. Mišan ad wər tətəggim imazalan win taggin, fəlas awa gannin, wər idrew arat d awa tamazalan.

⁴ Əzuk zəwwəran as izzəwat aggay-net a sawaran aytedan, əntanay amaran wər tu-z-ədəsan əs wala idədwən-nasan.

⁵ Imazalan-nasan kul wər əmosan ar soknit. Awen daɣ a fəlas šira šin təkannaren-nasan, əgan-tanat ši zawwarnen wəllen, əzzəzwaran deɣ šin taqqanan daɣ təgəltam-nasan, fəl ad

ilenat anay wëllen. Šibənak ən təkadkaden-nasan deḡ əbâlan-asnat bašakšakan zagrotnen, əlānen anay wëllen.

⁶ Ērân təḡimit deḡ daggan n aytedan win tawasaymarnen deḡ əməgura əd daggan win əlanen almaqam deḡ nan n əlḡibada ən Kəl-Ēlyəhud.

⁷ Ērân a dasan-taggin aytedan assalam ən saymar deḡ sammanayan, ərân deḡ a tan-ḡarrin aytedan s esəm wa n "Ēššex-in".»

⁸ «Mišân kawanay, ad wər tagim i man-nawan esəm wa n Ēššex, fəlas kawanay Ēššex iyyanda a təlam, amaran ketnawan imədrayan a təmosam.

⁹ Ad wər təḡarrim deḡ iyyan deḡ-wan s esəm wa n abba deḡ əddənet, fəlas Abba iyyanda a təlam, a t-imosan: Abba wa ihan ijənnawan.

¹⁰ Ad wər təraddim deḡ itawann-awan "Ēššex", fəlas Ēššex iyyanda a təlam, a t-imosan Ēlməsix.

¹¹ Wa deḡ-wan imosan əmuzar, wədi ad iqqəl zun amaššəḡal-nawan.

¹² I idkalan iman-net, ad t-issərəs Məššina, i əssərəsan iman-net deḡ ad t-idkəl Məššina.»

¹³ «İket aḡazab iqqâl-awan, ya imusanan n Ēttawret, əd Farisaytan win əlmunafıqan! Kawanay a əmosnen y aytedan zun təsəhərt təḡfâlat gar-essan əd Taḡmar ta n jənnawan. Fəlas kawanay iman-nawan da wər təggezam Taḡmar ta n jənnawan, təgdalam deḡ iguz-net i win t-əranen.»

¹⁴ [«İket aḡazab iqqâl-awan, ya imusanan n Ēttawret, əd Farisaytan win əlmunafıqan!

Təttatim eharay ən tədoden šin as aba meddan-nasnət, amaran tətəggim imaddan zagrotnen wər nəmos ar sokni. Awen daɣ a fəlas attadib wa-nawan, ad agər attadiban kul tallabəst.»]

¹⁵ «Iket aɣazab iqqâl-awan, ya imusanan n Əttawret, əd Farisaytan win əlmunafıqan! Təşakalam, təssiwalam idaggan kul, fəl amaɣal əd gərwan, təgâmmayam kuddeɣ awedan iyyanda təssərdam s ad ilkəm y əsəssəɣri wa n Əttawret. Amaran as sər-əs təssərdam awedan, a tu-tagim aw Jahannama, har as aɣazab wa z'agu, a d-agu əşšin nədfisan fəl wa-nawan.»

¹⁶ «Iket aɣazab iqqâl-awan, ya imuzaran əddirɣalnen! Kawanay a ganninen: As ihad awedan s Ahan wa Zəwwəran n Əlɣibada, wədi wər imos wala, mišan as ihad s urəɣ wa ihan Ehan wa Zəwwəran n Əlɣibada, wədi tahuday-net təglâ.

¹⁷ Iməskilan ən məddəɣal! Awak urəɣ a ogaran almaqam, meɣ ak edag wa zəddigan s ənta a izzazdagan urəɣ?

¹⁸ Madəɣ tannim: "As ihad awedan əs majmar wa zəwwəran n əsəqqəd ən təkutawen, wədi tahuday-net wər təmos wala, mišan as ihad əs təkutay ta təwarat majmar, wədi tahuday-net təglâ."

¹⁹ Iməddəɣal win! Awak takutay a togarat almaqam, meɣ majmar wa tat-izazdagan?

²⁰ Əssənət as awedan wa ihadan əs majmar wa zəwwəran n əsəqqəd ən təkutawen, wədi awa iwaran majmar da ihâd sər-əs.

²¹ Awedan wa ihadan s adag wa zəddigan n Ahan wa Zəwwəran n Əlɣibada, wədi edag wa

zəddigan as ihâd əd Wa t-ihan.

²² Amaran awedan wa ihadan əs jənnawan, wədi təxawit ta n taymar ən Məşşina as ihâd, əd wa fall-as iqqiman.»

²³ «Iket alyazab iqqâl-awan ya imusanan n Əttawret əd Farisaytan win əlmunafiqan! Tətâkkasam təməssədək dağ ənniçnaç, əd çanit d alkemun, amaran toyyam aratan win ogarnen assahat dağ əlqanun, a tan imosan: əşşəriça, təhanint d əzəgzan. Aratan win di əntanay a azzarnen, iwâr-kawan a tan-tammazalam, da wər din-təglemam win hadatnen.

²⁴ Imuzaran əddirçalnen! Təzadzaram aman y a dağ-san təkkasam şizəbbawen, amaran təlâmmazam aləm iyrâdan!»

²⁵ «Iket alyazab iqqâl-awan ya imusanan n Əttawret əd Farisaytan! Əlmunafiqan! Təzadzagam afalla n əsəlkəw d əçəzu, mişan ammas-nasan ijirgan fəlas idnay tarkəbt d arak deranan.

²⁶ Farisay iddirçalan! Zəzdəg təzzar ammas n əsəlkəw d əçəzu, əddi ad z'izdag afalla-net ənta da.»

²⁷ «Iket alyazab iqqâl-awan ya imusanan n Əttawret əd Farisaytan win əlmunafiqan! Tolâm əd zəkwan a fəl tiwasalsanen arat mallan, hossayan dağ azzahir, amaran ammas-nasan ədnayan-tu çasan ən nəmməttan, d əzzənəfan kul ən tajjarganen əmmîdasnen.

²⁸ Emmək en dağ a təgam kawanay da. Dağ azzahir za, toçâdam, mişan iwallan-nawan, wər ədkeran ar təlmənufəqa əd talbast.»

29 «Iket alyazab iqqâl-awan ya imusanan n Ettawret æd Farisaytan win ælmunafiqan! Tækârrasam izækwan y ænnëbitan, tädällagam izækwan n aytedan win oxadnen,

30 amaran tægannim: "Ënnar du-nëggâz az-zaman win d-ëggazan marawan-nana, wër dër-san za nænëmënnëk day tanaɣla ta ægan azni n ænnëbitan."

31 Ëmmëk en day as tæsattaddam tišit-nawan ihayawan n aytedan win ænɣanen ænnëbitan.

32 Day adi sëkkësëwat awa din-ëglaman marawan-nawan.

33 Iket æn taššolen! Ëzzënëf æn taššolen šin iha assam wa labasan! Manëmmëk as za taddarragam y attadib an Jahannama?

34 Awen day a fël kawan-d-ëssokaɣ ænnëbitan, æd malan-æn-tayttay, æd musanan n Ettawret. Ad tagim iman æn wiyyad tattaytayam-tan fël tægëttawen, tagim šiwwit n ælëkkud i wiyyad day nan-nawan win ælyibada, tällëmam gër ɣërman tëdgëzam-tan,

35 fël a kawan-iwër alxaq kul n æzni wa tëwanɣalan day tëdlëmt, a d-obazan ɣur Habila wa n alyadil, har ælimam Zakarayya wa n ag Barakëya wa tənɣam gër edag wa zëddigan æd majmar wa zëwwëran n æsëqqëd æn tækutawen day Ahan wa Zëwwëran n Ælyibada.

36 Ëggëyyeyɣ æsilakanax-awan as aratan win æmalax æddi, kul ad agin fël aytedan n azzaman win!»

Tëkurat fël Yerusalam

37 «Xa aytedan æn Yerusalam, iket tëgam iman n ænnëbitan, tənɣam deɣ æs tægur æn

təhun win sər-wan d-izammazal Məşşina! Awak har mənəket taklaten, gammaya d a kawan-d-əşşidəwa s əmmək as du-təşadaw təkəjit ikərətan-net daw əfrutan-net, mišan tugayam s awen!

³⁸ Ənəyat za, ehan-nawan ad itəwəyyu issûf.

³⁹ Fəlas əsilakanax-awan as wər di-za-tələsam anay a obazan xur əmərədda har əzəl wad za tannim: "Wa d-osan s esəm n Əməli, igrâw arraxmat!"»

24

Əsəssəyri wa n səmmos: Ahluk ən Yerusalam d əyrud n əddənet

Əsənti

¹ As iyrad Ƴaysa batuten šin den, igmad Ehan wa Zəwwəran n Əlyibada, igla. Əhozan-t-in nəttulab-net y a t-in-sassagrin təməkrust n Ahan wa Zəwwəran n Əlyibada wen.

² Mišan inn-asan Ƴaysa: «Təhannayam əkərrus wa? Əggəyyey əsilakanax-awan as awa təhannayam da, ketnet wər dağ-as du-z-aqqam təhunt təwârat təmidit-net, ketnet ad itəwəjjəbbərəjjət.»

³ Dəffər awen igla, iqqim fəl ədyağ wa n Eşkan ən Zaytun. Əhozan-t-in nəttulab-net xas-nasan, ənnan-as: «Əməl-anax əmmay ad z'agu arat wədi, təmələx-anax alyalamat ta za tassaknit assa-nak, d əyrud n əddənet.»

Alyalamaten n əyrud n əddənet

⁴ Inn-asan Ƴaysa: «Ənkədat. A kawan-wər-issəxrək awedan waliyyan.

⁵ Fəlas aytedan aggotnen a du-z-asinen əttâfan esəm-in, akkiyyan daḡ-san igannu imos Əlməsix. Amaran ad əssəxrəkan s awen aytedan aggotnen.

⁶ Ad taslim i tərmuq ən məgiran, əd salan ən məgiran. Mişan ənkədat y a kawan-issərməḡ awen, fəlas aratan adi as kundaba əgan. Mişan wərgəḡ əntanay a mosnen təzərəst n əddənet.

⁷ Ad əknəsnaṭ addawlaten gar-essanaṭ, əknəsnaṭ tayməren gar-essanaṭ. İməl-tu laz labâsan, əd nəgəynəgəyan n amaḡal daḡ daggan aggotnen.

⁸ Mişan aratan win kul, wər əmosan ar ənətti ən təlawayt təhât əlmital ən ta du-tətizarat əs tətut tətəgəzət amzur.

⁹ Əddi ad za tətəwəggim daḡ təssust labasat, ad tətawanyim, tətawəgzaram daḡ təmattiwen n əddənet kul, fəlas kawan-iwar esəm-in.

¹⁰ Arat wen a d-awəy s aytedan aggotnen a tan-igməd əzəgzan-nasan, ad tinəməkəddilan, nəməgzəran.

¹¹ Ad t-əməlan ənnəbitan ən bahu aggotnen, a z'əssəxrəknen aytedan aggotnen.

¹² Ad tətittəy talbast har as taşşam n aytedan a daḡ-san təfnəz tara wəllen.

¹³ Mişan wa daḡ-wan izmaran har təzərəst, wədi ad ixləs.

¹⁴ Isalan n Əlinjil, imosan isalan ən Taymar ta n Məşşina win da, ad təwəməlan daḡ əddənet ketnet, fəl ad aslinat təmattiwen kul n əddənet təgəyya ta. Əddi amaran a du-za-tawəd təzərəst.»

¹⁵ Iгла Ҷайса ишсәвал инн-асан: «As tənayam "taxxaramt ta səksədat" ta imal ənnəbi Danəyel,

təha edag wa zəddigan, – wədi wa iḡarrin, agret!

–
 16 Ǝddi aytedan win akal ən Yahudəyya, addag-gaganet s ədḡaḡan;

17 Awedan wa iqqiman daḡ adag wa n afalla n ahan-net, a du-wər-azzabbat y a din-idkəl ar-es ihân ehan-net.

18 Awedan wa ihan tawagost-net, a du-wər-iqqəl aḡaywan-net igmây isəlsa-net!

19 Iket alyazab ad t-aginat tədoden šin əganen šidusen əd šin sankasnen daḡ adan win den!

20 Ǝgməyat daḡ Məššina a fəl du-wər-imazayyat ədəggəg-nawan əd tamert n asamed irtayan d akonak, madex əzəl wa n təsanfawt.

21 Fəlas adan win den, a tu-təməl təssust labasat as, a du-tənta əddənet wər tətawanay ši wər toger; amaran wər ilkem dex ad tətowanay tulat-net dəffər awen.

22 Kundaba as adan win den ikf-en Ǝməli təzərəst, wədi wər t-illa i daḡ-san du-z-irəgan. Kalar ad təwəzzəgzələn fəl əddəlil n aytedan win tawasanafrannen.

23 Ǝddi amaran, as dawan-inna awedan: "Ǝnəyat! Ǝlməsix illa da", madex: "Illa den", a das-wər-təzzəgzənam!

24 Fəlas ad t-əmələn əlməsixan ən bahu, əməlan-tu dex ənnəbitan ən bahu. Ad tag-gin alyalamaten simaklalnən, əd təlməḡjujaten əmmittaynən, har as ənnar əfragan awen, əssəxrəkan aytedan harkid win isannafran Məššina.

25 Daḡ adi ənəkədat əd man-nawan! Aratan win, əgeḡ-awan-tan daw aḡaf!

26 Amaran as dawan-itawanna: "Ǝnəyat,

Ɛlməsix den iha teneray", a tu-wər-takkim. Madex itawann-awan: "Ɛnəyat, iha daɣ ahan edag wa ogaran ilxi", kaššeday, ad wər təzzəgzənam wala daɣ batuten šin di.

²⁷ Ɛssənat as, assa-nin nak Ag Aggadəm ola d essam a du-z-assantin əbələzləz da d-inta dənnəg, har da d-iraz ataram.

²⁸ Edag təggaz təmaxsayt, a daɣ-as iddawan jadaran.»

Tewaylay n Ag Aggadəm

²⁹ Iгла Ƴaysa iššewal, inn-asan: «Tarmâd dəffər adan ən təssust ta labasat en, ad alsinat šiyyay təfuk, tallit dex igməd-tat ənnur-net, ərtekan-du etran, nəgəynəgəynat təxəllak šin əlanen tarna daɣ jənnawan.

³⁰ Ɛddi a du-za-tənəfiləl alɣalamat-in nak Ag Aggadəm daɣ jənnawan. Šimattiwen kul n əddənet ad səkkirəynat, təzzar ənəynat-i nak Ag Aggadəm as du-z-asa əheɣ šignawen, əkney təla ən tarna əd tanaya.

³¹ Təzzar insəɣ in asak, zəmmizəla nak Ag Aggadəm angalosan-in, əššidəwan-du aytedan win əsannafrana daɣ təɣəmmar an əkkozat n əddənet.»

Təssunt ta n ašək ən fig

³² Inn-asan: «Abəzat alfaydat s əlmital wa n ašək ən fig. Igda ad hussəyan lədlad-net, iggaz-du šin tanazra, ad təssənam as tamert ta n akasa təhōz.

³³ Zund əmmək en daɣ âs as tənayam aratan kul win dawan-əmalax əddi, təssənam as aɣrud n əddənet ihoz, wər illa gar-ewwan dər-əs arat.

³⁴ Æggøyyeḡ əsilakanax-awan as tamattay ta da n azzaman win nəha da, ad tənəy ənətti n aratan kul win dawan-əmala da.

³⁵ Ijənnawan d amaḡal ilkam ad ib'as t-əllan, mišan batuten-in əllanat-tu har faw.»

Æzəl wala alwaq wa n tanakra n alaxirat, wər tawassanan

³⁶ Iгла Ҳайса ишсəwal inn-asan: «Æzəl amaran wala alwaq wa daḡ z'agu awa dawan-əmala da, wər t-illa i daḡ-san issānan, gər za angalosan a əhanen ijənnawan, wala Barar iman-net. Wər t-illa i daḡ-san issānan ar Abba ḡas.

³⁷ Awa igan daḡ azzaman n ənnəbi Nux, a z'agin daḡ adan win daḡ du-z-asa nak Ag Aggadəm.

³⁸ Təssānam as adan dat alwabil, aytedan tātтин, sassin, zāllafan, zāzlafan har əzəl wa daḡ iggaz Nux aḡlal n aman.

³⁹ Wər əgen aššak daḡ arat waliyyan, har d-ewad alwabil, iḡrad-tan ebet ketnasan. Zun awen daḡ a z'agin ḡur assa-nin nak Ag Aggadəm.

⁴⁰ Əddi əššin magyakan nimašḡalnen daḡ tawagost iyyadda, ad ammadkal iyyan, itəwəyyad-du wa hadan.

⁴¹ Sanatat tədoden taddanen daḡ adag iyyanda, ad tammadkal iyyat, tətəwəyyad-du ta hadat.»

Əlmital wa n məššis n aḡaywan d abaydag

⁴² Inn-asan: «Daḡ adi ənkədat, fəlas wər təssenam əzəl wa daḡ du-z-asu Əməli-nawan.

⁴³ Təssānam wəllen əs ənnar issān məššis n aḡaywan amazay wa daḡ du-z-idəl abaydag,

ahad wædi ad akøy isæmmutæg y a das-igdæl terazay n ahan-net.

⁴⁴ Awen daɣ a fêlas kawanay da, sæmmutægat, fêlas nak Ag Aggadəm, a d-asa daɣ assaɣat ta wër tordem.»

Elmital wa n ækli wa olaɣan æd wa wër noley

⁴⁵ Iгла Ҷaysa iššewal inn-asan: «Daɣ adi akli iɣdâlan, ilân ægærri, ænta a isannafran mæššis izzuzær-tu y eklan-net win hadatnen y a tan-ihakku imensewan daɣ alwaq was ihor.

⁴⁶ Ibbilal ækli wen, as d-iqqal mæššis, ogaz-t-id iha æššæɣæl wa daq q-id-oɣya den.

⁴⁷ Eɣgøyyeɣ æsilakanay-awan as akli wen, ad t-izzuzær mæššis i tæla-net kul.

⁴⁸ Mišan ænnar imos ark ækli, inna daɣ man-net: "Mæšši illolat-in,"

⁴⁹ tæzzar ad iggat imidawan-net, idarraw d aytedan win tamaswadnen, itinæmæšəw dær-san esmad,

⁵⁰ wædi ilkâm a t-id-iɣdær mæššis daɣ æzæl d amazay wër orda.

⁵¹ Tæzzar ad t-iggât mæššis har t-iksæn, ag-ay dad tawaggin ælmunafiqañ. Den da ad ællan aytedan win hallinen æddadan idædwæn-nasan fêl tæmagraz.»

25

Elmital wa n marawat tæmawaden wër næzday meddan

¹ Iгла Ҷaysa iššewal i nættulab-net, inn-asan: «Æzæl wædi assa ən Taymar ta n jønnawan, ad iggæz ælmital ən marawat tæmawaden wër

nəzday meddan, ədkalnen ibelan-nasnat əzəl ən təkərst, əssəlkadnat y amazlay.

² Səmmosat dağ-asnat za wər əlenat tayttay, səmmosat amaran əlânat-tat.

³ Şin wər nəla tayttay za, as ədkalnat ibelan-nasnat, wər ewaynat widi wa n əsəryi-nasan.

⁴ Şin əlanen tayttay amaran, as ədkalnat ibelan-nasnat, ewaynat şitəkan iha widi wa n əsəryi-nasan.

⁵ İllolat-in amazlay, har as obaz-tanat etəs ketnasnat.

⁶ As iga adawannay, təga-du təxərit, itawanna: "Amazlay əddi, ərdəyat-du səlkədat-as!"

⁷ Təzzar ənkarnat-du təmawaden şin marawat en ketnasnat, sammatagnat ibelan-nasnat.

⁸ Ənnanat şin wər nəla tayttay i şin hadatnen: "İbelan-nana əggazan şin təmattant, akfimat-ana-du dağ widi."

⁹ Ənnanat-asnat şin əlanen tayttay: "Kala, widi-nana wər danağ-ewed dər-əkmat. Aglimat akkimat imassatagan ən widi tazzanzimat-du widi i belan-nakmat."

¹⁰ As əqlanat y a d-azzanzinat widi, osa-du əmazlay, əggaznat fall-as səmmosat təmawaden şin sammatagnen edag wa dağ itaggu saksas, tətawahar-du təsəhərt n ahan.

¹¹ Dəffər awen, ewadnat-du təmawaden şin hadatnen, ad sayaratnat y amazlay, ganninat-as: "Mandam! Mandam! Aləm-ana!"

¹² Təzzar inn-asnat amazlay: "Əggəyyey əsilakanax as wər kamət-əzdayax."»

¹³ İgla Ƴaysa işşewal inn-asan: «Dağ adi ənkədat, fəlas wərmad təssânam əzəl, za wala

assaxat ta du-z-asa.»

Elmital wa n tæsəgras n urəx

¹⁴ «Batu ta təqqalat Taɣmar ta n jənnawan, təha əlmital n aləs išakalan. Iɣra-du eklan-net, a tan-isaxlaf ərrəzəxan-net.

¹⁵ Ikfa iyyan daɣ-san səmmosat tæsəgras ən dinaran n urəx, ikfa wa hadan sanatat, ikfa iyyadda y əkli wa n karad, a daɣ ewal awen əs da du-təqqal fərregat-nasan, amaran išşokal.

¹⁶ Tarmad as igla wa issəxlaf səmmosat tæsəgras, išşəşxal urəx wen, igraw-du fall-as səmmosat tæsəgras šiyjad ən dinaran.

¹⁷ Wa issəxlaf sanatat deɣ igla, išxal, igraw-du fall-asnat sanatat šiyjad.

¹⁸ Wa wər nəgrew ar tæsəgrəst iyyadda, igla iga anu daɣ amaɖal inbal daɣ-as tæsəgrəst ta iɣlaf den.

¹⁹ As təga tərut dəffər awen, osa-du məššissan, ad isaxrad ərrəzəxan win tan-issəxlaf.

²⁰ Ibdad-du wa issəxlaf səmmosat tæsəgras, eway-du səmmosat šin fall-asnat d išşota. Inn-as: "Məšši, səmmosat tæsəgras a di-təssəxlafa, amaran əgrawa-du fall-asnat səmmosat šiyjad. Əntanatay da."

²¹ Inn-as məššis: "Alafəyet! Illikan as akli olāxan a təmosa, təmosax deɣ awedan ən təfləst. Təssiknax adi daɣ arat wər nəggət. Dəffər awa a kay-əssəxləfax a aggen. Iyyaw taga təfalawist ta əgeɣ nak an məšşik!"»

²² «Wa issəxlaf sanatat tæsəgras deɣ ibdad-du, inna: "Məšši, sanatat tæsəgras a di-təssəxlafa,

amaran əgrawa-du fall-asnat sanatat šiyyad. Əntanatay da."

²³ Inn-as məşşis: "Alafəyet! Illikan as akli olâxan a təmosa, təmosax dəx awedan ən təfləst. Təssiknax adi dəx arat wər nəggət. Dəffər awa a kay-əssəxləfəx a aggen. Iyyaw taga təfalawist ta əgeç nak an məşşik!"»

²⁴ «Dəffər awen amaran, ibdad-du wa issəxlaf təsəgrəst iyyadda, inna: "Məşşi, əssânax as aləs labasan a təmosa, tətälaya-du çarat dəx adag a dəx wər tənbelə, tətälaya-du dəx tənfa dəx adag a dəx wər tənbesax amasa waliyyan.

²⁵ Adi da fəl di-təggaz tasa-nak, əgley ənbala təsəgrəst ta di-təssəxlafa. Əmərədda ənta da."

²⁶ Inn-as məşşis: "Kay arak əkli a təmosa, təmosa dəx anaffaraşşay! Dad zamas təssânax as ətälaya-du çarat dəx adag a dəx wər ənbela, ətalaya-du dəx tənfa dəx adag a dəx wər ənbesax amasa waliyyan,

²⁷ wədi, ənnâr di təssinsax azrəf-in dəx bank, as du-z-əqqələx əgrâwa-du fall-as tətəyt, ətkəlaq-q-idu."

²⁸ Inna məşşis: "Dəx adi abəzat-du dəx-as təsəgrəst tədi, takfım-tat i wa ilan marawat.

²⁹ Fəlas awedan kul wa ilan, wədi a das-itəwəşitu awa ila, annafly, amaran wa wər nəla, arat n arat wa ila da, a dəx-as attarmas.

³⁰ Akli amaran wa wər nənfa wala, əgərat-t-in dəffər ahan dəx šiyyay. Den da ad əllan aytedan win hallinen əddadan idədwən-nasan fəl təmagraz."»

Əşşərixa wa n əzəl wa n tabadday

³¹ Iгла Ҷайса ишсевал инн-асан: «As d-əqqala nak Ag Aggadəm əheɣ tanaya-nin, əddewa-du d angalosan kul, ad əqqama fəl təxawit-in ta n tanaya.

³² Şimattiwen n əddənət kul a d-idawnat, əbdədnat dat-i. A tanat-zamazaya s əmmək as isakkat amadan ayfad-net daɣ wəlli,

³³ agaɣ ayfad daɣ əɣil-in, aga wəlli daɣ zalgat-in.

³⁴ Den daɣ ad z'anna nak an əmənokal i win əhanen aɣil-in: "Ayewat kawanay win as iga Abba-nin arraxmat, ad təgrəwam taɣmar ta dawan-tətawasamatagat harwa ɣur ənətti n əddənət.

³⁵ Fəlas iggâz-i gələk, təşşətşam-i; iggâz-i fad, təşşəşwam-i; əqqalaɣ ənaftaɣ, təsammagarem-i.

³⁶ Əzlama, təssəlsam-i; ərina, təssanam daɣ-i; əggazaɣ kasaw, təssəslamam-i-in."

³⁷ Den daɣ a di-z-annin aytedan win oɣadnen: "Əməli, əmmay a kay-nənay ih-ik gələk nəşşətş-ik, wala ih-ik fad, nəşşəşəw-ik?

³⁸ Əmmay kay-nənay təmosaɣ ənaftaɣ nəsammarat-kay, wala təzlâma nəssəls-ik?

³⁹ Əmmay kay-nənay tərina, wala taheɣ kasaw, əngəm nəssən daɣ-ak, wala nəssəsləm-kay-in?"

⁴⁰ Den daɣ a dasan-z-anna nak an əmənokal: "Əggəyyeɣ əsilakanay-awan as dad zamas təgâm aratan win di y iyyanda daɣ mədrayan-in win əknanen təmmədrəyt di, wədi nak as tan-təgam."

⁴¹ «Dəffər awen amaran annay i win əhanen zalgat-in: "Ugagat-i imawaran ən tulɣant. Agli-

wat əggəzat Jahannama, tətivasamatagat y Iblis, d angalosan win das-əlkammen.

⁴² Fəlas iggâz-i gələk, mišan wər di-təššətšam; iggâz-i fad, mišan wər di-təššəšwam.

⁴³ Əqqâlax ənaftax, mišan wər di-təsammagarem; əzlama, mišan wər di-təssəlsam. Ərina, əggaza kasaw, mišan wər daɣ-i təssenam za wər di-in-təssəslamam."

⁴⁴ Təzzar annin-i: "Əməli, əmmay a kay-nənay ih-ik gələk, wala ih-ik fad, wala təmosax ənaftax, wala təzlama, wala tərina, wala tahe kasaw, nəqqim wər daɣ-ak nəssen?"

⁴⁵ Əddi a dasan-z-anna: "Əggəyyey əsilakanax-awan as, dad zamas wər təgem aratan win di y iyyanda daɣ win əknanen təmmədrəyt di, wədi nak iman-in as tu-wər-təgem."

⁴⁶ Den da ad z'akkin aytedan win edag n attadib ixlâlan, win oxadnen amaran əgrəwan təməddurt ta təxlalat.»

26

Emel wa n əkkoz iga Ƴaysa i təmattant-net d igi wa fall-as z'agin aytedan eyaf

¹ As iɣrad Ƴaysa alfaydaten šin kul, inna i nəttulab-net:

² «Təssânam as amud wa n Akkay, ab-as-in əššin adan, amaran əddi daɣ ad za təwəsətərməsa nak Ag Aggadəm, y ad təwətəytəya fəl təgəttawt.»

³ As itaggu awen imuzaran ən limaman, əd muzaran ən Kəl-Əlyəhud əddəwan daɣ aɣarɣar

n aɣaywan ən Kayif s ənta a imosan Əlimam wa Zəwwəran,

⁴ ənamardan fəl təmərkest tas z'abəzan Ƴaysa, agin iman-net.

⁵ Dər iga awen da ya gannin: Ad wər nagu adi daɣ adan n əmud, fəl ad wər ijənnəjərwəy awen tamattay.

Iba ən Ƴaysa əd tanakra-net daɣ təmattant

Ətərməs ən Ƴaysa d ətəwətəytay-net d iba-net

Ətəwənyal n alwardi fəl Ƴaysa daɣ Betanəy

⁶ Iha Ƴaysa təxrəmt ən Betanəy iqqim daɣ ahan ən Simyon was kala a t-igraw kətru,

⁷ as du-tosa təntut iyyat təhoz-t-in daɣ amazay a daɣ isiɣamar itattu. Təntut ten teway butalay igân daɣ təhunt təknât šiɦussay, iha alwardi iyyan ilân almaqam wəllen. Təzzar ad tənəqqal alwardi wen fəl aɣaf ən Ƴaysa, imos awen alɣalamat ən saɣmar.

⁸ As ənayan nəttulab arat wen, əššakan-tu wəllen, ənnan: «Ma infa əhluk n alwardi a?

⁹ Alwardi wa ilan almaqam a, ənnâr inazzan a din-itawagga azrəf aggen, təwəkfin nazzan-net i tələqqawen.»

¹⁰ Igr-in Ƴaysa awen, inn-asan: «Mafəl təɣaššadam iman i təntut ta? Əmazal olâɣan a di-təga da;

¹¹ fəlas šiləqqawen faw da əllânat ɣur-wan, nak amaran wərge faw əlley ɣur-wan.

¹² Alwardi wa, tanaxla a tu-təga fəl təɣəssa-nin fəl a di-təsəmmutəg y əzəkka-nin.

¹³ Eǵǵəyyey əsilakanax-awan as edag a daǵ ittəmal Əlinjil daǵ əddənet ketnet, a daǵ-as attamal awa təǵa təntut a, tətəwəkta-du.»

Iǵuz ən Yahuza šimərkas šin as z'attarmas Ƴaysa

¹⁴ Əzəl wen da ad inkar iyyan daǵ nəttulab win maraw d əššin iǵân esəm Yahuza was itawannu Isxarəyuti, ikka imuzaran ən limaman,

¹⁵ inn-asan: «Ma di-za-takfim a dawən-t-aga daǵ fassan nak iman-in?» Təzzar inamarda dər-san, əkfan-tu karadat təmərwen ən tafelt n əzrəf.

¹⁶ A obazan ǵur amazay wen da, ad iggaz šin aǵamay ən tamazayyat ta daǵ z'agu Ƴaysa daǵ fassan.

Imutaǵ n amensay n əmud wa n Akkay

¹⁷ As d-ewad əzəl wa azzaran n əmud wa daǵ tamatsinat təǵəlwen šin wər iha xamira, əhozan-in nəttulab Ƴaysa, ənnan-as: «Mənid tareǵ a dak-nəsəmmutəǵ imensewan n amud wa n Akkay?»

¹⁸ Inn-asan: «Eǵǵəzat aǵrəm, takkim awedan iyyan illan den, tannim-as: "Inn-ak Əššex, alwaǵ ən təmattant-in ihôz. Kay a ǵur za nammansaw daǵ əmud wa n Akkay nak əd nəttulab-in."»

¹⁹ Əmmozalan nəttulab awas tan-omar Ƴaysa, sammatagan imensewan win Akkay.

²⁰ As tuda təfuk, inaǵama Ƴaysa əd nəttulab-net an maraw d əššin.

²¹ Tattin den daǵ as inna: «Eǵǵəyyey əsilakanax-awan as, iyyan daǵ-wan a di-z-agin daǵ fassan.»

²² Batu ten, teway-du sər-san as əxşadan man-nasan wəllen, a das-igannu akkiyyan daḡ-san: «Əməli, əngəm wərgəḡ nak a kay-z-agin daḡ fassan?»

²³ Itajawwab-asan, igann-asan: «Wa di-z-agin daḡ fassan, ədrawa dər-əs da da daḡ əxəzu iyyanda.

²⁴ Tidət as nak Ag Aggadəm a di-iba s əmmək wa əmalan Əlkəttaban daḡ batu-nin. Mişan ya, iket alyazab ad t-agu wa di-igan nak Ag Aggadəm daḡ fassan! Awedan wədi, a das-afu fadda a du-wər-iggez əddənet.»

²⁵ Təzzar işşewal Yahuza s ənta a tu-z-agin daḡ fassan, inn-as: «Əngəm wərgəḡ nak as təgannaḡ əddi, Əşşex?» Inn-as Ƴaysa: «Kay iman-nak as tənneḡ adi.»

Tadrəwt ta təlkatat iga Ƴaysa əd nəttulab-net

²⁶ Amazay wen daḡ a daḡ tattin den, a daḡ d-idkal Ƴaysa tagəlla, iga igodan i Məşşina, irza tagəlla ten, izun-tat i nəttulab-net, inn-asan: «Atşiwat da. Taḡəssa-nin adi.»

²⁷ Dəffər awen, idkal-du təkabart, iga igodan i Məşşina, ikf-asan-tat, inn-asan: «Aşwat daḡ-as ketnawan,

²⁸ fəlas azni-nin adi, isitaddan azni wa n arkawal ən tassaḡ gər Məşşina əd tamattay-net. Azni wa ad inḡəl fəl ad əgrəwan aytedan aggotnen təsureft ən bakkadan-nasan.

²⁹ Əsilakanəḡ-awan as a obazan ḡur əmərədda wər z'ələsa tessay n esmad n alyanab wa, iket wər d-ewed əzəl wa daḡ z'aşwa wa aynayan nak dər-wan daḡ Taḡmar ta n Abba-nin.»

³⁰ Təzzar əssəggadan dağ təmmalen a d-əgmadnen Azzabur, as tanat-əxradan, əkkan adxax wa n Eşkan ən Zaytun.

Emel ən Yaysa ətəwəyya-net d ətəwənkər-net

³¹ Əhən tarrayt den da as dasan-inna Yaysa: «Ahad ada, ketnawan as dawan-z-əqqələx əssəbab n ad iwəliwəl əzəgzan-nawan, fəlas ənnan Əlkəttaban: "Ad əwətax amadan, iba-tu, təzzar wəziwəznat ayfad-net."

³² Mişan dəffər ətəwəsənkər-in dağ təmattant, a dawan-in-izarax s akal wa n Galilaya, əqqələx-awan dağ-as.»

³³ İşşewal Butros, inn-as: «Kud iwalawal əzəgzan-nasan ketnasan dağ batu-nak, da wa-nin wər ilkem ad iwilawal.»

³⁴ Inn-as Yaysa: «Əggəyyeş silakanax-ak as ahad ada, as z'axru əkəji axora, təggâdaş-i har karadat təklaten.»

³⁵ Inn-as Butros: «Kud iqqal as ətəwənxa kərəz a za nagu nak dər-ək, da wər kay-z-əggəda.» Ənnan nəttulab ketnasan awen da.

Təwatray ən Yaysa dağ Gatsemanay

³⁶ Ewad dər-san Yaysa afarag n eşkan ən zaytun as itawannu Gatsemanay, inn-asan: «Qamiwat əddi da, ad akkax edag en, ad aga şiwatriwen.»

³⁷ İzzənkaz fall-asan Yaysa, iddew əd Butros, d əşşin meddan ən məddanəs ən Zabaday, təzzar əssəntan man-net axşud, işşəwaş.

³⁸ Den dağ a dasan-inna: «Awa əgan man-in dağ axşud, əbukax a di-aba. Ad wər təfəlam da, ad nakəy nak dər-wan.»

³⁹ Təzzar iga fall-asan arat n əzənkəz, issəjad, ittar, inna: «Abba-nin, kud immikkan adi təssəgəgax-i təkabart ta n alxazab di! Dər iga awen da ya, wərgəx awa arex nak a itaggin, kalar awa tarex kay a z'agin.»

⁴⁰ Dəffər awen iqqal-du Ƴaysa inəttulab-net win karad en, os-en-du ənsân. Inna i Butros: «Dağ adi indar-awan ad tagim alwaq iyyanda tokâyam nak dər-wan!

⁴¹ Akəyat, tansəyam Məşşina a kawan-oggazan dağ jarrabatan n Iblis. Tidət as ənnəyat n aggadəm təsidaran igi n awa olağan, mişan igdal-as rəkkəm ən təxəssa-net awen.»

⁴² İlas əzənkəz fall-asan, ad itaggu şiwatriwen, inna: «Ya Abba-nin, kud wər t-illa əmmək as di-təylay təkabart ta n alxazab di, kud ilzâm-i a tat-aşwa, wədi tagiwet tara-nak!»

⁴³ İlas iqqal-in inəttulab-net win karad, ogaztan-in əqqâlan etəs, fəlas awa dasan-iga etəs dağ iguz ab-as əfragan arra ən şittawen-nasan.

⁴⁴ İlas ifal-tan, ikka den, iga təwatray-net ta n karadat, a dağ inna arat wa inna dat awen.

⁴⁵ Dəffər awen iqqal-du inəttulab-net, inn-asan: «Kawanay harwa da tənsâm, təsanfim! Ənəyat! Alwaq ihoz-du wa dağ za təwəgga dağ fassan ən nasbakkadan nak Ag Aggadəm.

⁴⁶ Ənkərat-in əndawat! Ənəyat! Wa di-z-agin dağ fassan, ewad-du.»

Ətərməs ən Ƴaysa

⁴⁷ İşşêwal harwa da, as d-ewad Yahuza, imosan iyyan dağ nəttulab-net win maraw d əşşin, id-dew əd təmmattay tagget a d-əssiglan muzaran

ən limaman əd muzaran ən Kəl-Əlyəhud. Tamattay ten tewây şikabiwen əd təburəgen.

⁴⁸ Wa tu-z-agin dağ fassan, imâl-asan aɣalamat tas z'itəwəssən, inn-asan: «Wa zalamme dağ meddan en, əssənət as ənta, tabəzam-tu.»

⁴⁹ Osa-du Yahuza ɣas, ihoz-in Ƴaysa, inn-as: «Ma təxlakəɣ Əşşex?» Təzzar izalammat-tu.

⁵⁰ Inn-as Ƴaysa: «Əmidi-nin, arat wa kay d-ewayan, ag-ay.» Təzzar ewadan-du, obazan Ƴaysa.

⁵¹ Amazay wen da a dağ d-ilbay iyyan dağ nəttulab ən Ƴaysa takoba-net, iwat sər-əs akli n Əlimam wa Zəwwəran, ifras-du təməzzuk-net.

⁵² Təzzar inn-as Ƴaysa: «Suxəl takoba-nak tətərut, fəlas aytedan kul win şaqqalnen əs takoba, takoba as z'ammatin.

⁵³ Wər tordeɣ as əfrəgəɣ ad əgməya tilalt dağ abba-nin assaɣl-i-du əmərədda a ogaran maraw gənan n angalosan d əşşin?

⁵⁴ Mişan as iga adi, mas z'andu awa ənnan Əlkəttaban, a əmalnen as awa kul ilzâm ad andu s əmmək wa da?»

⁵⁵ Təzzar inna Ƴaysa i tamattay: «Mafel tosam-i-du tewâyam şikabiwen, əd təburəgen y a di-tabəzam, zun as təgmâyam əjajəb iyyan n abaydag? Nak wərgəɣ əzəl kul niɣama dər-wan dağ Ahan wa Zəwwəran n Əlɣibada, sasəɣra dağ-as, amaran wər di-tobezam.

⁵⁶ Mişan əssənət as awa igan da ketnet iga fəl ad andu awa ənnan Əlkəttaban.» Den dağ a t-əfalan nəttulab-net ketnasan, əddəggagan.

Tebadday ən Ƴaysa dat Asaggawar wa

Zəwwəran

⁵⁷ Aytedan win obaznen Ƴaysa, ewayan-tu əs Kayif s ənta a imosan Əlimam wa Zəwwəran. Ənta a Ƴur əmmənayan musanan n Əttawret, əd muzaran ən Kəl-Əlyəhud.

⁵⁸ Iga Butros i Ƴaysa ləkkum zagren, har ewad aƳalla n aƳaywan n Əlimam wa Zəwwəran, iggaz-tu, inaxama əd maşşaxalan, iswad y ad inəy awa z'agin.

⁵⁹ Ənkaran muzaran ən limaman, d Asaggawar wa Zəwwəran ketnet, ad gammayan awedan iqqalan təgəyya ən bahu fəl Ƴaysa, fəl ad əgrəwan tarrayt n igi ən man-net.

⁶⁰ Mişan şigəyyawen aggotnen ən bahu şin fall-as taggin da, ab-asan-du daƳ-asnat əddəlil issohen a fəl itawanxa. Xasil osanat-du təgəyyawen şiyyad sanatat,

⁶¹ ənnanat: «Awedan wa a inna: "ƏfrâgəƳ əjəbbərəjji n Ahan wa Zəwwəran n Əlyibada ən Məşşina, ələsaq-qu akaras daƳ karad adan."»

⁶² Təzzar ibdad Əlimam wa Zəwwəran, inna i Ƴaysa: «Kay wər təganna wala daƳ təxəttas şin dak-tawagginen da?»

⁶³ Mişan igla Ƴaysa iffista. İlas Əlimam wa Zəwwəran inn-as: «Əgmâya daƳ-ak dat Məşşina di İddaran, a danəƳ-təməla kud kay a imosan Əlməsix, Barar ən Məşşina wala.»

⁶⁴ Inn-as Ƴaysa: «Awalla kay iman-nak a innan adi. Amaran əmâləƳ-awan as, a obazan Ƴur əmərədda, a di-tənəyam nak Ag Aggadəm, əqqima daƳ əxil n Əməli ən Tarna, tənəyam-i deƳ əzaya-du, əwâra şigaraken a n jənnawan.»

⁶⁵ Təzzar izazzarrat Əlimam wa Zəwwəran

takatkat-net fəl awa əgan man-net daɣ aɣʃud, inna: «Aləs wa amadraw a iga i Məşşina. Awak ma nəkka i təgəyyawen şiyad? Wər təsəllim y əmadraw wa iga da?

⁶⁶ Ma tənnam?» Ənnan-as ketnasan: «Aləs wa, əşşərixa-net təmattant.»

⁶⁷ Təzzar ad sutufan fəl udəm-net, əggâtan-tu, taqqasan-as,

⁶⁸ gannin-as: «Əlməsix, dad zamas kay ənnəbi, əməl-ana wa kay-iggatan!»

Şigget ən Butros Ƴaysa

⁶⁹ As itaggu awen, Butros iqqim dat ahan, daɣ aɣalla n aɣaywan wen. Təhoz-t-in təmaşşaxalt iyyat n aɣaywan en da, tənn-as: «Kay da, tətidadawəɣ əd Ƴaysa wa n akal ən Galilaya.»

⁷⁰ Mişan iggad Butros awen dat aytedan kul, inna: «Wər əssenax almayna ən batu-nam.»

⁷¹ Təzzar idag Butros sa sər əmi n aɣaywan, tənay-tu təmaşşaxalt iyyat, tənna y aytedan win əllanen den: «Aləs wen, itidaw əd Ƴaysa wa n aɣrəm ən Nazaret.»

⁷² Ilas iggad-tu ihad inna: «Wər əzdayax aləs wen.»

⁷³ As iga arat n amazay dəffər awen, əhozan-du meddan wiyyad əbdâdnen den, ənnan i Butros: «Illikan as kay da iyyan daɣ aytedan win daɣ den a təmosa, fəlas awal-nak da immûn.»

⁷⁴ Təzzar ad ihad Butros igannu: «Məşşina ya təlxânaɣ-i kud bahu a əgeɣ as wər əzdayax aləs wen.» Amazay wen daɣ ad iɣra əkəji aɣora.

⁷⁵ Ikta-du Butros tənna ta das-iga Ƴaysa: «Dat taɣaray n əkəji aɣora, a di-tunkara har karadat

taklaten.» Təzzar igmad sədi, ad ihallu fəl awa iga daɣ təməgraz.

27

İsuki wa iga Asaggawar wa Zəwwəran Ƴaysa Bilatəs

¹ As affaw aɣôra, immənay asaggawar ən muzaran ən limaman, əd muzaran ən Kəl-Əlyəhud ketnasan, ad taggin šinaden daɣ batu ən Ƴaysa y a das-tətəwəxxəm təmattant.

² Əkradan-tu, ewayan-tu s ənaxkim Bilatəs.

Iba ən Yahuza

³ Yahuza wa igan Ƴaysa daɣ fassan, as inay as Ƴaysa itawaxkam-as attadib ən təmattant, udanat daɣ-as təməgraz, eway-du karadat təmərwen ən tafelt n əzrəf šin igraw y tanat-issuxal i muzaran ən limaman, əd muzaran ən Kəl-Əlyəhud.

⁴ Inn-asan: «Nak əgeɣ abakkad. Awedan wər nəɣşed wala, a əge daɣ fassan, y ad itəwənɣu!» Mišan ənnan-as: «Nakkanay wər nəzlay daɣ tədi! Batu tədi kay a təqqal!»

⁵ İgar Yahuza azrəf wen daɣ Ahan wa Zəwwəran n Əlyibada, igla, išşolay iman-net aşək.

⁶ Əkkəmmen-du muzaran ən limaman azrəf wen, ənnan: «Əşşəriɣa-nana issixəram fall-ana igi n əzrəf wa daɣ əssənduq wa iha ərrəzəɣ n Ahan wa Zəwwəran n Əlyibada, fəlas azrəf wa azni a d-igmad.»

⁷ Əgan šinaden, əzzənzən daɣ əzrəf wen tawagost as itawannu: «Tawagost n akanaw»,

y a tat-agin edag ən zəkwan n aytedan win wər ıla akal.

⁸ Awen daḡ a fəlas tawagost ten, har azalada itawann-as: «Tawagost ta n əzni.»

⁹ Emmək en daḡ as inda awal wa iga ənnəbi Irməya, as inna: «*Edkalan-du karadat təmərwen ən tafelt, əmosnen əlqimat tas t-ədkadan maddanəs n Israyil.*

¹⁰ *Ezzənzən sər-əsnat tawagost ta n akanaw, s əmmək was di-omar Əməli.*»

Tebadday ən Ҳaysa dat Bilatəs

¹¹ Itawasabdad Ҳaysa dat ənaxkim Bilatəs. Issəstan-tu ənaxkim, inn-as: «Awak kay daḡ a imosan əmənokal ən Kəl-Əlyəhud?» Inn-as Ҳaysa: «Kay iman-nak as tənneḡ adi.»

¹² Mišan wər inna Ҳaysa wala daḡ batu ən lahanan win t-əssəwaran muzaran ən limaman əd muzaran ən Kəl-Əlyəhud.

¹³ Təzzar inn-as Bilatəs: «Wər təsəlla i lahanan aggotnen win kay-əssəwaran aytedan win?»

¹⁴ Mišan wər das-inna Ҳaysa wala təfert iyyadda daḡ batuten šin. Arat wen isammaklal wəllen s ənaxkim.

¹⁵ Imos alyadat n ənaxkim as id d-iḡlay əmud wa n Akkay ad ikkəs amaskasaw was tara tamattay agamad.

¹⁶ Azzaman en, ill-ay amaskasaw a fəl təga masnat, igân esəm Ҳaysa Barḡabbas.

¹⁷ Təzzar inna Bilatəs y aytedan win əddewnen den: «Ma imos daḡ meddan win was taram a dawan-t-əkkəsa? Awak Barḡabbas, me Ҳaysa was itawannu Əlməsix?»

18 Bilatës issân as aššaddat ən manzay a fəl əgan muzaran ən limaman Ƴaysa day fassan.

19 Amazay wa day iqqim Bilatës day adag wa n əššəriya den, ənta as sər-əs du-təzammazal tayurəs tənn-as: «Aləs di oɣâd, ad wər təggəza batu-net, fəlas əndod, ənâya day targət alɣazab aggen fəl əddəlil-net.»

20 Ənkaran muzaran ən limaman, əd muzaran ən Kəl-Əlyəhud, əssərđan tamattay s ad təgməy ad itəwəkkəs Baryabbas, təwəkkəsan man day Ƴaysa.

21 İššewal ənaxkim, inn-asan: «Ma imos day əššin meddan win di was təram ad t-əkkəsa?» Ənnan-as: «Baryabbas.»

22 Inn-asan Bilatës: «Ma z'aga za i Ƴaysa, was itawannu Əlməsix?» Ənnan-as ketnasan: «Itəwətəytəyet fəl təgəttawt!»

23 Mišan ya inn-asan ənaxkim: «Mafel za? Ma iɣšad?» Iqqal-asan awen as sahhaken imaslan-nasan wəllen, ənnan: «Itəwətəytəyet!»

24 Inay Bilatës as wər d-ixəssəl wala day awen, amaran tənajarwayat tətittəy, idkal-du aman, iššorad sər-san ifassan-net dat tamattay, inna: «Nak ərruda day əzni n aləs di. Batu tədi kawanay a təqqal!»

25 Təjajjayat tamattay kul tənna: «Iwəret-ana alxaq n əzni-net nakkanay əd bararan-nana!»

26 Təzzar ikkas-asan-du Bilatës Baryabbas, Ƴaysa amaran isassag-as tenaxay labasat s ələkkud, ikf-ay i sojitan y ad t-attaytayan.

Təmakkakkayt ən sojitan day Ƴaysa

²⁷ Təzzar ewayan sojitan n ənaxkim Bilatəs Үaysa, əkkən dər-əs ammas n aҗarҗar n aҗalla n ahan wa n əşşəriҗa. Ёşşedawan-du sojitan kul win əllanen den, əҗalayҗalayan-tu.

²⁸ Ёkkasan daҗ-as tabdoq-net, əssəlsan-tu əbərnuz igan təzuҗay təsimaxmaҗat zun wa lasan mənokalan, imos awen təhələlet daҗ-as.

²⁹ Ёzdän təkəbbut zun ta n mənokalan təgat daҗ şənnanan, əssəwaran-tat y aҗaf-net, əgan agabal ən telant daҗ əfus-net wa n əҗil. Təzzar a dat-əs tigərəffen, taggan daҗ-as təmakkakkayt, gannin-as: «Oyy-ik, əmənokal ən Kəl-Ёlyəhud!»

³⁰ A fall-as sutufan, tabazan-du agabal ən telant wen, əggatan sər-əs eҗaf-net.

³¹ Dəffər as daҗ-as əyyəwanan igi ən təmakkakkayt, əkkasan daҗ-as əbərnuz wa t-əssəlsan den, əssoҗalan-tu isəlsa-net, ewayan-tu y ad itəwətəytəy.

Ёtəwətəytəy ən Үaysa əd təmakkakkayt ta daҗ-as tətawagat

³² Ёhân tarrayt as əmmənayan əd Simҗon, imosan aləs n aҗrəm ən Qərwan, şahhaşşalan-tu aggay ən təgəttawt ta fəl z'itəwətəytəy Үaysa.

³³ Ewadan edag as itawannu Golgota, almaҗna n awen «Edag wa n Təkəyya».

³⁴ Ёkfan-t-in esmad n alyanab irtâyan d eҗay. Iram-tan Үaysa, uҗay əs tassay-nasan.

³⁵ Dəffər as t-əttəytəyan fəl təgəttawt, ad tuzanan şibəddaҗ-net əs təşəҗeren.

³⁶ Təzzar əqqiman ewalan-tu.

³⁷ Эššolayan dännög aḡaf-net əsəllum, a fəl iktâb as: «Awa Ƴaysa wa n Ǝmənokal ən Kəl-Ǝlyəhud», imos awen arat isidaganan əddəlil wa fəl immut.

³⁸ Tawataytayan dagma-net əššin meddan ən jujab ən baydagan. Iha iyyan aḡil-net, wa hadan zalgat-net.

³⁹ A daḡ-as tajaban aytedan win tallamen den, taggin-as arak batuten,

⁴⁰ gannin: «Dew! Kay wərgəḡ tənneḡ təfragəḡ əjəbbərəjji n Ahan wa Zəwwəran n Ǝlyibada, təlasaq-qu akaras daḡ karad adan? Kud kay Barar ən Məššina tassafsəḡ iman-nak, tazsabbe-du təgəttawt di!»

⁴¹ Ǝmmək en da as daḡ-as taggan muzaran ən limaman, əd musanan n Ǝttawret əd muzaran ən Kəl-Ǝlyəhud tamakkakkayt əntanay da, gannin:

⁴² «Aləs wa isafsin aytedan, wər ifreg əsəfsi ən man-net! Kud ənta a imosan əmənokal n Israyil, azzabbatet-du təgəttawt ten! Ǝddi a sər-əs nəzzəgzən.

⁴³ Iga attama-net daḡ Məššina. Agəzet-tu Məššina əmərədda, kud ir-ay. Fəlas a inna: "Nak Barar ən Məššina a mosa."»

⁴⁴ Ijujab ən baydagan win dagman-əs əttəytaynen, da əhân šin-net s əmmək en da.

Iba ən Ƴaysa

⁴⁵ Ǝlsanat šiyay akal ketnet, a obazan ḡur ammasnazal, har dəffər tazzar.

⁴⁶ ḡur attayan ən tazzar, idkal Ƴaysa əməsli-net wəllen, inna: «Eli, Eli, lama sabaxtani?»

Almaḡna n awen: "Ɛməli-nin, Ɛməli-nin, mafel toyyeḡ-i əd man-in?"

⁴⁷ Ɛslan-as arat daḡ aytedan win əbdadnen den, ənnan: «Awen ənnəbi Ilyas a iḡarru.»

⁴⁸ Tarmad as ozal iyyan daḡ-san, idkal-du təduft, issəlmaq-qat daḡ esmad n alḡanab ikkizbaran wəllen, ittal-tat d əmi n alawag ən telant, izzal-t-in i Ƴaysa y ad ašəw.

⁴⁹ Mišan ənkaran win hadatnen ad gannin: Ayy-ay, ad nəssən a d-asu Ilyas assafs-ay.

⁵⁰ Amazay wen da, a daḡ ilas Ƴaysa ikus n əməsli issohen, əgmadan-tu man.

⁵¹ Assaḡat ten da a daḡ izzərrat əfər wa zəwwəran imosan anaḡer gər adag wa zəddigan əd wa ogaran tazdak daḡ Ahan wa Zəwwəran n Ɛlḡibada, issərrat-du anaḡer wen ḡur afalla har eres. Inaḡaynaḡay amaḡal, ad tasarratnat təsəläten.

⁵² Ɛnnolaman zəkwan, ənkaran-du nəməttan aggotnen əmosnen inaxbidan ən Məššina,

⁵³ əgmadan-du izəkwan. Dəffər tanakra ən Ƴaysa, əggazan aḡrəm wa zəddigan ən Kəl-Ɛlyəhud a t-imosan Yerusalām. Inəmməttan win den nifalalan y aytedan aggotnen.

⁵⁴ As inay kabtan əd sojitan win ogazen Ƴaysa ənəḡəynəḡəy wa iga amaḡal, d aratan win əḡanen den, təggaz-tan tasa zəwwərat, ənnan: «İllikan as Barar ən Məššina awen!»

⁵⁵ Ɛllanat tədoden aggotnen den, əbdadnen sədi, əswədnat. Šidoden šin den harwa daḡ akal ən Galilaya ad əddewnat əd Ƴaysa əssənnat daḡ-as.

⁵⁶ Təh-enat Maryama Madəl, əd Maryama ta

n anna ən Yaqub əd Yusəf, d anna ən maddanəs
ən Zabaday.

İtəwəgga ən Ƴaysa daƷ əzəkka

⁵⁷ Ill-ay aləs n əməggergəs igân esəm Yusəf, n
əxrəm n Arimatay, imosan iyyan daƷ məzzəgzan
əs Ƴaysa. Osa-du Ʒur agadal ən təfuk,

⁵⁸ ikka Bilatəs, igmay daƷ-as taƷəssa ən Ƴaysa.
Təzzar omar Bilatəs s ad itəwəyyu Yusəf awəy
taƷəssa ən Ƴaysa.

⁵⁹ Idkal Yusəf taƷəssa ten, ig-et daƷ šifit
təhossayat.

⁶⁰ Eway-tat, issəns-et daƷ əzəkka aynayan
imosan akazam isisaga i man-net. Təzzar
isaƷƷararad-du təhunt zəwwərat, ihar sər-əs imi
n əzəkka, igla.

⁶¹ Təlla Maryama Madəl den, əd Maryama ta
hadat, əqqimnat daƷ tənəmiwəla n əzəkka wen.

İtəwigaz n əzəkka

⁶² As iga əzəl wa dəffər awen, imosan əzəl
wa dəffər əsəmmutəg n əzəl wa n təsanfawt
ən Kəl-Əlyəhud, əgla n muzaran ən limaman, əd
Fərisaytan, əkkan Bilatəs,

⁶³ ənnan-as: «Ya əmuzar, nəkittəw as anas-
bahu en harwa da iddar ad inna y aytedan:
"Dəffər karad adan a du-təwəsankara daƷ
təmattant."

⁶⁴ DaƷ adi amər s ad itəwigəz əzəkka wen har
əzəl wa n karad, fəl a du-wər-asin nalkiman-
net akəran taƷəssa-net, ad gannin y aytedan:
"Itawasankar-du daƷ təmattant." Bahu wa, as
iga, ad agər wa azzaran.»

⁶⁵ Inn-asan Bilatös: «Ënta æddi da! Idawat æd tæsægært æn sojitan, tæzæzzigøzam-tan æzækka æs tæmæwit tas tæram.»

⁶⁶ Tæzzar ækkan æzækka, æyfalan-tu ægradan æzæzzæwi wællen i tæhunt ta tu-tæharat, zazzagazan-tu i sojitan wen den.

28

Tanakra æn Ýaysa daɣ tæmattant

Æzækka wær tu-tæha tæxæssa æn Ýaysa

¹ Dæffer as okay æzæl wa n tæsanfawt æn Kæl-Ëlyæhud, affaw aɣora n alxad, tægla Maryama Madæl, æd Maryama ta hadat, y a d-ænæynat æzækka.

² Ihin-in amaðal iga ænægøynægøy issohen fælas iyyan daɣ angalosan n Æmæli a d-izzabbe daɣ jønnawan, ihoz-in æzækka, isaxɣararad tæhunt zæwwærat ta tu-tæharat, iqqim fall-as.

³ Ila azzahir a n essam, tæga tabdoq-net tæmællay tæsiraqqet.

⁴ Tæga taysæst daɣ sojitan win ogaznen æzækka, fæl awa dasan-tæga tasa daɣ iguz, zun tan-ægmâdan man.

⁵ Iššewal angalos, inna i tædoden šin din-osanen æzækka wen: «Kamatay a kamat-wær-tæggøz tasa, fælas æssanaɣ as Ýaysa as tæsaggadmat wa itawataytayan fæl tægøttawt.

⁶ Wær illa da, fælas itawasankar-du daɣ tæmattant s æmmæk was imal awen. Aglimat-du ad tænæymat edag was kala a daɣ-as tænsa tæxæssa-net,

⁷ taglimat tarmad tæmælmæt i nættulab-net as itawasankar-du daɣ tæmattant. Azzar-asan-in æs

Galilaya. Den da a tu-za-tənəyam. Adi da as are a dakmat-t-anna.»

Əmənəy ən tədoden əd Ƴaysa dəffər tanakra-net

⁸ Əfalnat əzəkka tarmad, təh-enat tasa, mişan ya əfilawasnat wəllən, ozalnat əganat isalan i nəttulab-net.

⁹ Əglânat den da, as əmmənəynat əd Ƴaysa, inn-asnat: «Ma təxlakmat.» Əhoznat-t-in, gabarratnat idaran-net, əssəjadnat-as.

¹⁰ Təzzar inn-asnat Ƴaysa: «A kamət-wər-təggəz tasa! Aglimat tannimat i mədrayan-in, ad akkin Galilaya. Den daƣ a di-z-ənəyan.»

Arat was ənnan sojitan ənâyan-tu əd tanat ta əgan muzaran ən Kəl-Əlyəhud

¹¹ Harwada əhânat tarrayt, as d-ewadan arat daƣ sojitan win ogaznen əzəkka aƣrəm, əssoƣalan i muzaran ən limaman awa igan ketnet.

¹² Təzzar əmmənəyan muzaran ən limaman, əd muzaran ən Kəl-Əlyəhud, əgan šinaden, əkfan sojitan win azrəf aggen.

¹³ Ənnan-asan: «Anniwat: "Inəttulab-net a d-osanen ehad, nənsa, okaran taƣəssa-net."»

¹⁴ As isla ənaxkim Bilatəs arat wa, a tu-nəsassagru awa imos, taƣqamim da wər kawan-igrew wala.»

¹⁵ Ədkalan sojitan azrəf, əmmožalan s arat wa dasan-itawannan den. Əlqissat ta tawazawaz daƣ Kəl-Əlyəhud, amaran har azalada suƣulantat.

Əlməsix əd nəttulab-net dəffər tanakra-net daƣ təmattant

Enəməgraw ən Ƴaysa əd nəttulab-net win maraw d iyyan daƳ Galilaya

¹⁶ EƷlan nəttulab win maraw d iyyan, əkkan Galilaya, əggəzzayan adƳaƳ wa dər tan-isannamawal Ƴaysa.

¹⁷ As ənayan Ƴaysa, əssəjadan-as. Mišan wiyyad daƳ-san əgan daƳ-as aššak.

Awa issəwar Ƴaysa inəttulab-net

¹⁸ Təzzar ihoz-tan-in Ƴaysa, iššewal-asan, inna: «Tiwakfa taymar kul daƳ jənnawan, tiwakfaƳ-qat deƳ fəl amaƳal:

¹⁹ DaƳ adi aƷliwat, takkim šimattiwen kul n əddənet tagim-tanat inalkiman-in. SalməƳat-tan daƳ aman s esəm n Abba, əd Barar, d Infas wa Zəddigan.

²⁰ SassəƳriwat-tan ləkkum y aratan kul win as kawan-omara. Nak amaran əssənət as əlle Ƴur-wan faw, har əƳrud n əddənet.»

**Ḑlinjil ən Ḥaysa Ḑlməsix Itawann-as dex
Arkawal wa Aynayan
Tamajaq, Tawallammat: Ḑlinjil ən Ḥaysa Ḑlməsix
Itawann-as dex Arkawal wa Aynayan New Testament
Le Nouveau Testament en tamajaq tawallammat,
écriture latine**

copyright © 2015 Wycliffe Bible Translators, Inc.

Language: Tamajaq, Tawallammat

Contributor: SIM International

All rights reserved.

2020-12-01

PDF generated using Haiola and XeLaTeX on 18 Apr 2025 from source
files dated 29 Jan 2022

3aaeb7b2-4a3b-51fe-8c2d-ed8c05d4be0f